









26

6 25

22.1

III

III

Od^o Montfordi Sala 2^o 6—
Garioponti Lib. VIII }
Rem. Dodonai — }
Observationes Lara }

65361/A


MEDICAL SOCIETY
OF LONDON




ACCESSION NUMBER

PRESS MARK

GARIOPONTUS





MI

C

At

Ex

Remb. Dodonæi Medici Cæs.

MEDICINALIVM
OBSERVATIONVM
EXEMPLA RARA.


*Accessere et alia quedam, quorum
Elenchum pagina post Præ-
fationem exhibet.*



LVGDVNI BATAVORVM,
Ex officina Christophori Plantini.

M. D. LXXXV.

~~THE~~
~~LIBRARY OF~~
~~THE~~
~~AMERICAN~~
~~ANTHROPOLOGICAL~~
~~SOCIETY~~
~~WASHINGTON~~
~~D. C.~~



THE
LIBRARY OF
THE
AMERICAN
ANTHROPOLOGICAL
SOCIETY
WASHINGTON
D. C.

ILLVSTRI AC


GENEROSO DOMINO,

D. WOLFANGO RVMPFF

LIB. BARONI IN WIELROS &c

Sac. Cæs. Ma^{us} Cubiculi præfecto,

REMB. DODONÆVS S. P.



RT^{em} medicam, Illu-
stris ac Generose Baro,
longam quæ efficiunt, ab
Hippocrate Medicorum
Principe, mox in initio
Aphoris. tria proponun-
tur. Præcipites videlicet agendorum occa-
siones: experimenta fallacia periculosaque:
& iudicij difficultas. Ex his autem, vel sola
iudicij difficultas, non modo prolixitatis, sed
& difficultatis ipsius artis, causa, vel præ-
cipua esse apparet. Occasionē siquidem etiam
repentinam poterit diligens ac expertus Me-
dicus non negligere: celeriter ac in tempore
idoneis remedijs adhibitis. Experimentis

EPISTOLA

non facile fallatur, ab expertissimis doctisq.
 medicis frequenter compertis medicamentis;
 vel sibi longo cognitis usu, qui cum iudicio
 & ratione utetur: ab iis verò abstineat,
 quorum facultates vel non satis exploratæ,
 aut cognitæ fuerint: vel alioqui vehementio-
 res, vsuiq. minus accommodæ, aut tutæ sint.
 In iudicio verò etiam exercitatissimos atque
 doctissimos subinde herere contingit: & non
 modo in futurorum predictionibus quando-
 que falli, veluti in morbis acutis, quorum
 non esse certas vel salutis vel mortis predi-
 ctiones Hippocrates affirmat: sed tunc po-
 tissimum, quando aliquod admodum rarum,
 antea non observatum superuenerit sympto-
 ma. Tale enim medici etiam doctissimi atque
 expertissimi iudicium non rarò interturbat,
 ac dubium eum sollicitumque sæpenumero
 reddit, dum morbum atque eius causam co-
 gnoscere laborat, nec citò aut facile vel omni-
 no non assequi potest. Istis autem tantis dif-
 ficultatibus occurrere veteres Hippocrates
 & Galenus magno studio voluisse viden-
 tur,

DEDICATORIA.

tur, quando multorum agrotorum, tum & curationum exempla suis operibus inseruerunt. Per hac etenim medici doctiores, & in ferendo iudicio promptiores redduntur: certiusque aliquid affirmare queunt: morborum causarumque cognitionem facilius consequuntur; dum videlicet praterita, quae circa alios contigerunt in memoriam reuocant. Nec verò dubium esse potest, quin & maiorem lucem abditis & difficile cognitisue morbis, siue causis, allaturi fuissent, si ex morbis mortuorum corpora secare & aperire ipsis vel licuisset, vel libuisset. Neque enim vlla est, quantumcunque diligens, observatio, quae de occultis siue abditis morborum ac symptomatum causis veritatem citius aut facilius ostendit, quam ipsa mortuorum corporum dissectio. Hac etenim affectum mox ostendit manifestumque facit, tum ipsius, ac symptomatum causas cognoscere docet. Sed cum priorum seculorum mores ac consuetudines non paterentur mortuorum aperiri corpora, quod potuerunt

EPISTOLA

Hippocrates & Galenus præstiterunt. Ille
 siquidem v. ac vii. De Morbis popu-
 laribus multorum egrotorum affectus nar-
 rauit: Galenus verò, non in vno aliquo li-
 bro, sed sparsim pluribus locis non pauca ad
 morborum notitiam ac curationes facientia,
 scripta reliquit. Quæ olim in unum volu-
 men à Symphoriano Campegio contracta &
 edita sunt. Posterior ætas maiore libertate
 vsa, humana corpora aperire, & latentes
 affectus, abditasque eorum causas, hac via
 perquirere didicit. Quod cum medico vtile
 & quàm maximè sit conducibile, nos quo-
 que imitari, quando licuit, studuimus. At-
 que hoc modo non solum difficile aliquot
 morborum affectuumq. abditas causas nos
 deprehendisse: sed & nonnullorum veras
 legitimasque curationes cognouisse & didi-
 cisse libenter profitemur; quorum hætenus
 curationes vel incognita, vel non satis rectè
 traditæ aut descriptæ fuerunt: vt in nostris
 De curandis morbis libris ostensuros nos
 speramus, quos paulatim ad editionem pa-
 ramus.

DEDICATORIA.

ramus. Harum autem Observationum, non omnia exempla, sed rara quaedam tantummodo, quæ medicorum opinionē superare possunt, in hunc libellū congeessimus, quibus & quæ circa alios nonnullos haud vulgares affectus observata à nobis sunt, etiam adiecimus, quæ ita simul in vnum librū contracta Scholiis quoque nonnullis additis illustravimus. Hunc autem qualemcumq. studiorum ac observationum nostrarum fructum, semel quidem atque iterum editum, nunc verò etiam auctiorem factum, denuoq. in publicum prodeuntem, D.T. Illustris Baro, offerimus ac dedicamus, quod veluti & gratum acceptumq. futurum confidimus, sic & sub Illustris nominis tui auspiciis apparenti, plurimum gratiæ atq. auctoritatis hinc accessurum speramus. Bene vale illustris Domine, & exiguum hoc chartaceum munusculum benigne à me accipito. Calendis Decemb. Clō. Id. LXXXIIII.

REMB. DODONÆVS

LECTORI SALVTEM.

QUANTVM ad omnium ar-
tium notitiam, amice Lector
experientia conferat, quan-
tum vsus & exercitatio va-
leant, ex eo manifestissimum
ac euidens est, quod nulla sit non modò
ars, sed nec scientia quæ non vsu experien-
tiæq. inuenta, ab ipsis quoq. incrementum
accipiat. Ars etenim tunc existit, cum ex
multis experientiarum obseruationibus, vna de
rebus singulis nascitur notitia, vt in Meta-
physicis Aristoteles tradit: experientia au-
tem ex memoria, eodem auctore procedit.
Multæ enim, inquit, eiusdem rei memo-
riæ, vnius experientiarum vim efficiunt. Gale-
nus verò experientiam non modò memo-
riam, sed & obseruationem eorum esse ait,
quæ sæpè eodem modo comperta & per-
specta sunt. Hæc autem citra exercitatio-
nem consequi nequeunt. Quid siquidem
obseruare poterit, cuius tadem memoriam
habebit, qui exercitatione caret? Habet in
omnibus momentum exercitatio maxi-
mum,

AD LECTOREM.

num, quæcunque obscura, cognitu difficilia, hæc dilucida ac facilia reddit. Si quis hanc negligat, inquit Galenus, etiam optimo præditus ingenio, nunquam tamen illis melior artifex euadet, qui ingenij dotibus inferiores, exercitatione & studio superant. His verbis quantum exercitationi ac experientiae in quauis arte tribuendum, ostendere volens. Quod etsi ita se habeat, ac nulla sit ars, in qua non exercitatio & memoria in primis sint necessariae: tamen in nonnullis amplius ac magis, quam in plerisque desiderari videntur: veluti in his, quæ non expenitus cognitis ac plenè perspectis, & nunquam fallentibus rebus continentur. Cuiusmodi ars est medica, in qua pleraque incerta, multa latetia non satis perspecta, quæ coniectura quadam, artificiali tamen subinde magis quam ratione assequi datur. Naturalium etenim rerum notitiam hæc ars coniunctam habet, & de his quæ in aperto haud sunt, sed latent ac conspectum fugiunt, iudicat. Rerum autem naturæ notitia, nec facilis, nec expedita. Nam præter quod adeo innumera ac infinita sint à Deo Opt. Max. creata, vt nec ingenio comprehendi, nec hominis ætas ad cognoscendum

AD LECTOREM.

sufficiat, multorum etiam facultates tales sunt, vt nō ex sensibilibus qualitatibus, sed per solam experientiam cognoscantur: vt sunt quæ essentia proprietatem ac substantia formam consequuntur. Ad quarum notitiam comparandam diligenti obseruatione ac exercitio in primis opus est. Desiderantur & eadem, vt de internis ac latentibus humani corporis affectibus rectè iudicetur. Non modò autem quæ corporis pars laboret, cognoscere satis est, sed quales sint morbi siue affectus, & quid expectandum, qualiter finiendi præscire expedit breuissimè videlicet, an longus futurus sit morbus, salutarissimè, an exitialis, per crism, aut alio modo terminandus. Quomodo autem hæc sciri queant, multis Hippocratis ac Galeni scriptis docetur. Exstant illius Aphorismi, prædictionum ac prænotionum varij libri, tum & de morbis inscripti: Galeni de affectorum locorum notitia, de crisibus, & alij eiusmodi. In quibus clarè ac dilucidè quomodo præsentis singularum partium affectus agnosci queant, docetur, & quid in singulis expectandum, quidue futurum, ostenditur. Non tamen tam exquisitè, vt non quandoq. medicum falli contingat. Nam
& ex-

AD LECTOREM.

& exercitatissimus etiam medicus, ac in artis operibus diutissimè versatus, quantumvis acri ingenio præditus, veritatem quandoque haud assequitur. Proinde non temerè κρίσις χαλεπή siue iudicium difficile in Aphorismorum initio ab Hippocrate asseritur. qui etiam se senem veritatem haud assecutum & deceptū fuisse ingenuè agnoscit, lib. 5. De Morbis popularibus. Atque ex his manifestum, experiētiam, longi temporis exercitationem, haud fallibilem memoriam, in medico vel plurimum requiri. Tantū abest, vt vel citra exercitationem, vel paucorum annorum studiis ars compræhendi queat: vt nonnulli somniantes aut citius delirantes sibi persuadent. Fieri tamen potest, vt ab huiusmodi medicis nonnulli curentur, sed fortuna (quæ vbique plurimum etiam potest) non artis scientia aut industria. Tale enim aliquid ipsis contingit, quale nauigandi haud peritis nautis. Secundo vento dum hi vela laxant, propitio flumine aut mari nauigant, ac cælum sudum est, nullæq. tempestates suboriuntur, etiam delinquentes ac negligentius nauim dirigentes, in errore non depræhenduntur, & æquè portum ac periti assequuntur. Sed
cūm

AD LECTOREM.

cum ventorum turbines omnia perturbant, fauiunt tempestates, fluctibus naues iactantur, tum demum quàm imperiti, & quàm dirigendæ regendæque naus parum experti depræhenduntur. Haud aliter fanè cum non exercitatis medicis agitur. Quando enim homines nihil graue patientes, neque aliquo magno morbo occupatos curant, etiam à recta methodo subinde deuiantes, non citò deliquisse depræhenduntur, imò dum errore quodam morbum protrahunt, ad sanitatem ægro reuerso magnum aliquid præstitisse putantur. Vbi autem vehemens, difficilis morbus huiusmodi hominibus curandus contingit, tunc demum illorum ignorantia sese prodit, dum veluti palantes nunc huc, nunc aliò consilia sua dirigunt: nec quod statuant ac definiant, certi habent quicquam. Atque sic demum illorum manifesta fit imperitia: & quantum experientia medico conferat, diligensque multorum obseruatio conducat, palàm apparet. Quæ omnia Medicinæ Princeps Hippocrates diligenter considerans ac expendens, tum & veteres illi, qui vel filij vel discipuli, nonnullorum librorum, vt existimatur, auctores, qui huius nominis inscribuntur,

AD LECTOREM.

buntur, non satis habuerunt, multis præceptionibus artem docuisse, sed & exempla addi operæpretium rati sunt: & tam eorum, quæ circa mutationes aëris ac temporum constitutiones, quàm penes agrotantes diligenter ab ipsis considerata ac obseruata, veluti libri *ἐμπειρικῶν*, siue De Morbis popularibus, manifestè ostendunt: exemplis vtriusque generis abundantes. Hoc autem modo nec exigua, nec infrugifera arti medicæ accessio facta est. Exemplis siquidem, partim quæ præceptionibus cōtinentur, facilius in memoriam reuocantur, aut ob oculos posita eidem citius commendantur: partim verò ad nouas præceptiones via paratur. Vbi etenim eadem sæpius obseruata fuerint similia, tandem præceptum ac regula nascitur. Nam artem experientia facit, exemplo monstrante viam. Veterum horum laudabile istud institutum nonnulli posterioris ac nostræ ætatis viri doctissimi imitati sunt, qui ab ipsis diutina exercitatione cognita, editis scriptis studiosis communicarunt rara quidem & abdita, quorum in antecessorum scriptis similia haud extant. In horum numero vel primus occurrit Antonius Beniuenius Medicus sua
ætate

AD LECTOREM.

ætate admodum celebris, qui rarissimarum
aliquot observationum libellum reliquit, ti-
tulum cui fecit, De Abditis nonnullis, ac
mirandis morborum & sanationum causis.
Alexander Benedictus paucula quædam
etiam exempla suis libris rarissimorum ca-
suum inseruit: quemadmodum & Valescus
Tarantanus olim, & in suo De Medendis
morbis Philonio. Iacobus Hollerius, & Val-
leriola viri doctissimi Observationes quoq.
suas haud vulgares ediderunt. Clarissimus
Ioannes Fernellius tametsi de industria hu-
iuscemodi argumentum non videatur tra-
ctasse, in libris tamē De Partium morbis &
symptomatis quosdam refert affectus, qua-
les apud nullum alium descripti reperiu-
ntur. In eodem autem ac simili argumento
nos nunc versamur, clarissimos ac doctissi-
mos viros si non assequi, saltem subsequi
aliquo conantes modo. Scripsimus idcirco
& nonnulla de admirandis, nec passim ob-
uiis affectibus, quos supra quadraginta an-
nos, quibus in artis exercitio versamur, ob-
servatos habemus. Potuissimus plura ex-
empla adferre, sed ab iis libenter abstinui-
mus, quæ alij ante nos descripserunt. Hæc
verò à nobis litteris mandata, licet fortassis
opinio

AD LECTOREM.

opinionem ac fidem superare videantur, sic tamen se habuisse affirmare verè possumus. Cum autem hæc Medicinalium Observationum exempla, iam secundò in lucem ventura erant, ipsa recognouimus, & non exigua accessione locupletauimus, ac additis scholiis etiam illustrare studuimus. Adiunximus verò & his similis argumenti librum Antonij Beniucnij Medici Florentini, cum paucis aliquot annotationibus nostris: ac deinde & exempla quædam ex Vallesci Tarantani, & Alexandri Benedicti libris transcripta, rara certè & admiranda quoque. quibus accesserunt & Historiæ aliquot gestationis in utero foetus mortui Matthiæ Cornacis, Ægydij Hertogij, & Achillis Gassari: quæ rarissimè contingentibus non temerè annumerandæ sunt. His autem qualibuscunque benignè ac feliciter frueri. Anno M. D. LXXXI.

ELEN-

ELENCHVS EORVM

QVAE ACCESSERVNT.

ANTONII Beniuenij Florentini Me-
dici & Philosophi, De Abditis nonnul-
lis ac mirandis morborum ac sanationum
causis Liber, cum Annotationibus Do-
donæi.

MEDICINALIVM Observationum
exempla rara Valesci Tarantani, & Ale-
xandri Benedicti.


HISTORIAE gestationis fœtus mor-
tui in vtero, Matthiae Cornacis Rom.
Regis Medici, Ægydij Hertogij Medici,
Achillis Gassari Medici.

R E M.

REMBERTI
D O D O N Æ I
MEDICI CÆSAREI,
MEDICINALIVM OBSER-
VATIONVM EXEMPLA RARA.

*De Cerebri concussione, & ossis
petrosi fissura.*

CAPVT I.

VIDAM cum baculo crasso,
ad sinistram capitis partem,
supra aurem percussus, non
existimabatur insigniter læ-
sus. Nam cutis integra, nul-
lam læsionis notam ostendebat: osse inte-
rim petroso, quod subest, fisso, ac secun-
dum latitudinem magnam rimam habentem.
Huic mox superuenit sopor, non tam
profundus tamen, quin interpellatus exci-
tari facile potuerit: excitatus verò, facile
iterum oculis conclusis, in soporem relap-
sus est: donec tandem post (plus minus)
dies 14. grauem soporem, à quo excitari

A

non

non potuit, mors sequeretur. Decubitus toto tempore erat supinus, vrina & aluus rarò reddebantur, tandem etiam citra sensum profuebant. Lenta admodum, sed nunquam remittens, aderat febricula. Capite huius post mortem aperto, reperta est durior cerebri membrana, sub osse petroso, sanguine omnino suffusa, purulento etiam circa cerebrum humore consistente.

S C H O L I O N.

CONCVSSVM autem huic fuisse cerebrum aperto capite satis apparuit, quanquam & hoc ex ipsa ossis petrosi insigni rima satis manifestum: neque enim tam violentus ictus absque cerebri concussione fieri potuit. Cur autem non statim mutus factus fuerit, perquirendum videtur. Ait enim Hippocrates: *Quibus cerebrum aliqua ex parte concussum fuerit, necesse est statim mutos fieri:* Sect. septimæ, Apho. 60. Eadem verò & De morbis primo, sed minus concisis verbis habentur: *Si cerebrum, inquit, concussum fuerit, ac doluerit eius qui percussus, mutum statim fieri necesse est: ac neque videre neque audire.* Sed hic Aphorismus, aut hæc Hippocratis verba, non de quavis cerebri concussione, neque de tali, qualem descripsimus, sunt intelligenda; sed de violentissima tantum, veluti cum cerebrum concuti contingit (vi Galenus interpretatur) propter casum aliquem totius corporis violentum ex locis altioribus factum. Iacent enim

MEDICINAL. OBSERVAT.

enim tunc eodem quo apoplectici modo, absque sensu pariter ac motu. Quando verò minus violenta est concussio, non statim muti redduntur, sed tardius & aliquot post dies demum: veluti percussio huic contigit, tum & illi, de quo Hippo- Epidemion quinto: *Qui lapide, ait, in capite percussus est à Macedone, corruit. Tertia die voce destitutus erat, anxietas, febris tenuis, pulsus non valde in temporibus. Nihil omnino audiebat, neque sapiebat, non quietus, sed quarta movebatur, humiditas circa fontem, & sub nasum, & vsque ad mentum, & mortuus est.* Veluti enim maximos & violentissimos casus, omnia grauissima succedunt, ita minores, molesta minus consequuntur accidentia; aut tardius superueniunt.

De vulnere cutis capitis, quod sanissima subsequuta sunt symptomata.

CAPVT II.

ALTERI vulnus illatum in superiore capitis sinistra parte, cum instrumeto retuso, sed nonnulli ponderis, quod existimabatur periculi exors, vtpote cranei osse illaeso: idcirco etiam negligentius curatum. Superuenit huic & sopor ille, qualis superiori: ex castris, vbi vulnus acceperat, tunc in vicinam urbem translatus fuit. Decubitus huius quoque supinus fuit, pulsus
A 2 paruus

paruus ac creberrimus, mens nonnihil læsa, ad interrogata enim haud rectè respondit. Huic ingrauescente malo, vniuersum dextrum latus resolutum est: (cùm tamen in sinistra capitis parte vulnus esset) inde perniciosus sopor, à quo excitari non potuit, breui vitæ exitu subsequente. Cranio huius sublato, reperta est dura meninx sinistra parte liuens, ac similiter sub hac cerebri substantia, quæ apparebat, sphacelo correpta: dextra cerebri parte cum sua membrana haud malè affecta: cranio etiam vndequaque integro, nec rimam vllam aut fissuram habente.

SCHOLIION.

APPARET & huic concussum fuisse cerebrum. Nam dextræ partis resolutio vulneris occasione non videtur accessisse, sed aliam ac maiorem causam habuisse, ipsam videlicet cerebri ab ictu per instrumentum grauioris ponderis concussionem. Reliqua symptomata vulnere successisse potuerunt. Capitis siquidem offensus vulneribus, etiam osse cranij haud læso, grauiora quandoque symptomata accedunt: ac tandem ipsa mors. Aër frigidus hisce vulneribus inimicus, à quo si vulneratus se non contineat, sæpe in periculum seipsum adducit. Complures referri possent, qui ex leui vulnere capitis, pericranio tantum vulnerato

MEDICINAL. OBSERVAT.

vulnerato, obierunt, qui sese aëri frigido exposuerant. Superuenit autem istis sensuum stupor, ac tandem profundus ac noxius sopor: nonnullis etiam febris: deinde mors. Sed resolutionem cuius partis non memini in quoquam capite vulnerato alio, quàm in hoc, me obseruare. Quamobrem non vulnus modò, sed cerebri concussio morti occasionem præbuisse videtur. Cur autem alij ex leui vulnere capitis perierint, qui sui nullam aut exiguam rationem habentes aëri frigido sese exposuerunt, nulla alia apparet causa, quàm quòd frigidum per denudati ossis cranij poros ad cerebrum perueniens, sphacelo inducto, ipsum vitiauerit: quo superaccedente, ægri haud diu viuere potuerunt. Nam vt Apho. 51. lib. 7. *Quibus cerebrum sphacelatum, id est, corruptum est, in tribus diebus pereunt; si verò hos euaserint, sani sunt. Quæ sententia & in Coacis Prænotationibus paulò aliter sic habetur: Cerebro corrupto alij in tribus diebus, alij in septem moriuntur: hos verò si effugerint, seruantur.* Cuius sententiæ postrema verba de sphacelo confirmato veritatem habere non possunt, vt Galenus satis manifestè in Commentariis testatur: sed de incipiente tantummodò, & leui ad sphacelum dispositione præuia, accipi debent; à qua æger, diligenti adhibita curatione, restitui potest, vt & Hippocrates lih. 3. De Morbis scriptum reliquit. *Quòd si morbus leuiter, inquit, corripit, vbi sanguis discessit, melius æger habet: si verò vehementer correptus fuerit, citò perit.*

De cerebro punctim læso.

CAPVT III.

SIMILIA symptomata superuenerunt & cuidam, cui durior cerebri membrana, anteriore parte punctim læsa fuit. Vultus hic acceperat cum tridentis acuto radio, in superiore dextri oculi palpebra sub ipso supercilio, oculi bulbo haud læso: exigui momenti vulnus habitum: citò quoque in palpebra coaluit: interim vulneratus sopore tali correptus, quali is qui cum baculo percussus fuerat, ac eodem affectus modo. Adhibita fuerunt multa capiti remedia. non etenim ex tam exiguo vulnere, sed alia ex causa putabantur talia superuenisse accidentia.

Cum verò nullis remediis affectus cederent, superueniens noxius sopor, vitæ finem fecit. De causâ mortis cum dubitatio esset & concertatio, primum exemptus est oculus, atque tunc compertum radium non tantum palpebram vulnerasse, sed vltius progressum os illud penetrasse, quod cavitae sua oculi bulbum continet. Exempto verò & frontis osse, apparuit durior membra-

membrana & vulnerata & sanguine multo perfusa, iam corrupta cerebri proxima vulneri substantia ac vitiata. Quæ dubio procul exitij causa.

SCHOLION.

HIPPOCRATES lib. Prorrheticon statim initio, & similiter in Coacis Prænotionibus, interrogare videtur, num sic affecti Phrenitici sint. *Qui soporosi, inquit, inter initia sunt, cum capitis, lumborum, præcordij, collique dolore vigilantes num phrenitici sunt?* Respondet Galenus in Commentariis, Phrenitim non appellari (proprie videlicet) nisi febricitet æger, & continuo deliret, ac continuitate dementiæ, quodque simul cum febre fiat, phrenitin agnosci: phreniticos tamen & hos esse, qui soporosi existentes sapiunt, sed & delira quandoque loquuntur, atque à præsentibus expergefæcti stupefactis similes videntur: & tales quidem fuisse, de quibus Hippo. Epidem. lib. 3. Sectione 3. hunc in modum scribit: *Neque Phreniticorum quisquam insaniuit, ut in aliis, sed alia quadam veteriosa in somnum delatione, capite grauati moriebantur.*

Ex quibus apparet, cum eum cui os petrosum, fissum, & alterum in capite vulneratum, tum & hunc, cui punctum læsum, phreniticos dici potuisse: cum & ipsi excitati, veluti stupentes, mox in soporem relapsi, subinde ad interrogata rectè responderint, quandoque verò aliena.

DIFFERENS à superioribus affectibus Catochus est. Hic quandoque absque febris inuadit: subinde eidem superuenit, & quidem intermittenti: vt nobis quandoque obseruare contigit. Inuadit autem paroxysmi tempore & cum ipso desinit, si præposterè nihil fiat. Si etenim tempore paroxysmi pleraque temerè tententur, non rarò in ipsa accessione æger deficit. Expectanda est febris remissio, & eousque, dum vires nonnihil fuerint reparata, prius tamen, quàm altera subsequatur accessio, malo occurrendum. Si etenim secundò superuenerit, perniciem adfert. Neminem certè liberatum nouimus, cui secundò Catochus superuenit. Non potissiquidem natura videtur, tam graue malum bis sustinere. Adhibent nonnulli mox Catocho cum febris correptis quædam remedia, qualia apoplecticis subinde etiam temerè infunduntur, & adhibentur: de quibus in cap. de Lauandula, ac de Vino stillatio in nostris Historiis scripsimus: quæ & Catocho correptis nocent ac perniciosa sunt.

sunt. Magis ferendi videntur, qui in ipsa accessione vel sanguinem ducunt, vel enemata iniiciunt, tametsi & hoc modo pauci seruati. Tutissimum nobis visum, febris remissionem & *ἀνυπεξίαν* expectare: in ipsa verò accessione, præter diuersiones, veluti crurum frictiones, nihil adhibere. Ita certè referre possumus, nonnullos nostra opera sanitati restitutos.

Generosus quidam vir, posteaquam febris intermittente aliquot diebus laborasset, & iam ab ea liber videretur, subitò in febrem iterum relapsus, atque vnà in veluti stuporem: membra nulla mouit: videbatur oculis apertis omnes intueri præsentēs, interim vel digitis, vel re quauis alia propè admota, ne nictabant quidem palpebræ. Febris accessio satis vehemens fuit, horarum (plus minus) 12. interea solis diuertentibus frictionibus vsi, donec manifestam febris declinationem cōsequuti, sub cuius finem, sponte somno superueniente, quietem permisimus. Cum autem à febre liber esset, & vires vtcumque reparatæ, sanguinem pro virium robore detraximus, idoneaque victus ratione instituta, alteram accessionem expectauimus, quæ omnino exigua fuit.

A s post

post hanc purgante medicamento exhibito, generosum hunc virum à febris & Catocho liberauimus.

Similis & mulieri cuidam affectus contigit, quæ & in ipsa accessione correpta, oculis apertis immota perstitit: huic sanguinem non detraximus, sed in die intermissionis purgans exhibuimus medicamentum: quod certis de causis vtilius videbatur. Atque hoc modo, hæc quoque seruata, sanitatiquæ restituta, libera à tam graui malo euasit. Potuit hæc referre nonnulla eorum, quæ contigissent circa illam, quo tempore Catocho detinebatur: sed generosus vir, de quo scripsimus, minimè. Mansit huic & à morbo isto nonnihil læsa aliquanto tempore memoria. Profuit nonnullis in ipsa accessione oxyrhodon, ex aqua & aceto rosaceis fronti admotum: sed quando post febris paroxysmum nihil præterea adhiberetur, recurrens cum febris Catochus eos sustulit.

SCHOLIION.

ATQUE huiuscemodi affectum κατόχον à veteribus, ac subinde κατόχον dici, ex Pauli Æginetæ cap. 10. lib. 3. manifestum est: Catochum siquidem ait, esse, quando eger subito corripitur, & in

& in illa permanet figura, qua correptus est clausis oculis, vel respiciens. Atque sic affectos *κατοχομένους* appellat: quales, de quibus iam scripsimus, qui in ea, qua correpti, figura permanere, donec accessionis finis esset. Dicitur verò & idem affectus *κατάληψις* siue Detentio: & *κῶμα ἀγρυπνον*, id est, vigilans sopor. Sunt tamen qui *κατοχον* à vigilante sopore differre velint, & cum profundo sopore conuenire: sed his contradicit Galenus lib. 4. de locis affectis: vbi per soporem claudi palpebras, in Catocho verò siue Catalepsi apertas manere scribit. Causa morbi pituitosus humor cum bilioso temperatus: vt ait Paulus Ægineta: Aëtius etiam ab humore melancholico. Atque hanc ob causam non ardentibus febribus, sed (qui comes febrium) tertianis haud exquisitis superuenit, quæ non ex sola bile, sed pituitoso humore permixta originem accipiunt. Quod & sanguis generosi viri ostendit, cui multa adedò pituita permixta, vt concreta per vniuersam aquam (ex manu siquidem sanguis missus) plurima ferretur, manibusque eximi potuerit, ac impositis virgulis copiosa, quando auferbantur, adhæresceret: vnde & ex pituita permixta hunc morbum natum colligi potuit.

Remedia autem non prius adhibenda, quàm accessio febrilis desierit, idcirco admonuimus, quòd affectus hic ante febris declinationem desinere nequeat: quo tempore etiam spontè frequenter cessat; adhibitis leuibus, vt diximus, diuersionibus. Atque hac de causa, sanguinem mox detrahère, febre præsente, vel alia tentare, frustra est;

& sæpe

& sæpe cum ipso laboratium periculo ac perniciæ. Accedit nostræ sententiæ & Hippocratis auctoritas, qui in huiusmodi morbis, in quibus quis repente voce destituitur, veluti in Catocho, sanguinem non suadet detrahendum, nisi absque febre laborans fuerit. *Quicumque, ait, de repente voce destituuntur, si sine febre fuerint, venam secato.* Epid. 2. sec. quinta.

De Catocho absque febre.

C A P V T V.

SUPERVENIT autem Catochus non solum febricitantibus, sed & nullo alio præcedente morbo, hominem quandoq. occupat, vt superiore cap. scripsimus, & Aëtius quoque Tetrab. 2. lib. 2. cap. 4. testatur. Sic vtiq. contigit honestæ cuidam matronæ natæ annos (plus minus) 45. quæ posteaquam cum aliquot amicis cœnasset ac hilaris fuisset, subitò Catocho occupata est. Videbatur omnes intueri, interim neminem agnoscebat: neque interpellata cuiquam respondit: corporis nullam partem mouebat: sed quomodo correpta, ita permanebat, donec ab effectu libera fieret. Erat autem hæc obesa, multis repleta humoribus: pulsus magnus, fortis & æqualis. Detraximus huic sanguinis è dextri pedis vena,

vena, magno digito vicina, abundè multum. Verùm cum nec sic morbus mitior fieret, enema satis acre iniici curauimus, quo cum irritata aluus ad excretionem impelleretur, mox sensuum suorum compos facta est, & aluum exoneravit, nihil eorum, quæ ipsi facta essent, sciens. Admirabatur ad alui excretionē se bisterue extimulari, sed multò amplius, cùm cerneret pedem fasciola obuinctum. Nam sanguinis missionem numquam antea admiserat: utpote quæ non modò ab omnibus medicamentis, sed & auxiliis ac Medicorum consiliis abhorreret. Atque hinc, cùm remedia nulla deinceps admitteret, tribus post mensibus, cum capitis grauitate, & assidua in somnum delatione, tandem & accedente febris lenta, in grauem soporem incidit, à quo cum nec sanguinis missione etiam repetita, nec enematis, nec etiam topicis remediis excitari potuerit, in viuis esse desit.

SCHOLIION.

CATOCHVM quoque hunc affectum initio fuisse, ex iis quæ superiore cap. scripsimus, satis manifestum. Sanguinem verò ex pede duximus, sexus rationem habentes. Nam subinde sanguinis

guinis è brachio detractio incommodè fit, præsertim iis, quæ faciliè ab utero afficiuntur. quibus ex pedis vena tutius detrahitur. vnde & duplex vt Alexander Trallianus ait, commodum sequitur. Nempè consuetarum vacationum admonitio: & ab affectu liberatio. Iam uteri strangulatione correptæ, quandoque Catocho occupatæ videntur, vt Paulus Aegineta testatur: & in Definitionibus Medicis Galeno ascriptis reperitur: vbi tria Catochi genera referuntur, quorum secundo, vigilantidictò, ex utero præfocatio affinis. Sanguis autem huius admodum crassus fuit, aquæ adhuc calentis mox fundum petiit, atque illic simul concrefcens, in inagnam molem coaluit. Cum autem remedia nulla ægra admitteret, quibus vel reliquum humorum expurgari, vel cerebro accapiti consuli potuisset, morbus in Lethargum commutatus.

De Catocho in sene.

CAPVT VI.

SIMILEM superiori affectum in sene quadam virgine moniali me quoque obseruare quandoque memini. Etatis hæc numerabat annos (plus minus) LXX. habitu corporis extenuato ac macro. rigere ac obstupescere tota videbatur: oculis in omnes intentis non mouebatur, non loquebatur, non respondebat. Huic nec sanguinis missionem, nec enemata adhibere ex re fuit.

fuit. Exhibuimus autem aquam è vino stillatitiam, sæpius repetita destillatione purissimam. qua assumpta, mox ad se, vniuerso rigore soluto, rediit. Nec alio remedio deinceps opus habuit, quàm quo vires & calor naturalis refici poterant.

SCHOLIION.

IN tam senili & extenuato corpore, etiam tenui victus rationi, ex professo monastico, assuefacto, multos humores collectos fuisse non fuit verisimile: proinde non erat quod metueremus, extenuatis & fufis humoribus, affectum ex vsu huius vini intentum iri. Quod vbi humorum copia subest, contingit; vt in cap. De stillatitio vino in nostris De Historia stirpium Pemptadibus scripsimus. Refert & duorum eiusmodi exempla Iohannes Fernellius De Morbis & symptomatis lib. 3. cap. 2. Catochi absque febris extat & exemplum apud Galenum Protrhetici commentario LVII. lib. secundi. *Quidam etiam ex nostris, inquit, condiscipulis, cum assiduo disciplinarum studio sese fatigaret, malo hoc correptus est. Iacebat veluti lignum prorsus inflexum, rigidisque atque extensus, videbaturque oculis apertis nos ita intueri, vt ne conuiceret quidem, nihil tamen loquebatur. Is quoque tempore eodem, que loqueremur audire se dixit, quamquam non euidenter clarè que; nonnulla item & memoria tenens referebat, præsentisque omnes sese conspiciere dixit, ita vt quorundam actiones recordatus exponeret: sed neque loqui posse, neque membrum vllum mouere.*

De Lethar-

De Lethargo.

CAPVT VII.

INTER soporiferos affectus Lethargus est. Catocho tantò difficilior ac periculosior, quantò causa eius frigidior, & viscidus pituitosus humor amplius præpoller. Non subitò, velut Catochus, apprehendit; sed sensim somniculosus obrepit. Mulier quædam honesto loco nata, cum aliquot diebus capitis gravitate laborasset, adèd fuit somniculosa ac in somnum propensa, vt, quæcunque agens, dormire semper cuperet, ac assiduè in somnum dilaberetur: à quo initio excitari potuit, tandem verò accedente febris non potuit. Remediorum vsum hæc neglexerat, nec Medicum accersiri admittere voluerat: itaque non prius vocatus, quàm omni sensu destituta, in grauissimum soporem delapsa esset. De tractus illi mox sanguis fuit è vena iuxta digitum magnum dextri pedis: enemata iniecta: cucurbitulæ natibus & humeris admotæ: topica multa alia adhibita: verùm his non proficientibus, tandem mors superuenit. Capitis huius cranij osse sublato, abscessus

scellus in anteriore cerebri parte repertus,
& pus interiori cranij ossi parti adhære-
scens: quod & è naribus, paulò ante mor-
tem irritatis, profluxerat.

SCHOLION.

AETIVS ex variis causis Lethargum origi-
nem ducere refert: & quandoq. cerebrum
per consensum, quandoque verò primariò labo-
rare. Verùm iste Lethargus non per consensum,
sed proprius cerebri morbus fuit, & quidem par-
tis anterioris, cuius partis affectum Lethargum
esse veteres testantur. Galenus morbum esse refert
Phrenitidi contrarium: Phrenitis siquidem fit ex
bilioso humore superabundante: Lethargus verò
cum pituitosus præpollet, què in præsentì Lethar-
gica copiosum fuisse pituitosus sanguis ostendit,
atq. adeò quidem lentus ac viscosus, vt simul cum
aqua permixta, instar iuris carnis musculosæ, con-
cretus mox fuerit, tenuis glutinis, aut gelatinæ val-
gò dictæ, speciem & consistentiam referens: quod
non nisi admodum crudo pituitoso viscidoq. con-
tingit. Talis autem sanguis in quocunque morbo
apparuerit, crudorum pituitosorum humorum re-
dundantiam ostendit, & morbum lethalem aut
diuturnum ac difficilè curabilem. Nobis certè le-
thales observati sunt morbi, tali apparente san-
guine. Sed ad Lethargum reuertamur. Huic re-
spondere Paulus ait Caron: sed tamen hoc discrimine differre, quòd Carus vel absque febri acce-

Caros.

B

dat:

dat: vel ipsam sublequatur: è contrà verò Lethargus prior inuadat, febris deinde succedat. Caro similis est grauis & profundus somnus, qui ebrios occupat. Suidas hunc Caron etiam appellat: *κάρων* ἐστὶν ἡ ἐξ ὀνομασίας ἐλθινούμεν μέδην, καὶ κατὰ πόσιν: hoc est, Carus est ex vini potatione ebrietas, & grauis sopor.

De Apoplexia fortissima.

CAPVT VIII.

FORTISSIMA Apoplexia correpta fuit honesti ciuis vxor, cum ad 48. ætatis annum peruenisset. Habitu erat corporis *ἑσάρπνω* ac carnosio: temperamento calido, & mediocriter humido, sanguinis redundantiam attestante. Concidit subitò: seniores medici vocati nihil spei superesse iudicabant: tandem *XIIII.* aut *XVI.* ab inuasionem horis vocatus accessi, tùm temporis adhuc iuuenis: obseruaui grauissimam cum difficili admodum respiratione Apoplexin: pulsus fortem & magnum, tentandam esse curationem existimaui. Itaque sanguis illo die bis, & quidem satis copiosus, detractus, semel è brachio dextro, deinde ex pede: enemata quoque hoc ipso die satis acria duo iniecta. deinde continuis diebus singula: adhibita & localia quædam:

Ita

Ita tandem octauo aut nono die suos domesticos agnoscere cœpit, & non nihil balbutire. postea purgantibus medicamentis per os exhibitis : deinde & *παραφάρμακον*, apophlegmatismis, aliisque similibus vsa, meliusculè habuit : verum eousque perducere non potuit, vt mentis ac sensuum integrè compos fieret, aut pedibus consisteret. Mansit reliquo tempore impotens : sedebat ac gestabatur in sedili, ita tamen aliquot annis superuixit.

SCHOLION.

SOLVERE, inquit Hippocrates, *apoplexiam fortem impossibile : debilem verò non facile*. Galenus hunc Aphorismum exponens, maximam apoplexiam nullam, ait, admittere curationem, atque ab hac hominem seruari non posse. Maximam verò interpretatur, in qua respiratio in totum prohibetur. Talis si superueniat, haud dubiò, homo nec seruari nec diu superesse potest : absque respiratio-
ne siquidem viuere nequit. Sed tam vehemens apoplexis, vt mox in totum prohibeatur respiratio, non facile alicui superuenit. Nam tametsi vniuersum corpus sensu motuque destituatur, respiratio tamen non in totum aufertur. Respiratio etenim composita actio est, partim ex arbitrio & voluntate : partim à natura, vt in lib. Galeni cui titulus **INTRODUCTIO** siue **MEDICVS**.
B 2 Occupato

Occupato cerebro cessant motus voluntarij: non idcirco tamen, qui à natura sunt: vt sunt cordis & arteriarum. Proinde nec citò nec faciliè respiratio in totum aufertur. Nam vtcumque ab actione vacet voluntatis arbitrium, natura tamen nihilominus officium præstare conatur; veluti in somno facit. Intercipitur quidem quandoque subito respiratio, sed promptissimè copioso aliquo humore in pectus affatim decumbente, qui omnem spiritui viam intercludat. Sed hic affectus ab Apoplexia differens est: Nam qui ab huiusmodi catarrho subito obruuntur, sensu & mente integris suffocantur. Apoplectici & sensu & motu priuantur priusquàm è vita decedant. Desfluente humore exoneratur cerebrum; in Apoplexi occupatur & grauatur ab humoribus: Proinde sensus & voluntarij motus desinunt; affecto nempe principio, Naturales verò motus, tum & ipsa respiratio non faciliè cessant; etiam in vehementissima ac fortissima Apoplexia. Testatur Paulus Ægineta in maxima Apoplexi respirationis aliquid superesse: *Seruat*, inquit, *in Apoplexi modica quadam respiratio, quæ si permultum à naturali functione recesserit, maximam esse affectionem putandum: si paululum, exiguam: deterrima verò est, respiratio cum intermittitur: vel etiam vbi magna cum violentia trahitur.* Et quidem quàm difficillima huius apoplecticæ respiratio fuit, & magna cum violentia attracta. Quamobrem non sumus veriti affectum Apoplexiam vehementissimam ac fortissimam nuncupare, attestante hoc quoq. diuturno sensuum motusque impedimen-

dimento. Non tamen ex hac mortua est, sed integrè haud liberata, ad sanitatem enim & mentis integritatem perducì non potuit.

Videtur aliquid tale voluisse Hipp. cùm ait, λύειν ἀποπληξίν ἰσχυρὴν μετὰ ἀδύνατον: *id est, solvere appoplexiam fortem impossibile*. Nec enim verba, λύειν ἀδύνατον, mortis necessitatem, sed restitutionis ad integram sanitatem impossibilitatem ostendunt. Aliud est hominem non posse seruari: aliud est non posse ad sanitatem perducì. Nam malè valentibus etiam vita seruari, & prorogari quandoque potest: vt in hac apoplectica compertum. Confirmant hanc expositionem sequentia verba: ἀσθενέα δὲ ἐρῆιδιον: *hoc est: debilem non facile*. Nam eos, qui debili aut exigua apoplexia occupantur, in vita seruare haud est difficile: sed ita curare vt nulla labe relinquatur, hoc opus, hic labor. Multos certè enumerare possemus à leui apoplexia restitutos: & nonnullos ita restitutos, vt nulla in ipsis præcedētis morbi manifesta vestigia relicta sint, sed tamen aliquis partis stupor aliquis, vel linguæ aliquod impedimentū remansit, quod subinde tam exiguum, vt in solo cantu deprehendi potuerit. Nihil autem consultius in hoc morbo, quàm confestim sanguinem mittere, etiā si corporis temperies frigidior, & morbi causa pituitosa videatur, si modò vires ferant. Nequit enim citius à superfluis humorib. exonerari cerebrū, quàm per sanguinis detractionem: & humores cerebrum occupantes absque sanguine permixto non sunt, nisi in valdè senibus, quibus & vires imbecillæ, & pituita copiosior quàm aliis.

Enemata verò misso sanguine iniici etiam conuenit, donec ad sumendum aliquod purgans laborans suffecerit. Formulas autem horum vnusquisque in artis operibus versatus facillè inuenire & pro conditione laborantis præscribere nouit, sic ut à nobis ostendi non sit opus. Vnum tamè admonendum; nonnullos Colochyntidem decoctis ad enemata Apoplecticorum addere, & ut plurimum eius manipulum vnum, qui (plus minus) drachmam vnā pendet. Tale autem decoctum sæpe non ad vnum, sed frequenter ad duo aut tria enemata sufficit. Excessus enim Colochyntidis periculo non caret. Abraditenim hæc intestina & oscula aperit venarum ad ipsa pertingentium. Memini ab enemate, cui incocta fuerat Colochyntidis drachma vna, hominem robustum non diu superfuisse, & mox post mortem, aliquot deinde horis sanguinem copiosum per sedem effluxisse.

De Catarrho siue destillatione suffocante.

CAPVT IX.

DEFLVERE ex capite humores in pectus ac pulmones haud rarum est. inde siquidem tusses, rauedines, respirandi difficultates: & si humores salsi aut acres, pulmonis exulcerationes & phthises proueniunt: quod si verò & in pulmonibus vitium, latentes anginae succedunt. Sed adeò copiosum deferri, ut hominem mox suffocet,

cet, perquam rarum. Generoso cuidam viro sic tamen contigit.

Annos vitæ ferè attigerat LX. corpore non extenuato, sed bonæ habitudinis, liberaliore potu subinde delectabatur; podagra, quandoque molesta: purgari aliquando assueverat: aderat lassitudo & humorum plenitudo: de medicamento purgante sumendo deliberauerat, cum subitò nocte media catarrhus vehemens ipsum obruit: sentiebat defluctionis velocem impetum: auxilium implorabat, sed priusquam quisquam adesse potuerit, suffocatus est. A morte mox copiosa pituita lenta ac viscida ex ore profluebat: quæ haud dubiò, in pulmones affatim defluens repentinæ mortis ac suffocationis causa fuit.

SCHOLIUM.

ISTIVS casus superiore scholio meminimus: Hippocrates verò in fine XII. Aphorif. sectione 3. destillationem quandoque citò etiam interimere testatur. τοῖσι δὲ, ait, πρεσβυτέροις κατὰ ῥῆσιν συντόμως ἀπολλυντες: id est: senioribus autem destillationes, quæ citò interimant. Similis sententia legitur & in lib. De Aëre, aqua, & locis, sed copiosior, his verbis: Valde senibus destillationes propter raritatem, & venarum ἐκτνήιν, id est, tabefactionem, ita

quod repente intereunt, quosdam autem contingit dextra aut sinistra parte stupentes reddi. Quibus verbis duo ex catarrho in senibus ostendit pericula, vel mortem subitanam; vel alicuius partis cum stupore resolutionem.

De Mania, siue Insania.

CAPVT X.

MANIA insania quædam absque febris est: eius causæ plures reperiuntur: quandoque verò feruens sanguis cerebrum petens. Magnificus quidam vir x l. annos (plus minus) natus, sanguinem cum circa præcordia commoueri sentiret, oculi caligabant: vertigo aderat: mox clamores, vociferationes, inquietudines accedebant; ita vt contineri debuerit. Detracto mox ex dextro brachio sanguine satis copioso, nondum tamen insania cessabat: carmina quædam recitabat, canebat, vociferabatur, saltabat, præcipitare sese conabatur; arctè contineri, ac vinculis stringi idcirco ipsum oportuit, donec ex codiis papaueris potione usus, in somnum incidisset: à quo cum meliusculè haberet, purgatus & adhibitis idoneis remediis ad sanitatem peruenit. Verùm hæc non diuturna fuit. post enim aliquot menses

ses iterum, ac deinde tertio in eundem affectum relapsus est, ac iisdem auxiliis restitutus. Tandem verò cum sanguis non amplius ad caput ferri videretur, insania quidem desiit recurrere: sed sanguinis, cum tussi, sputum successit, deinde puris excretio. Ita qui prius Mania laborauerat, phthisi demum mortuus est.

S C H O L I O N.

Ex hemoptoë transitum fieri in phthisin satis constat; sed quomodo Mania in hemoptoë permutetur, non æquè manifestum. Videtur autem de huiusmodi permutatione in Coacis prænotionibus Hippocrates simile aliquid scriptum reliquisse. *Qui ex Lethargicis, inquit, servantur, plerumque pectore suppurati sunt.* Nam si Lethargus in suppurationem conuerti potest, cur non & eadem ratione Mania in pulmonis exulcerationem commutari? Per vtrumque etenim affectum, cerebrum, & eadem quidem parte, laborat: sed causæ differentes. Est autem Lethargi, vt Archigenes apud Aëtium ait, duplex origo: Quandoque præcordia & viscera primario affectu læsa sunt, & ad consensum cerebrum perducunt: quandoque verò in cerebro affectus inchoat. Simile & de Mania dici potest: per hanc videlicet cerebrum subinde proprio & primario affectu laborare: aliàs verò per *συμπάθεια* & per consensum alterius partis.

Maniam verò & per consensum fieri ostendit: Apho. 40. sect. 5. *Quibus mulieribus ad mammas sanguis colligitur, furorem significat.* Sanguine siquidem circa mammillas collecto, furor succedens, per consensum cerebrum affici testatur. Sic potuit & magnifico viro sanguis circa præcordia collectus, perturbata mente, furorem excitasse; per consensum cerebri functionibus deprauatis. Sed cur sanguis circa præcordia confluens, mentem cum furore perturbauit, succedente verò hemoptoë nihil tale accidit? A' n'ne quia feruens loco conclusus, via nulla patente qua posset erumpere, in septo transuerso membranisque vicinis cum tensione inflammationi similem affectum induxit? postea verò patefacta sibi per pulmonem via, liberumque exitum nactus, membranis aut diaphragmate non distentis, mentem non fuisse permotam? Nam septi transuersi inflammationes, mentis alienationes consequi testatur Gal. 4. De Locis affectis. Atque hoc quidem modo Maniam in Hemoptoën permutari posse apparet: Maniam videlicet ex consensu natam. Nec tamen à ratione quoque alienum, initio cerebrum primario fuisse affectum, & sanguinem feruentem caput petiisse: postea verò eiusdem feruore remisso (quod diuturnitate fit mali) ad caput non amplius ascendisse, sed circa pulmones constituisse, cuius substantia vitata, sanguinis, deinde puris sputatio successerit. Cæterum Mania cum Melancholia affinitatem talem habet, vt non rarò Mania in Melancholiam transeat: & initia Melancholiæ frequenter Maniacum quid habeant.

habeant. Mania autem quæ ex sanguine bilioso procedit, præcipuè sanguine redundante, minus vehemens est, & ferè cum risu coniuncta. Difficilior quæ à bile flava adusta: sed omnium gravissima ac difficillima, quæ à melancholico humore adusto originem ducit. Omnibus autem Maniacis cum insania mentis alienatio coniuncta est. Melancholici è contrà sæpe non insanire videntur, sed concepta tantùm aliqua falsa opinione occupantur: nonnulli se mox morituros existimant: quidam se comprehendi metuunt: aliis alia obversantur, quæ ex animo excutere & abiicere nequeunt, interim non rarè omnia sua negocia adeò prudenter, & cum iudicio peragunt, vt nullo morbo detineri videantur.

De Nocturna insania.

CAPVT XI.

VIR quidam supra xxx. annos natus, interdiu bene habebat, mente & sensibus integris: si quando autem quieti se dedisset & dormiret, mox insanire inceptit, clamitare subinde, brachia manusque huc illuc abiicere: surrexisset quandoque, saltasset, & per domum cucurrisset, si assidentes permisissent, qui in lecto eum continuarent. Vigil factus iterùm sanæ mentis. Purgatus hic idoneis medicamentis fuit, sanguisq. detra-

detractus: verum non prius hæc profuerunt, quam cauterio in ceruice posito, vlcus esset factum, quo aliquamdiu aperto, profluente inde humore, melius se habuit, & sanitati restitutus.

SCHOLION.

E *πικρίας*, Incubus vel Incubo Latinis morbus dicitur, dormientibus molestus: hoc correpti ab aliquo sibi incumbente, aut re quapiam corpori imposita opprimi sese existimant, & suffocari imaginantur. exclamare aut vociferari volentes, nequeunt; vocem si edant, nihil significantē vt plurimum proferunt: adest & difficilis motus. Cū hoc autem Insaniam nocturnam (quam descripsimus) haud quaquam conuenire satis manifestum; cum Lycanthropia similior videtur, quam Paulus Ægina describit, & similiter Auicenna sub nomine *Chatrab*. Chatrab: Nec tamen cum hac omninò conuenit. Ait quidem Paulus, noctu domo egredi, & circa defunctorum monumenta versari, donec illucescat. addit Auicenna, interdiu etiam latitare: hominum consuetudinem fugere: vno loco haud diu consistere: tristes & pallentes esse. At hic vir omnia sua negotia dextrè interdiu obibat, nulla parte mentis laborans, nec solitudinem amabat, sed cum amicis & domesticis perlubenter versabatur. Quamobrem nec Lycanthropia affectus huius dici potuit; sicuti nec verè Incubus fuit. Causam mali huius humorem fuisse crassum crudumque satis apparuit, cui bilis portio admista fuit.

De Hy-

De Hydrophobia.

CAPVT XII.

MISERRIMUM morbi genus, vt Cornel. Celsus ait, Hydrophobia est, qua æger & siti, & aquæ metu cruciatur. Non timet autem hydrophobus solam aquam sed quicquid liquidum ac humidum instar aquæ est. Subsequitur hoc malum rabiosi canis morsum, si non idoneis remediis primo quoque tempore occursum fuerit. Nec statim tamen succedit aquæ metus, sed subinde post triginta aut plures dies. Vbi autem superuenerit, haud diuturnus est. Nam, vt Cælius Aurelianus rectè ait, ob nimium aquæ timorem, & humoris defectum, ægrotantes celeriter pereunt.

Iuuenis quidam annos natus (plus minus) xvii. commorsus fuerat à cane in digito sinistrae manus, qui minimo proximus: ignorabatur canem esse rabiosum: vulnus quoque perquam exiguum, & tantò quidem negligentius curatum. Post trigessimum sextum diem, vulnere iam multo tempore solidato, incæpit iuuenis hic aquam metuerre: ceruissiam & vinum, quod sui erat officij, promere recusauit: altero die sinistrum humerum

merum doluit, à parte videlicet commor-
si digiti: potuit tamen brachium fursum,
deorsum, antrorsum, retrorsumque citra
dolorem moueri: tertio die manè insigniter
febricitare videbatur: pulsus valdè concita-
ti: sudores copiosi: brachia assiduè conuel-
lebantur; lingua interim nihil ostendit fe-
brile; nec vrinæ, quæ sanorum similes: eo-
dem die mente minus constans, mani-
festius delirauit: è lectulo surrexit: vestes
induit: per vicos discurrit: in horto ace-
tosæ herbæ folia decerpfit, & quædam
manducauit. Deinde amplius insaniens
contineri debuit. Nox subsecuta cum ma-
gno furore, in qua tandem cum clamore
defecit.

SCHOLION.

Non diuturnum esse affectum Hydropho-
biam, & non statim à morsu, sed aliquot post
hebdomadas superuenire, Hieronymus Fracasto-
rius lib. 2. De Morbis contagiosis testatur: Vidi
ipse, inquit, puerum, qui post octo menses, ex quo
demorlus fuerat, contagionem ostendit, ex qua
mox periit.

Simile scribit Conradus Gesnerus Epist. medi-
cinalium lib. 3. Lithotomus quidam, ait, apud
nos, ante sex aut septem septimanas, à cane rabido
morsus, cum aliquamdiu nihil malè sensisset, su-
bito

bito timoris aquæ superuentu, intra biduum mi-
ferrimè periit.

Canem autem fuisse rabiosum à quo quis com-
morsus fuerit, docet Galenus cognoscere lib. De
Theriaca ad Pisonem. *Si enim, ait, audiueris graci-
lem corpore & ficcum: oculis rubentibus: cauda demissa,
ssuma ex ore fluente; præterea lingua foras porrecta, &
tanquam bile colorata; in obuium quemque insiluisse, ci-
trâque rationem cucurrisse; deinde rursus subitò consi-
stentem, cum ira quadam furenti, non ipsi prauisos mo-
mordisse. Hæc inquam si in eo sic se habere audieris,
statim rabiosum fuisse canem intelliges: Hæc Galenus.*

De Ranunculo.

CAPUT XIII.

RANUNCULVS, quem Græci *ῥανυγκυλός*
vocat, in inferiore oris parte, quæ sub
lingua est, nascitur; cuique ipsa lingua velu-
ti vinculo alligatur: attollitur instar tumo-
ris hæc pars, colorè haudquaquam mutato,
mollis, laxis, ac indolens; & tantus apparet
tumor, vt inferiores dentes superet: rima
autem media, dextram à sinistra dirimente,
ranæ posteriorem partem refert; vnde affe-
ctui nomen. Præcedit sæpenumero maxil-
læ inferioris dentium dolor. continetur ve-
rò in hoc crassus, lentus, oui albido colore
& substantia assimilis humor. De curatione
huius

huius exstant apud nonnullos quædam ex Albucasi translata. Errorem horum facile agnoscet, qui curationem quandoque viderit, ipse fecerit, aut hæc nostra legerit. Legitima curatio est scalpello vtrimque tumorem aperire: deinde vbi quantum potuerit humoris effluxerit, posca (exiguo sale addito) os paucis diebus colluere, donec nihil amplius humoris in tumore reliquum sit. Potest tamen & alia ratione humor in hoc tumore contentus educi; vulnere enim sub mento facto, mox effluit: sed tutissimum est intra os tumorem aperire. Si quid verò impedit, quò minus in ore commodè fieri queat, tunc, vt sub mento fiat, proximum est: veluti cui vnà cum Ranunculo vtriusque tonsillæ inflammatio superuenit. Hic vulnere, quo diximus loco, facto, adhibitis deinde tonsillarum remediis, ab vtroque liber euasit.

S C H O L I O N.

PAUCI ex posterioris ætatis Medicis, qui De Medendis morbis scripserunt, Ranunculi curationem attigerunt: qui verò eius meminere, magna ex parte ex Albucasi, aut Rhasi sua mutuati sunt. Michael Sauonarolus ex Rhasi similiter curationem in suo opere ascripsit: sed tamen eam, quæ fit per

fit per sacrficationem, magis commendat, quæ via est, inquit, expedita, & ad hanc ego quàm citius possum peruenio, cùm non videam periculum. Hæc ille. Hanc curationem ostendit quoque & Ioannes Fernelius De Partium morbis lib. 5. ubi Ranunculum tumorem esse, ait, œdematis mollis ac laxi speciem exhibentem, quo aperto muccus profilit oui candido similis.

De sanguinis è gingiuis profluio.

CAPVT XIII.

FREQUENS est, dum natura cõtima-
tum expulsionem molitur, vt eodem tempore, vel paulò antè, sanguis è naribus, & subinde copiosus profluat. Verùm lato-
mo cuidam cõtimate laboranti, non per na-
res, sed è gingiuis sanguis erupit. quòd cum in primis molestum esset, ore assiduè san-
guine repleto, remedium adhibet, & san-
guinem illac manantem reprimat. Repres-
sus autem sanguis, aliam sibi viam quæsiuit:
Nam ad vrinarios meatus conuersus, vnà cum vrina descēdit. atque sic è gingiuis non
amplius sanguine erumpente, vrina cruen-
ta subsequuta est: quæ cùm & reprimen-
tibus, sanguinisque fluorem sistētibz me-
dicamentis exhibitis talis esse desiisset: ite-

C

rum

rum natura sanguinem ad gingiuas pepulit. Ex his autem nec prius desit prodire, quàm ab ecstimates curatus æger esset.

S C H O L I O N.

C O N S I D E R A N D A hic occurrit naturæ singularis prudentia ac providentia: deinde & cognoscendum conatum eius non esse reprimendum, quando criticè sanguinem, vel aliud aliquod expellit: vel aliàs grauata sese exonerat. Veluti cum ecstimates erumpunt, quæ non alio tempore, quàm cum sanguine reprobo grauata est, excludere velle natura videtur.

De lachrymâ sanguineâ.

C A P V T X V.

P R O V I D E ac sese exonerantis naturæ exemplum, in virgine quadam & aliud me obseruare memini. Carnosa hæc erat calidoque temperamento prædita, sanguineque redundans. Cum autem ætas adesset ad menstruas purgationes idonea, vtpotè xvi. annorum, neque menses succederent, natura per oculos superfluentem sanguinem expellere conata fuit: sanguineis guttis lachrymarum instar frequenter ex oculis profluētibus: benè fecit huic sanguinis è vena talo proxima detractio, quam menstrua purga-

purgatio non ita dudum subsequuta est.

SCHOLION.

MENSIBVS non procedentibus corpora feminarum morbosa fiunt, inquit Hippocrates lib. De Genitura: quod quidem intelligendum venit, nisi aliunde sanguis erumpat. Nam vt idem Hippocrates Aphorif. 33. sect. 5. Menstruis deficientibus sanguis ex naribus fluens, bonum. Huic autem virgini non ex naribus, sed ex vicinis oculis profluxit.

De Abscessibus tonsillarum foras erumpentibus.

CAPVT XVI.

POSTEA QVAM de naturæ providentia scripsimus, & aliud exemplum addendum, omnino rarissimum.

Laborabat inflammatione vtriusque tonsillæ filiola quædam duorum annorum, qua idonea remedia propter ætatem non admittente, natura viam sibi ad salutem quærens, morbum ad exteriora conuertit. Nati sunt itaque vtriusque in collo infra aures singuli tumores; quibus scalpello apertis, pus effluxit: Itaque ab abscessu tonsillarum liberata, sanitati restituta est.

FACIT hùc Aphorif. 37. fect. 6. *Ab angina habito, si tumor fiat in collo, bonum.* Tonsillarum liquidem inflammatio anginae quædam etiam est species.

De inflammatione œsophagi ab impactu piscis osse.

CAPVT XVII.

OESOPHAGVM, hoc est, meatum illum, quæ cibis & potus in ventriculum descendunt, multis affici modis posse haud dubium est, sed hoc loco de eo tantummodo affectu sermonem instituiamus, qui ab inhzrente ossiculo subinde gignitur. Contingit enim quandoque acutum piscis ossiculum, cum cibo imprudenter assumptum huic impingi, ipsumque deinde pun gere ac vellicare, vnde dolore excitato inflammatio succedit: qua superueniente, nec cibis, nec potus ad ventriculum descendere queunt: potu etiam per nares resiliente. Sunt qui in eiusmodi casu assidue oleum oliuarum in ore detinendû præcipiant: quod ubi aspera aliqua œsophago inhzrent, haud inutiliter adhibetur. Nec solum oleum, sed

&

& quicquid lentore suo oblinire, & læuē lubricumq. hunc meatum efficere potest, vtile ac commodum. Qualia sunt pingua ac lentorem habentia iura, lenti succi alimenta, vt animalium pedes & musculosæ partes: ceruiciæ crassæ: & quicquid mucaginē refert. Hæc etenim non modò aspero aliquo œsophago inharente, sed & alio quouis assumpto, quod vel ventriculo vel intestinis ad exitum descendens molestum esse posset, summo cum fructu ac oportunissimè assumuntur. Oblinunt enim meatus: quibus læuibus ac lubricis factis, facilius ac minore negotio cū aspera, tum alia quæcunq. descendunt & excernuntur. Vbi autem ossiculum impactum aut simile, iam inflammationem in œsophago excitauit, præstantiora sunt, quæ quàm citissimè inflammationis suppurationem procurent. Hac siquidem ad suppurationem perducta, abscessu deinde disrupto, à dolore ac angustia æger citò liberatur: vt non in vno, sed in pluribus compertum habemus. Citò verò inflammationem suppurari facit, radicū althææ, ficuum, seminis fœnogræci ac lini decoctum, frequenter in ore detentum: cui non rarò vnà quoque incoquuntur &

althææ & scabiosæ folia, glycyrrhiza, & vuæ passæ. Quod si verò & nuclei aliquot pauci addantur radicum liliorum alborum, potentius erit decoctum: & abscessus citius rumpetur.

SCHOLION.

INFLAMMATIO præsertim circa fauces & oris partes, adstringentia ac reprimentia initio requirit. Quæ autem in œsophago ab impactu ossiculo siue piscis, siue alterius alicuius, vel etiam à spina aliqua talia non admittit, sed citissimè ad suppurationem duci postulat. Ab adstringentibus non nisi doloris intensio expectari debet. Nam cum hæc ossiculum impactum aut spinam excutere nequeant, adstrictione dolorem intendunt. Nec proficiunt lubricantia nisi quod dolorem non augeant & suppurationem fieri etiam non admodum impediunt. Nam & hæc frequenter, & sua sponte suppuratur, sed citius, si eò facientibus adiuvetur.

De Latente ac difficili Angina.

CAPVT XVIII.

NULLA inter Anginæ species æquè periculosa est, ac ea, in qua nullus tumor in faucibus ac collo apparet: quam Latentem hac de causâ non ineptè dixerimus. Talis autem quandoque, hominem paucis diebus

diebus conficit, ac è vita tollit: mente & sensibus integris. Quod & Hippocrates Prædictionum lib. 3. cap. 8. scriptum reliquit. Angina, inquit, grauissima est & celerimè interimit, quæ neque in ceruice (id est, collo, interprete Galeno) neque in faucibus, conspicuum quid efficit. Hæc etenim eodem die, & secundo, & tertio, & quarto strangulat. Plurimum verò hanc quoque dolorem inferre: & spirandi (addit) difficultatem. Adsunt verò non modò hæc, sed & vehemens copiosaque humorum è capite destillatio; dolor autem circa laryngem & asperam arteriam talis, vt nec contingi, quantumcunque leniter, citra grauissimum dolorem queant: sed nec moueri, sursumq. attolli. Quamobrem non spiritus tantum cum difficultate trahitur; sed & cibus ac potus egerimè, aut non demittuntur. Cum etenim per œsophagum descendunt, cedit, & sursum ascendit larynx. Inflammati per huiusmodi anginam, interiores ac latentes laryngis muscoli existimantur. Verum nos nullam iuxta laryngem aut eius musculos, vel circa asperam arteriam, inflammationem aut abscessum cognouimus, sed pulmonem malè affectum obseruauimus. La-

nio quidam meridie circa laryngem & fauces dolorem sensit, & quandam in deglutendo cibo ac potu difficultatem. Adiit sub vesperam pharmacopæum. Datur ex aquis plantaginis, lactucæ, & diamoron, addito aceto, gargarismus, quo cum subinde vteretur, doloribus intensis, subito nocte mente constans, strangulatus interiit.

Huius corpore aperto reperta est pulmonis substantia, siue *παρέγχυμα*, in pus conuersa, & ad vnum eius latus abscessus pure quoque impletus. Nulla tussis huic antea fuerat molesta: neque sanguinis vlla sputatio præcesserat; sano validoq. corpore eo usque visus, eoque non gracili, sed obeso.

Eadem & superioribus similia ætate anni 1565. diligenter annotauimus: quando multi angina, ac simul molesta ex capite destillatione correpti fuere: præsertim ex his, qui præcedente hyeme, vel tussi, vel rauedine laborassent, aut à peripneumonia euassent. Plurimis horum, posteaquam circa laryngem dolor remissior tandem desisset, peripneumonia successit cum lateris dolore, non tamen pungente, aderant respirandi difficultas, & pulsus mollis. Horum non pauci intra non multos dies mortui: senio-

seniores euaserunt, & natura frigidiores.

Pulmones horum vel purulenti fuere, vel abscessum habuere: iuxta verò laryngem, aut eius musculos nihil occurrit, quod vel addesse vel adfuisse inflammationem ostenderet. Satis quidem apparuit, pulmones malè quidè prius affectos, superueniente ac accedente è capite destillatione, reliqua symptomata successisse: laryngem verò non primariò, sed per *συμπύκνωσιν*, siue consensum laborasse. Verisimile verò & est, destillante humore asperam arteriam, eiusque ramos impleri atque distendi: deinde eodem ad alia vasa transmissò, à dolore liberari quidem asperam arteriam, ac eius supremum finem ipsam laryngem: pulmonis autem malè affectas partes à dolore occupari: atque hoc modo ex angina in peripneumoniam permutationem fieri. Subuenit huic morbo mox, si vires ferant, venæ sectio, ita enim citissimè impetus defluentis humoris & auertitur & compescitur: deinde quæ lenire asperam arteriam & pulmonem queunt, ac sputi facilem exitum procurare: cuiusmodi sunt dulcia, vt glycyrrhiza, eiusque decoctum, vix passæ, vinum passum, aqua mulsa, vinum mulsum,

C s dilu-

dilutum, si febris absit; & alia eius generis, quæ à Cælio Aureliano commendantur. Adstringentium ac repercutientium in hoc morbo vsus, inutilis: aceti verò etiam perniciosus.

S C H O L I O N.

ANGINAM appellat Hippocrates, Galeno teste, affectum circa fauces, qui spirationem quoquo modo reddit deteriorem. Huius genera quattuor lib. De Locis affectis 4. cap. 5. enumerantur: alij deinde & affectus referuntur, per quos cibi potusq. via impeditur, & cum difficultate cibum laborantes deglutiunt: potus verò etiam per nares resilit. His annumerari œsophagi, ab inherente ossiculo, inflammatio potest; de qua præcedente capite scripsimus. Per hos autem affectus, spirandi quoq. difficultas quædam oboritur, sed citra *πνιξ*, id est, suffocationis periculum. Est autem *πνιξ* siue suffocatio (nonnullis strangulatio) non aliud nisi interitus subitaneus propter defectum inspirationis, (vt Gal. in Comment. Aph. 34. lib. 3.) qui fit ex angustia alicuius instrumenti, ex iis, quæ obseruiunt respirationi: Angustia verò fit, vel repleta media regione, que inter thoracem est atque pulmonem, aut pulmonum meatibus: vel aliqua inflammatione totum occupante viscus; vel asperam arteriam; vel etiam partem, quæ veluti caput eius est. Quæ etiam inflammatio aliquando fieri solet in præiacente spacio, quod fauces appellant.

Atque

Atque vna harum causarum, eius, de qua scripsimus, Anginæ occasio fuit. Pulmonis videlicet $\chi\alpha\rho\alpha\nu$, siue meatuum, atque ipsius asperæ arteriæ ex affatim defluente humore repletio. Quæ quomodo, ac qua via in Peripneumoniam conuertatur, ostendimus. Est autem hæc inter Anginas, per quas nullus in faucibus tumor apparet, & quæ subitaneum periculū adferunt, frequentior. Quæ verò asperæ arteriæ, vel musculorum, qui gulam cum gutture iungunt, inflammationem consequuntur, omninò rarissima. Contingere huiuscemodi aliquando posse videtur: extante præsertim exemplo apud Antonium Beniuenum cap. 34. Pus etenim loco circa collum altioribus plagis inciso erumpens, inflammationem præcessisse vicinorum musculorum manifestum fecit. Potuit tamen hæc non vera Angina, sed Parasynanche tantummodo fuisse, quæ est musculorum colli inflammatio, cibi potusque transitum & respirationem aliquo etiam impediens modo.

De Respirandi difficultate cum suffocationis periculo.

CAPVT XIX.

ACRE erat gelu, Ianuarius mensis, notis initium tempus, cum nobilis vir assidens foco, Bacchoque indulgens, vesicæ onere premeretur. qui foras progressus, inspirato aëre frigido, moxque reuersus, adedò
vehe-

vehementi respirandi difficultate correptus, ut suffocatus propemodum fuerit, & nisi mox præstò adfuisssem, periisset. Hominem repperi pedibus suis vix insistentem: frontem tensam: sudores frigidos: aluus præ angustia excrementa deposuerat: pulsus tam exiguus, ut pænè nullus. Assumpto pulueris croci scriptulo vno cum vini Cretici (vulgò Maluatici) duobus cochlearibus, subito restitutus, liberè respirauit, ab omni suffocatione liber. & potuisset in sanitate permanuisse, nisi pulmo malè affectus fuisset: sed cum asperæ arteriæ ramuli subindè obstruerentur, quandoq. etiam respirandi difficultas recurrit; minus tamen quàm primo tempore vehemēs, sed diuturnior, ut quandoque duabus, tribus, vel etiam pluribus horis perseveraret. Crocus qui initiò multum ac citò profuerat, postea exiguum, deinde nihil amplius contulit. Tentata sunt & alia plura remedia, sed frustra. Nam reuoluto mense defunctus est. In huius pulmonis inferiore sede ac basi, qua septo transuerso incumbit, reperti sunt abscessus duo; vnus in dextra, alter in sinistra parte. per meatus pulmonis purulentus ferebatur humor, qui inciso pulmone ex ipsis profluebat.

SCHOLIUM.

HVIUSCEMODI respirandi difficultatem, obstructio meatuum pulmonis & asperæ arteriæ, quoque peperit, quam frigidissimus aëris inspiratus etiam auxit; meatus arctans atque constringens: ac idcirco prima inuasiōe respirandi difficultas maior, quàm succedentibus diebus, cūm aëris frigiditas non accederet. Faciliōr autem huic inspiratio fuit quàm expiratio. Dum enim spiritus attrahitur, pulmo explicatur, & bronchia liberiora fiunt: per expirationem verò pulmo contrahitur, & meatus arctiores angustioresq. redduntur.

De Orthopnœa.

CAPVT XX.

ORTHOPNŒA, de qua scribimus, exacerbationes siue accessiones quasdam habuit, quæ subinde singulis mensibus, quandoque rarius, & bis aut ter in anno inuadebant: & per humidam frequentius, quàm per siccam aëris constitutionem. Qui laborabat, XXXVI. (plus minus) ætatis annum agebat, cūm hac corripereetur.

In ipsis accessionibus admodum difficilis fuit respiratio: stabat toto tempore mensæ aut tabulæ alicui manibus innitens: efferebatur ac profluebat ex ore humor lentus, visci-

viscidusque: cibum vix, potum ægrè admittere potuit: sæpè toto accessionis tempore stans absque cibo & potu complures horas transigebat. Posteaquam autem accessio conquievisset; liberè quidem respirare potuit, & quocunque libuit abire: quatuor aut quinque miliaria quandoque vno die pedes perfecit, sed decumbere non valuit. Quotiescunq. enim iacere conabatur, mox omnia circa respirationē molesta. Noctu sedendum erat in sedili aliquo, nec aliter somnum capere aut conquiescere integrum erat. Agarico purgatus, visus est melius habere, sed ad exiguum tempus. Profuit etiam subinde Diacymnon & Diaspoliticō: verū nec ab illis, nisi pauco tempore, præsidium sensit. Vbi autem consenuisset, sponte & absq. vllis remediis à molesta Orthopncea liberatus hic est. Cessantibus multo tempore exacerbationibus, tandem periculum iacendi fecit: quod cum citra incommodum succederet, relicto sedili, in lecto per noctem decubuit.

Simili Orthopncea & mercator quidam correptus etiamnum iuuenis fuit. Nullum hic remedij genus intentatum reliquit: sanguinis detractionem sæpe admisit: frequenter purgatus: aquam fontis in agro Leodien-

si bi.

fi bibit, sed nullo succedente fructu. Tandem calculi in renibus doloribus, ac podagra correptus, ab orthopnoea liber factus, decumbere potuit, qui antea quoque aliquot non paucis annis in sedili somnum capere debuerat.

S C H O L I O N.

NEQUE alia huius Orthopnoeae causa subesse videtur, quam tenax viscidusque pituitosus humor, asperae arteriae ramulos obstruens, ac meatus intercludens: quo superabundante, morbi accessio contigit, quae tantisper duravit, donec portio eius per os expurgata esset. Sed cur intermissionis tempore iacere, aut in lecto decumbere non fuit integrum? An quia non omnis humor excretus, & decumbendo minus liberi sunt pulmonis meatus, atque coarctari sic contingat, & idcirco quoque a lento humore facilius obstrui? Decumbentibus etenim pulmo, ut Galenus quarto De Locis affectis, in se concidit: erecto vero thorace non amplius seipsum grauat. Tunc enim omnes asperae arteriae propagines dilatari contingit, & interiorum pectoris regionem augeri: ut in Commentariis Prorrheticon idem scribit.

De Peripneumonia populariter saeuiente.

CAPVT XXI.

PERIPNEUMONIAM nostra aetate bis populariter grassatam in memoria multorum

torum est: semel anno 1557. Octobri: deinde iterum anno 1565. Ianuario mense.

Præcesserat anno quinquagesimo septimo supra millesimum quingentesimū constitutio aëris ab initio Iulij mensis sicca, & mediocriter pro temporis ratione calida; præsertim Iulio ac Augusto. Sub finem Septembris, tertio ac quarto Calendas Octobris, superuenit validissimus à Septentrione ventus, admodum frigidus. mox destillationes plurimæ sunt natæ: vnde citò validæ vehementesque tussēs, & lateris cum febris, & respirandi difficultate dolores processerunt. Lateris dolores non vehementes, non punctorii erant, sed clementes admodum: tertio die vel prius sputum prodiit cruentum: quinto, aut sexto, aut septimo, ad summum octauo mortui omnes sunt latere dolentes; quibus sectio venæ prætermissa, aut tempestiuè non facta. at quibus sanguis vel primo vel altero die detractus, euaserunt; quarto aut quinto die sanitati restituti. Quarto verò aut quinto sanguinem detraxisse nihil profuit, morbo iam confirmato. Humores destillantes tenues admodum, & nonnihil acres fuerunt. Eclegmata idcirco vtilissima, que inspissandi vim habent, acrimoniam

moniam retundunt, & aspera leniunt: quale est ex Ziziphis (Iuiubas vulgò vocant) serapium: Quod tenues destillationes inspissat, acrimoniam obtundit, aspera obliniendo lenit. Altera Peripneumonia dissimilem occasionem habuit. Decembri mense anno 1564. gelu admodum acre extitit, per quod nō modò omnia reliqua flumina ubique, sed & ipse Scaldis in portu Antuerpiæ (quod admodum rarò contingit) adstrictus fuit. decidit per id temporis nix admodum crebra. Post Calend. Ianuarij anni 1565. frigoris remissio sex aut septem dierum successit, sed exigua admodum, sic vt neque nix, neque glacies dissoluerentur. Per hos dies vapores multi eleuabantur, qui cū interdiu dissoluiac discuti non potuerunt, nec altius ascendere, nocturnis frigoribus densati, inferiorem, & quem haurimus aërem, inficientes, crassum humidumq. eum admodum reddiderunt.

Ab huius autem tam crassi aëris, & vaporibus infecti inspiratione, morbi circa pulmones, atque in ipsis etiam pulmonibus, exitiales nati sunt: quibus infinita hominum multitudo mox correpta fuit. < Nulli autem citius aut grauius affecti, quàm qui

D hora

hora vna aut altera post Solis occasum aëri sese exposuerunt. Nam interdiu, & præsertim ipsa meridie, aut paulò post, aër minus crassus exstitit, nec ita citò aliquem offendit. Multis profuit focus elegans ex quernis lignis, qui hos in sanitate continuit; aëre in cubilibus ac coenaculis resiccato ac puriore reddito. Morbi per hos dies erant tusses, rauedines, respirandi difficultates, & plurimi vnà laterum clementes, non punctorij, cum febris dolores, hoc est, peripneumoniæ.

Fuit autem hæc Peripneumonia non minus quàm superior exitialis: necessum quoque erat in hac mox primo aut altero die sanguinem detrahere, quando cessatum est, nulla salutis ac vitæ spes reliqua erat. Sputum in hac processit crassum, sanguini permixtum: nonnullis biliosum, quorum nemo seruatus. Eclegmata desiderabantur, quæ pulmonis meatus expurgarēt, & ab infarctu liberarent: non tamen valdè calida, vt serapium ex capillis Veneris, siue Ruta muraria, ac quod ex dulci radice paratur. Ex hyssopo quoque quandoque profuit. Vtroque autem tempore morbum hunc non Pleuritidem, sed Peripneumoniam fuisse, mortuorum corporum dissectiones coram ostenderunt.

SCHO-

SCHOLIION.

ISTIS exemplis fit manifestum non semper pulmonis inflammationem, citra lateris dolorem accedere. Nam licet parenchyma eius sensu sit destitutum, ut satis in phthisi apparet; non tamen membrana, quæ ipsum ambit, sensus & doloris, si distendatur, est expers. Quando enim inflammatio ad vnam aliquam exteriorem pulmonis partem consistit, dolor in latere, distenta membrana, sentitur. Vbi verò interius accenditur, grauitatis sensus quidā circa sternum & dorsi spinam tantummodo percipitur: nisi simul & pelliculam siue membranam qua dorso sternoque adhæret, simul inflammari contingat, tunc enim & dolor circa sternum etiam adest: Aëtio teste.

*De Lateris dolore, qui phthificis
superuenit.*

CAPVT XXII.

PHTHISICOS diuturnitate mali etiam extenuatos, lateris dolore quandoque corripit accidit: qui subinde valdè molestus, & respirandi libertatem impedit; febrilem tamen non multum intendit calorem. His pulmo membranæ costas subcingenti ita firmiter agglutinatus adhæret, ut sæpenumero non absque violentia auelli
D 2 queat.

queat. Concepto aliquo spiritu frigido, dolor superuenit. Tollitur ac curatur calorificis, vt fomento ex floribus chamæmeli & cumino, quod multis benè fecit: sacco hæc insuere oportet, qui deinde vino candido rigatus, calens dolenti loco imponitur. Venam secare qui temerè audét, quantum sanguinis demunt, tantum vitæ detrahunt.

SCHOLIUM.

NON modò autem istis sanguis perperam detrahitur; verùm & aliis, ex crassis viscidisque humoribus, latere dolentibus: Ingerunt enim quandoque sese crassi viscidique pituitosi humores in thoracis spacium, tum & in ipsos pulmones, qui multitudine sua subcingentem membranam distendentes, dolorem adferunt; & vias spirituum interceptantes, spirandi difficultatem inducunt. Nam & his sanguinem, præsertim copiosum, detrahère, est mortis causam ægris præbere: vt Aëtius scribit Tetrab. 2. lib. 4. cap. vltimo.

De Calculo pulmonis.

CAPVT XXIII.

GENEROSVS ac Illustris quidam Baro calculum sæpe cum sputo excreuit, qui in extremis asperæ arteriæ ramulis ac propaginibus natus, loci figuram referebat: forma oblongus, teres, tenuisque: subinde
adnatis

adnatis breuib. ramulis, colore candidus.
 Aderat tussis satis vehemens, absque qua ex-
 cerni non potuit, & sputum crudum. Vfus
 multis annis feliciter serapio ex Adianto,
 quo & tussis minus molesta reddebatur, &
 calculus facilius ad exitum mouebatur.
 Tandem tussi vehementissima superue-
 niente, vase magno pulmonis rupto, sangui-
 neque copiosissime profuso, extinctus est.

Serapium ex Adianto hunc in modum
 paratum fuit,

℞ Adianti legitimi,

Capill. Veneris vulg. hoc est,

Rutæ murariæ, vtriusque ses-
 quiunciam,

Glycyrrhizæ vncias duas,

Radicum Rusci,

Asparagi, vtriusque vnciam,

Seminis maluæ drachmas duas,

Aquæ puræ libras quattuor.

Fiat omnium decoctio vsque dum aquæ
 libræ duæ tantum supersint.

Colato addantur Sacchari vnciæ
 duodecim,

mellis candidissimi vnciæ tres,

aquæ ex hyssopo destillatæ vnciæ
 quattuor.

D 3 Iterum

Iterum coquantur simul, dum ad serapij
consistentiam perueniant.

SCHOLION.

GALENVS quarto De Locis affectis, cap. ix.
multas refert causas rupturæ alicuius in pul-
mone vasis, quibus annumerari potest, in bron-
chiis pulmonis natus ac firmitus in hærens calcu-
lus, qui cum ægrè ac difficulter reiici potuerit; &
non nisi cum valida ac vehementi tussi; rupturæ
alicuius magnæ venæ & subitanæ mortis causa
fuit. Ruptum autem aliquod magnum fuisse vas,
copiosissima sanguinis profusio, haud obscurum
præbuit indicium.

*De sanguine spumoso cum tussi reiecto,
& pulmonis sphacelo.*

CAPVT XXIIII.

CVM tussi sanguinem excerni, modò
pulchrè rubentem, aliàs pituitæ, sputo
aut puri permixtum haud infrequens est:
Nigrum verò atq. ad eò spumosum eiici, vt
concretus & vndequaqu. porosus spongiam
aut pumicem referre videatur, rarissimum.

Huiuscemodi autem à nonnullis cum tuf-
si reiectum, non ex vase aliquo rupto, aut ex
pulmonis vlcere, sed ab ipsa pulmonis sub-
stantia, ac parenchymate profusum suspica-
ti fui-

ti fuimus: nec fefellit nos coniectura. Nam pictoris cuiusdam, qui cum valida tussi huiusmodi sanguinem reiecerat, pulmonis pars quædam nigricans reperta, & sphacelo correpta; in qua magnus & profundus sinus: nulla interim sanie, nullo pure, vel hanc, vel reliquam partem occupante. Atque ex hoc sinu sanguis corruptus, nigricans, atque cum eo siderata parenchymatis pars cum tussi reiecta.

Similem & Ichthyopola quidam sanguinem expuit, cuius & pulmo eodem affectus modo fuit.

Ceruisæ coctor huiusmodi sanguinem cum valida tussi ter reddidit: in huius autem pulmone plurima parte nigro, tres patuerunt sinus. Semper autem talem affectum incurabilem iudicauimus. vitam tamen produci ad aliquod tempus posse, bona beneq. instituta vitæ ratione, haud alienum est. Pictor plus quàm mensem superuixit: Ceruisæ coctor bis euaserat, sed in tertia expuitione subito periit: veluti & Ichthyopola, qui & in sanguinis sputo defecit.

SCHOLION.

DE huiusmodi sanguinis sputo sensisse videtur Hippocrates Aphorif. xiii. lib. v. Quicunque

cunque, ait, spumofum ſanguinem expuunt, iis è pulmone eductio fit. Nam qui ex vafe diſrupto, aut vlcere profunditur, haud quaquam ſpumofus apparet. Faterur ipſe Galenus in Commentariis, ſæpius ſe vidiffè ſanguinem plurimum benè coloratum expui, quem ratio, ait, dictat ex aliquo pulmonis vafe prodire. Sed hunc ſpumofum fuiſſe non addit. Spumofus ſanguis, vel, vt Hippocrates, *ἀπὸ δὲς αἷμα*, naturamac figuram eius retinet, vnde abſceſſit. Pulmonis ſubſtantia laxa, rara, & poroſa eſt, talis & ſanguis, quem cum tuſſi profuſum ſcripſimus; cui parenchymatis partem coniunctam & commixtam fuiſſe ſatis apparet.

De Ulcere ventriculi.

CAPVT XXV.

EXVLCERARI ventriculum non minus quàm alias corporis partes, à ratione haud alienum eſt.

Honeſta quædam matrona, annos (plus minus) LX. nata, ex ore ſpiritum foetentem multis emiſerat annis: è naribus graueolens quoque muccus concretus ſubinde extrahebatur, virens aut omninò varij coloris: dolor circa ventriculi regionem aſſiduus, non tamen valdè moleſtus; vt, quem lenire poterat ſacculus, in quo herbæ, ſemina, & aromata quædam, ventriculo commoda,

vna

vnà cum gossipio confuta erant. Mens & sensus ad extremum constiterunt: longo morbo confecta è vita discessit.

Ventriculus huius exterius ab omni parte superficietenus exulceratus exstitit, & quæ ipsùm contingebant vniuersa, non tamen alia, quàm qua ventriculo contigua erant parte. Cerebri substantia integra, sed copioso admodum humori veluti innatans: qui fomes esse potuit mucchi, qui sæpe in naribus concreuerat.

SCHOLIION.

GRAVEOLENTIA ex ore variis de causis effertur: quandoque in ore, faucibus, aut iuxta nares, vel in ipsis, vitium consistit: subinde in pulmone latet: quandoque verò ex ventriculo odor procedit. Tradunt recentiores scriptores vitio ventriculi graueolentiam fieri; maiorem esse corpore ieiuno, minorem verò ab assumpto cibo. Verùm huius matronæ ex ore fætor semper similis fuit: neque vnquam siue post cibum, siue ante cibum remissior. Vlcera tamen ventriculi, causam fuisse graueolentiæ; satis apparuit.

De Vomitu sanguinis.

CAPVT XXVI.

GALENVS lib. 5. cap. 5. De Locis affectis, sanguinem è iocinore aut liene
D 5 quan-

quandoque per ventriculum vomitione reici testatur. Contingit autem non modò iocinore aut liene malè affectis, sed & mensibus suppressis sæpenuerò hoc modo expurgari. A quocunque autem viscere, siue à qua parte in ventriculum influat, semper cum molestia, violentia, magna virium prostratione, ac *λειποθυμία* euacuatur: sic vt nulla sanguinis detrahendi (quod nonnulli præcipiunt) occasio relinquatur. Diuersiones, veluti brachiorum ac crurum frictiones, adhiberi possunt: sed vnice laborandum, vt vires conseruentur, & lapsæ reparentur. nam frequenter in ipsa vomitione, & citissimè quidem, æger deficit, præsertim si ex iocinore efferatur: veluti cuidam accidit, qui postquam longo tempore ex iocinore malè habuisset, sanguinis violentia superueniente vomitione, mox sublatus est.

Quibus verò ex liene sanguis funditur, rarò in prima vomitione deficiunt; sed vel recurrente, ac subinde sæpius, vomitione; vel ex Ascite pereunt, quæ huiuscemodi sanguinis vacationem, præsertim frequentius superuenientem, subsequitur. Ab hac autem neminem seruatum nouimus. Mulier quidem quædam quæ post frequentes vomitio-

mitiones, in Asciten inciderat, sanitati restituta videbatur, & ab aquoso humore liberata; sed superueniente paulò post denuò sanguinis vomitione, extincta est. Viro quoque cuidam, qui à frequenti vomitu sanguinis, Asciticus factus fuerat, per prominentem vmbilicum laneo filo siue licio transmissso, aquosus humor sensim effluerat, sed nihilominus non multò post mortuus est. Huius lien sanguini cōcreto similis, substantiæ soliditatem haud retinens, facile in partes soluebatur. Quandoque siquidem cū venter amplius distendi nequit, vmbilicus foras irrumpit, & in tumorem attollitur, aquoso distentus ac repletus humore: quod Græci *ὕδρῳ φαλον* appellant. Et tunc quidem per hunc laneo filo transmissso, vel etiam eodem, scalpello aperto, humor effluit; nullo subsequente fructu alio, quàm quòd æger à distentione ventris pauco tempore liberetur. Prius enim quàm vmbilicus erumpat, iam interna viscera corrupta ac putrida sunt: proinde sanitas nec expectari, nec sperari potest. Nam vt Hippo. Prorrheticon lib. 2. Eum, qui ab hydrope, siue aqua inter cutim correptus est, & superstes esse volet, bonis visceribus præditum esse oportet.

3. tet. Mulieres autem & virgines, quibus suppressi menses, minus à sanguinis vomitione periclitantur, neq. enim viscera harum corrupta sunt: & superueniens menstrua purgatio ab omni periculo eas vindicat.

S C H O L I O N.

- S**ANGVINEM vomitione ex tribus interioris corporis locis reiectum scripsimus: ex iocinore videlicet, liene, ac ex vtero: Perquam rarò autem ex iocinore profundi contingit. Cui autem ex hoc profusus fuit, vini potatione delectabatur; citò tamen & inde offendebar. Crebrò, post largiorem vini potationem, calorem per vniuersum corpus sentiebat veluti febrilem: aderat sitis, linguæ ariditas, vrinæ rubedo, & subinde in dextro hypochondrio quidam dolor. Super calfactus, mox remediis quibusdam sibi familiaribus utebatur, vt Zulapio ex aquis Cichorij, Intybi, Acetosæ, cum Serapio ex Cichorio, ex Intybo. quo cum sæpe restitutus sibi videretur, tandem post languorem quendam, corporisq. deprauatum, & ad citrinum luteum inclinantem colorem, sanguinis vomitione copiosa correptus, defecit. Ex liene sanguinem vomitione reiicientes multos cognouimus: pallentes hi fuere, & sæpenumerò in sinistro horum hypochondrio tumidus splen manifestè sentiebatur, sed ante vomitionem. Nam à vomitione, exonerato iam splenè, subsederat tumor, nec deprehendi poterat. Plerique horum tertia, aut quarta

quarta vomitione, vel etiam frequentiore (multis inter singulas mensibus vt plurimum intermediis) perierunt: alij post crebras vomitiones in Asciten lapsi, tandem & mortui sunt. Vnum aut alterum nostro consilio post vnicam vomitionem seruatum meminimus: & quidem frequenti Absynthij quoquo modo vsu; vt in nostris Stirpium Historiis cap. De Absynthio scripsimus.

Ab vtero autem suppressis mensibus raro item 3.
sanguinis vomitio superuenit. Virgini verò cui-
dam accidisse mihi obseruatum: quæ in ipsa vomitione grauitè laborauit: postea verò idoneis adhibitis remediis, & sanguine ex interiore vena prope talum detracto; cùm menstrua purgatio successisset, bene se habuit. quod & Aphorif. 34. sect. 5. Hippocrates docet: Mulieri sanguinem euomentis, menstruis erumpentibus, solutio.

*De omnium internorum viscerum citra
doloris sensuum corruptione.*

CAPVT XXVII.

VL CERE ventriculi visus fuit quidam ceruicis coctor laborare; non tamen exterioris, sed interioris partis: huic non modò ventriculus malè affectus erat, sed omnia interiora viscera corrupta ac foetidissima. Multo tempore hic pallidus admodum fuerat, & mali in facie coloris: circa digitorum articulos tumores habebat: dele-

delectabatur ceruisia forti & medicata, quæ
scilicet præter fruges, & alia quædam ad-
mittebat, quæ ebrietatem faciunt: inter
quæ & chamaeleagni fructus sunt. Contigit
autem huic anno quodam, Martio mense,
vt ventriculo pure ac crudis quoque humo-
ribus repleto, cibum potumque non solum
auerfaretur, sed conatus, ne transmittere
quidem potuerit. Profuit serapium aceto-
sum, cuius vno aut altero cochleari assum-
pto, mox pituitam crudam, copioso pure
permixtam, vomuit: quod cum aliquotiens
deinde faceret, & vomitus tandem non
amplius succederet, ad sanitatem se rediisse
sibi persuadens, alia ac plura remedia ad-
mittere recusauit. Superuenit paulò post
digiti vnus sinistri pedis sphacelus: qui cum
arte ac diligentia experti chirurgi constitis-
set, mox dextrum pedem grangræna occu-
pauit, & velociter progrediens breui supra
talos peruenit. Hoc tempore cum de vitæ
periculo admoneretur, respondit se nulla
corporis parte dolere, neque vnquam antea
doluisset: Ita absque dolore, paucissimis post
diebus, sub initium mensis Iunij, è vita mi-
grauit: tertio videlicet mense, ex quo pus
vomiuisset. Huius omnia viscera, quæ aper-
to cor-

to corpore in conspectum venire, corruptissima fuere, multo ponè consistente pure: quorum tantus foetor, adeoque grauis ac molestus, vt diutius hære non fuerit possibile; multò minus singulas partes lustrare: & tam foetidum corpus necessum fuerit mox sepulturæ committere, alioqui vniuersæ familiæ grauem molestiam allaturum. videtur hic interna viscera sensu destituta habuisse: contrà planè, quàm nonnulli alij; quibus hæc sensu prædita sunt.

De ulcere in gibba Iocinoris parte.

CAPVT XXVIII.

MVLIER quædam ex plebe dolore graui in dextro hypochondrio torquebatur: color eius quasi ictero laborantis: corpus extenuabatur: tumor pedum aut ventris successit nullus: vrina rubicunda iocinoris inflammationem præ se ferebat: nec deerat febris. Cùm autem nullis remediis dolor cederet, tandem vitæ finem fecit. In iocinoris huius gibba siue conuexa parte magnum, amplum & profundum vlcus in conspectum venit, quod verisimiliter inflammationi successit. Fuere huic viscera,

cera, atque ipsum iecur sensu prædita; contra planè quàm superiori, cui citra dolorem viscera computruerant.

De Inflammatione musculorum abdominis.

CAPVT XXIX.

INFLAMMATIO musculorum abdominis ex iis est, quæ rarissimè contingunt: Idcirco & Medicum iudicio falli facilè contingit. Scriba quidam, cum ruri haud procul Antuerpia esset, dextri lateris cum febris dolore correptus, sed iuxta, ac paulò infra nothas costas. Medicum accersiuir, qui venæ sectione imperata, eclegmata, linimenta quæ præscripsit, qualia Pleuritide laborantibus adhiberi solent, (Pleuritim enim morbum esse existimabat) Ab his verò cùm malè æger haberet, febrisque intenderetur, domum vehi postulauit. ad quem deinde vocatus, hominem offendi febricitantem quidem, sed debilem, & viribus parum valentem, dextrum hypochondrium nonnihil dolentem; ventre verò vehementer distento, ac veluti hydropici alicuius tumente. Exhibui mox purgans medicamentum, sed in exigua quantitate. quod

quod cum feliciter cessisset, postridie idem, sed in maiore quantitate propinavi. quo, expurgatis multis vitiosis humoribus, sinistra ventris pars tota subsedit: dextræ verò tumor permansit. Et cum non modò tumida hæc pars relicta esset, sed & durior, ac digitis renitens, cataplasma admoui, quo tumore intra paucos dies emollito, nusquam verò apparente loco, per quem pus erupturum sperari poterat, sectionem adhibuimus, adhibita diligentia ne peritonæos membrana vulneraretur: qua circa inferiorem ventris partem facta, mox copiosum effluxit pus; quo deinde expurgato, vulnereque solidato, æger sanitati restitutus est: adhibita interim bona victus ratione & paucis remediis.

SCHOLIUM.

MVSCVLORYM autem hanc abdominis, ac eius qui ex dextro hypochondrio oritur, fuisse inflammationem, ipsa curatio ostendit. Unde etenim pus nisi ab hæius inflammatione? Non est siquidem verisimile, iocinoris fuisse inflammationem, & ab hac pus intra peritonæum & abdominis musculos abscessisse. Cum autem iste musculus ex sexta, septima, & octava costis originem ducat, haud mirum, si legè confortij dolor ad co-

E stas

stas initio pervenerit, & lateralis inflammationis speciem exhibuerit, præsertim in profundo latitans, & nullam sui notam foris ostendens

De Sphacelo Iocinoris.

CAPITULUM XXX.

DE pulmonis sphacelo capite XXXIII.
 Egimus, de Iocinoris sphacelo modo agendum. Nobilis quidam ac generosus vir nonnullarum rerum suarum iacturam passus, graui mœrore & animi dolore correptus, in melancholiam incidit, assidue tristis, cogitabundus, ingemiscens: parsimonia iacturam suam reparare laborabat: metuebat lemures & spiritus quosdam. Cum autem malum intenderetur, nec spes aliqua superesse videretur, ut ad mentis sanitatem redire posset, commissus est monachis quibusdam, apud quos multis annis vixit, perpetuò sui similis, cogitabundus, suspiria ducens, solitudinis amans, à risu ac iocis omnino alienus. Postquam autem hoc modo annis (plus minus) XX. vixisset, tandem de virium suarum debilitate conqueri cœpit, & cibum ac potum auersari: quæ tamen citra appetentiam admisit, & admonitus aliquan-

aliquanto tempore sumpsit. Nulla aderat febris: sitis nulla; vniuersum corpus frigere videbatur: pedes processu temporis œdematosi facti sunt. Vrinæ autem rubicundæ erant, veluti si febris ardens, aut iocinoris inflammatio adfuiisset: quæ, quales reddebantur, permanebant, nec ab aëre, aut frigore perturbabantur. Malo autem ingrauescente, ad alium cibum sumendum, præter exiguam sorbitionem, adduci haud potuit. Ita tandem deficiente naturali facultate, inedia quodammodò confectus, è vita migravit. Huius hepar colore vnde-
 quaque nigrius, quàm secundum naturam, apparuit; sed tamen minus nigricans, quàm pulmonis sphacelo correpti substantia: impressorum digitorum, vel alterius cuiusque rei vestigia faciliè retinuit: nec minus faciliè soluta parenchymatis vnitæ, rimas contrahabat. Manifestum hinc hepar huius sphacelo quoque correptum, & urinæ ruborem, haud à calore iocinoris, sed ex debilitate penè abolitæ facultatis naturalis, natum fuisse: urinam eadem de causâ talem permanisse, qualis fuit reddita; quod crudissimis proprium est.

SPHACELVS est partis alicuius mortificatio, quæ accidit propter natiui caloris priuationem, atque in ipsa parte extinctionem. Est autem hæc absque purulentia aut sanie vlla, in parte affecta existente, forma etiam siue figura & quantitate vt plurimum etiam permanentibus; sed sensu & motu omnino abolitis & colore in nigrum permutato. Neq. semper præcedit inflammatio; (vt nonnullis videtur) sed ex sola natiui caloris priuatione frequentius oritur: veluti in pede coctoris ceruissæ, de quo cap. xxvii. & in pueri membris de quo cap. liii. Quibus sphacelus superuenit non præcedente alicuius partis inflammatione, sed ex solius caloris natiui defectu. Qui propter sui paucitatem ac imbecillitatem ad extremas partes perferri non potuit. Talem autem mortificationem pulmoni, iocinori, ac lienis accidere posse; licet à veteribus non sit scriptum, ipsa tamen observatio ostendit, nec repugnat ratio. Nam cum horum viscerum substantia laxa ac rara sit, & præcipuè pulmonis ac lienis, neque soliditatem magnam obtineat, ipsorum natiuum calorem, & quandoque perire, & per frigidam intemperiem extinguï contingit. Et potuissent veteres horum viscerum sphacelos quoque observasse, si in dissectionibus corporum vel diligentiores, vel audaciores existissent. Sed quia in humanorum corporum dissectionibus minus versati, non solum multa ad fabricam & structuram humani corporis facientia

ipfos

ipfos latuerunt, sed & multorum affectuum causas ignorarunt, quas corporum dissectio ostendit ac detegit.

De Urina in morbis frigidis, & ex cruditate natis, rubente.

CAPVT XXXI.

RVBET autem urina non modò sphacelo correpto iocinore, vel in morbis calidis, vt in febribus ardentibus ac tertianis, partiumque internarum inflammationibus: sed & non rarò iocinore ac ventriculo per diuturnos & longos morbos cum refrigeratione debilitatis. Tingitur quoque & non rarò vrgentibus coli doloribus, quando videlicet crudi humores intestina occupât, & excrementorum exitum remorantur.

Honestus ciuis quinquagenarius liberatus à quartana, quæ menses quattuor aut quinque eum detinuerat, in lienteriam incidit. alui excrementa liquida erant & cruda admodum: nullus febrilis calor restabat: extremæ partes crebrò frigebant: urinae autem admodum rubentes, vt in febribus ardetissimis, ac viscerum inflammationibus, apparebant. Verùm nos harum nullam rationem habentes, sed ad alia & cruditatem

respicientes, consulendum putauimus ventriculo: deinde & iocinori per præcedentem quartanam debilitatis: proinde victus rationem calfacientem & resiccantem instituiamus, vinumque exhibuimus generosissimum ac potens, quale Hispanum est. Medicamenta fuere Diagalanges, Diatrionpepercon, & eius generis similia. Quibus tantum promotimus ac profecimus, vt concocta apparerent excrementa, & vrinæ color remitteretur, ac similis sanorum redderetur. Quibus sic se habentibus, cum se sanitati restitutum ager existimaret, secretò ceruisiam bibit: mox autem vrinæ color iterum in rubore multum intensus, manifestè ostendit, ex ventriculi cruditate ac refrigeratione vrinam quandoque tingi, ac valde rubicundam reddi. Deinceps itaque à ceruisia abstinuit; vrinæ verò & mox iterum sanorū similes. Nec prius ceruisia vsus est, quàm integrè sanitati restitutus foret.

Alteri, viro quidem generoso, vrina quoque admodum rubens, absque feбри tamen fuit, qui coli doloribus vnà cum alui obstructione torquebatur. Profuit enema anodynon, à quo, mox leuato dolore, statim similiter vrinæ color valde remissus, & sanorum

rum similis redditus: cum verò ab enemate cessaretur, recurrente dolore, iterum vrina in rubore tingebatur; donec sæpius repetito enemate, coli dolor omnino conquievisset, aliusque sponte sua succederet, tunc enim vrinæ colores, quales sanorum, perstiterunt.

SCHOLIION.

Hæc autem propterea referimus, quòd plerique persuasum habeant, non aliunde quàm à calore vrinas tingi posse, qui, tali in colicis doloribus apparente, temerè ad febris curationem confugiunt, neglecto coli dolore, quem etiam augment. Quod si autem isti legissent, quæ Galenus scribit lib. i. ad Glauconem, non potuissent ignorare, vrinas etiam à cruditate, & in frigidis morbis rubicundas quandoque esse. Nam ubi de quotidiana febris agit, quæ crudorum humorum soboles est, sic scribit: In quotidianis aut albæ, aut tenues, vel crassæ, & turbulentæ, aut rubræ vrinæ apparent. Addit in Commentariis Martinus Akakia, rubras fieri, ubi per imbecillitatem iecoris aut venarum, serum aut rubra sanies vnà cum vrina emittitur.

*De Vrina rubente propter rerum
debilitatem.*

CAPVT XXXII.

Nec rarum quoque sanguine permixto vrinam reddi rubicundam: sed cum magna parte vel crassus vel grumosus sit;

facilis eius dignotio. Sed adeo tenuem vrinæ permisceri, vt substantia eius nullo modo permutata, colorem tantummodò intendat, admodum rarum est.

Sic autem Iuueni x x v i i . (plus minus) annorum contigit. Reddiderat hic vrinam aliquot mensibus perpetuò rubentem, consistentia satis tenuem; & ferè per similem acutè febricitantium lotio. Consuluerat seniores Medicos, qui remedia veluti supercalfacto iocinori adhibuerant. Tandem ad me, tùm etiamnum iuuenem, venit: lotium inspexi rubicundum quidem: cum autem non appareret iuuenis (qui præsens aderat) febricitare, percuntatus num aliquando febricitaret, negabat, sed se continuò quasi frigere iam ab aliquot mensibus respondit; corpusque suum extenuari sensimque macrius reddi, viresque infirmiores, & respirationem difficiliorem; & ea, quibus eousque vsus esset, nihil profuisse. Quibus intellectis, placuit in alterum diem lotium relinqui, atque tunc sedimentum eius considerandum; quod quidem sanguinis instar (vt, quod non nisi sanguis esset) rubebat, reliqua ac superiore vrinæ parte exiguum colorata, & pallidè lutea, nullam febris notam

tam referente. Proinde nullum in iocinore calorem subesse collegi, sed renes debiliores factos, venarumque ora rariora, sanguinem tenuem dimittere: Idcirco mutata curandi ratione, iis usus, quæ renes roborare, venasque adstringere potuerunt, adhibita victus proba ratione, & simul lacte caprino: ac sic vrina rubere desit: & corpus nutriri, viresque reparari contigit: atque ita Iuuenis sanitati tandem restitutus est.

SCHOLION.

HVIUSCEMODI sanguinis profusionem, quæ accidit propter oscula venarum rariora facta, vel ipsum sanguinem attenuatum *diæmisi-
on*, quasi transcolationem vocant. Contingit vero & aliis modis sanguinem cum vrina excerni: Quandoque etenim calculo aliquo maiusculo per vteras descendente, sanguis vnà comitatur, sed qui nigricans & grumosus redditur. Calculus vero etiam in vesica existens profusi sanguinis quandoque causa est; quando laborans equitatione vel aliàs vehementius sese exercuerit.

Menstrua quoque quandoque cum vrina permiscentur.

Iam repressus de gingiuis profluens sanguis ad vesicam descenderat; ut cap. xv. Vulneratis renibus vrinæ initio sanguinem, deinde pus admixtum habent: veluti mulieri contigit, quæ pugione

E 5 vulnus

vulnus in lumbis acceperat: mox enim sanguineam, deinde purulentam urinam reddidit, donec & vulnus & ren curatus esset; quem vulneratum fuisse, particula eius è vulnere exempta ostendit.

6. Exulceratos renes comitatur & sanguis cum urina, pus deinde sequitur, nisi prius renes curentur.
7. Iam & à magnæ ætatis senibus crassa & sanguine permixto in rubore nigricans quandoque urina redditur, quæ penè abolitam renum facultatem ostendit, & parum vitæ superesse prælagit

De Scorbuto.

CAPVT XXXIII.

INTER raros casus, morbus haud dubiò annumerandus venit, quem nostra hæc ætas Scorbutum appellat: Germani Scorbuck. De quo tamen si breuiter scripsimus Hist. Stirp. Pemp. quartæ lib. 5. cap De Cochlearia; tamen & hoc loco paulò latius de eodem agendum, haud abs re, fuit. Est autem morbus iste longus ac natura sua diuturnus, grauis item & molestus. Germaniæ, quæ ad mare Balthicum, ἐμχέρος ac familiaris fertur: ac deinde oræ maritimæ Frisæ ac Cimbricæ Cherrhonesi, quæ modo Dania. Vnde iam olim ad Brabantos peruenit: nunc verò & Bohemiæ ac Silesiæ inno-

innotescere inceptit. Tument ac exulcerantur gingivæ, & non rarò supra ipsos dentes attolluntur, oris foetor inde accedit. Crura & quandoque pedes liuores occupant, haud dissimiles iis, qui parte aliqua suggillata apparent: Liuent quandoque & femora: in brachiis verò & huiusmodi liuores videre, sed perquam rarò, contingit. Subinde verò in femoribus non quasi suggillationes, sed puncta liuentia reperiuntur, qualia à publicum morsu relinquuntur. Si magnus & diuturnus est morbus, & remedium non adhibeatur, tandem & hypochondria liuent: postremò verò & ventris tormina accedunt, subsequente morte. Præter verò hos liuores, faciei & reliqui corporis magna ex parte pallor accedit: pedes verò & quandoque intumescunt. Morbi causa crassus frigidusque humor, qualis est melancholicus succus, sanguinis fex, non ex adustione natus: cuius fomes est praua victus ratio; præsertim fecale corruptum, per quod anno 1556. apud Brabantos irrepsit. Nam cum propter validam famem, secalis vsus esset ex Borussia aduecti, non pauci à Scorbuto malè habere incepterunt: nonnulli tamen grauius; alij mitius laborarunt, plerisque nulli

nulli liuores apparuerunt, sed circa gingiuas
mali labes sese tantummodò ostendit. Olatius
Magnus in Septentrionalium gentium Hi-
storia: Castrensis, ait, est morbus, qui vexat
obsessos & inclusos: ac salforum videtur ci-
borum esu nasci, frigida verò murorum ex-
halatione foueri. Noui ego quendam ad-
modum angusto carceri inclusum, loco
non humili, sed editiore, vbi nulla muro-
rum exhalatio; & aëris liber per patentes fe-
nestras ac cancellos erat aditus, hoc morbo
satius grauius affectum, cui non praua victus
ratio, sed angusti & diuturni carceris tædi-
um morbum pepererat. Curatio huius mor-
bi per nonnullas herbas præcipuè perficitur,
vt sunt Nasturtium hortense, tum & aqua-
tile Nasturtium: quod à Dioscoride *Σινυ-
βειον ἑρπυγιον*: Item & Cochlearia, à forma
cochlearis dicta, quæ sapore Nasturtium
refert. Commendatur verò & Anagallis
aquatica: verum hæc viribus minus præ-
stat. Decoquuntur in vino, aut in lacte à te-
nuioribus: decoctum aliquot diebus bis aut
ter in die bibitur. Atque hoc solo nonnulli
contenti, haud alia remedia requirunt: os
etiam ac gingiuas eodem, quod bibitur, de-
cocto abluentes: Nonnulli verò & contu-
sarum

farum herbarum succum propinant, qui efficacior decocto est. Vfus sum & quandoque Conferua (vt vocant) ex Nasturtio, quæ cum vino propinata admodum efficax fuit. Sed ex ratione est, vt præter istas herbas, bona victus ratio instituatur, & prauī humores vacuatione, si vires ferant, minuantur: ori verò ac gingiuis commodis remediis prouideatur.

Laborandum autem ante omnia, vt panis ex optimo sit tritico paratus, & probè sit coctus ac fermentatus. Ab omnibus falsamentis & fumo duratis abstinendum: pisces quoq. haud conueniunt: fructus horæi crudi perniciosi sunt. probatur cibus ex optimis carnibus. Vino vtendum est albo, aut, si ita conditio ægrotantis postulat, ceruisia tenui & probè defecata. Humores per aluum vacuandi sunt. Vtilia sunt folia senæ, epithymum, veratrum nigrum, si vires ferant. & ex compotitis, Confectio hamech: quibus ea addenda sunt, quæ & morbi conditio, ac simplicium facultas requirit: vt sunt radices polipodij, aut capparis, asplenium, vulgò Ceterach, hepatorium vulgare, cassytha, fumus terræ, vuæ passæ, anisi aut fœniculi semen: Admisceri verò

& Agaricum quandoque expedit, vel etiam Hermodactilos. Sanguinis detractio non, nisi ubi vires validæ sunt, & plenitudo magna, conueniens esse potest: morbi enim causa omnino frigida, & per sanguinis missionem corpus amplius refrigeratur. Ori quoque prouidendum est collutionibus ex herbis calidis, propter morbi causam, ut diximus, frigidam; ut ex thymo, rosmarino, salvia, hyssopo vulgari, quibus adstringentia quædam admiscenda: veluti galbuli cypressi, radix bystortæ, aut nonnihil aluminis: quæ aquæ soli, aut cum vino mixtæ incoquenda sunt. Decocto os & gingivæ crebro abluendæ, præsertim addito nonnihil mellis rosacei, quod ad abstersionem facit. Vni tantummodò me sanguinis missionem imperasse recordor, illi nempe quem scripsimus angusto carceri aliquandiu inclusum fuisse: qui vir erat fortis, boni habitus, temperamenti calidi, cuius pulsus secundum omnem dimensionem magnus, & valde fortis, præter alia, plenitudinem ostendebat. Huic aliquot uncias ex sinistro brachio detractæ fuere: postea exhibitum medicamentum purgans ex iis, quæ superius ostendimus, additis hermodactilis & confectio-
ne ha-

ne hamech. Deinde vsus decocto nasturtij ex aqua & vino, paucis diebus sanitatem consequutus fuit: semel atque iterum inter mediis diebus purgatione repetita: & ori ac gingiuis remedio adhibito; quod fuit collutio, ex decocto hyssopi, saluiae, rosmarini, cui additi galbuli, cypressi, aliquot grana vulgò dictarum cubearum, & aliquid nucis myristicae: postremò verò & nonnihil mellis rosacei; quo oris malum faciliè quoque emendatum.

Alij citra sanguinis missionem curati sunt: quibus purgatio, deinde vsus nasturtij vnus, aut cochleariae herbæ, & oris collutio ad sanitatem contulit. Imbecillis verò & viribus parum valentibus nec purgans exhibitum. Nonnullis verò & solum oris medicamentum satis fuit, quibus videlicet solæ gingivæ malè affectæ. Podagricon cuidam, si quando decumberet, mox liores circa pedes & crura exorti sunt, qui ab assumpta nasturtij cum vino conserua citò euauerunt.

SCHOLION.

HIPPOCRATES lib. De Morbis internis morbum quendam describit, *ἑλκὸς αἱματίνης*, id est,

id est, voluulum sanguineum dictum; qui cum Scorbuto, si non per omnia, in plurimis tamen conuenit: *Ex ore* (ait) *malè olet à dentibus, & gingiue discedunt, & à naribus sanguis fluit: Aliquando etiam ex cruribus vlcera pullulant, & alia sanescunt, alia emergunt, & color fit niger & cutis tenuis.* Sanguinem autem è naribus profluxisse in hoc morbo meminì, sed rarius tamen obseruatum. Vlcerà verò subinde nasci nonnulli affirmant; verùm hæc mihi comperta affirmare nequeo. Nec hæc perpetuò adesse, sed quandoque, Hippocrates scribit. nigricant autem suggillationibus per similes maculæ, & cutis supertensa, quia transparens, tenuis apparet. Quod autem sequitur: *Est autem ad deambulandum ac laborandum promptus*, videtur corruptum. Nam malè habentibus cruribus ad deambulationem & laborem, promptitudinem adesse, vix credibile. Proinde pro *πρόθυμος*, hoc est, promptus; rectius legendum, *ἐκ πρόθυμος*, hoc est, non promptus. Vlcerà verò his qui bilioso sunt temperamento potissimum fiunt: vt Hippocrates lib. De Internis affectionibus ostendit. *Quicumque*, inquit, *splenem habent magnum, si quidem biliosi sunt, hi mali-coloris fiunt, & malis vlceribus scatent &c.* Cùm autem huius affectus causa, frigidus, crassius ac seculentus humor existat, & talem promptissimè lien recipiat, & ad se pertrahat, tumore quoque vnà afficitur, & maior fit. Quod etiam Hippocrates scribit Prorrheticon lib. 11. *Gingiuæ, inquit, vitiatæ & oris graueolentia his sunt, quibus splenes magni. Quicumque verò habent splenes magnos, & neque san-*

*Sanguinis eruptiones ipsis contingunt, neque aris graue-
olentia, horum tibiæ vlcera praua habent, & (malim
legere, aut) cicatrices nigras. Succedere autem sple-
ni magnò vel sanguinis vomitionem, vel Scórbu-
tum, vel Ascitem à nobis frequenter obseruatum.*

De Vrina intra peritonæum collecta.

CAPVT XXXIII.

ASCITICIS aquosos humores in caui-
tate ea contineri, quæ inter peritonæū
& intestina, in confesso est: colligi verò & il-
lic vrinam posse præcisīs vteris, Gale. lib.
i. De Naturalibus facul. prolixè docet. ac-
cidit verò & idem vesica læsa ac exulcerata.

Monialis quædam virgo quinquaginta
quinque aut sex annorum, multo tempore
circa inguina & pubem doluit; nullis inte-
rim ex vtero prodeuntibus excrementis: su-
peruenit tandem ventris tumor, quo indies
maior factò, neque vllis cedente reme-
diis, mors tandem subsequuta est. Toto
autem quo laborauit tempore, facies per-
petuò elegantis & viuidi, vt in sanitate, per-
stitit coloris: sinistri tantummodò cruris su-
pra talos dolor molestus erat, cum tamen
nihil illic mali appareret. Huius venter non
aquoso humore alio, sed vrina plenus ex-
stitit,

stitit, quæ ex laesa & pertusa vesica in hunc influxerat. Vterus liquidem omnino exulceratus fuit, ac ita quidem, vt ne figuram suam retinuerit: vesica quoque, qua parte ipsum contingebat, similiter & aliquot foraminibus hians; per quæ vrina in ventris cauitatem delata fuerat. Reliqua viscera, hepar, ac lien, omni labe ac vitio carebant: atque idcirco color faciei, vt diximus, haud fuit permutatus. Quod autem ex vtero excrementa nulla descenderint, hymen obstitit, quod natura virginibus concessit. Nam hoc integro, nihil ex vtero descendere, aut deferri posse, vel hinc apparere potest.

De alui excrementis intra peritoneum collectis.

CAPVT XXXV.

VRINAM vesica perforata in ventris cauitatem profluere superiore capite ostensum est: Sed & alui excrementa vulneratis intestinis eò quoque deferri possunt. Vxor fuit Medici, formosa & viuido calore prædita, carnosa quoque & satis pinguis. Hæc posteaquam nupsisset, concepit, ac deinde

deinde peperit, sed foetum nec plenè gestatum, nec vitalem. Post partum venter non modò subsedit, sed & paulò post auctior factus est, ampliusque quàm prius intumuit. suspicio nata est, collectos esse in ventre aquosus humores, tametsi faciei color non mutatus, sanitatem viscerum præ se ferret: nec pedes (quod sæpè hydropicis accidit) tumerent: & urinae sanorum similes. Exhibita quandoque initio hydragoga medicamenta, verum ab his nulla aquosi humoris successit purgatio: sed torsiones admodum molestæ, vt non temerè ab vsu omnium medicamentorum abhorruerit, & Medici abstinerint. Cessatum itaque est ab omnibus purgantibus medicamentis. In hac autem tanta miseria annos (plus minus) duos vixit: ventre interea in tantam molè & altitudinem distento, vt vix genitales suas partes manu propria contingere quiverit. Admirabantur Medici quotquot eam subinde visebant, ventristantum tumorem, facie optimè colorata, & nullis morbi notis in urina apparentibus. Accessit successu temporis respirandi difficultas, quæ indies increscens ac molestior facta, nec vllis

F 2 cedens

cedens eclegmatis, tandem vitæ imposuit finem. Dissecto ventre non aquosus humor, sed sordes nigræ, quales in cloacis, effluerunt, crassæ, foetidæ, quibus frustillatim omentum permixtum, quod solum à tantis sordibus computruerat. Sordium autem tanta fuit quantitas, ut quattuor urnas vel amplius implere potuissent, quarum singulæ quadraginta libras mensurales continent. Distensio autem ventris tam quoque magna, ut peritonæum, cum amplius distendi non potuerit, aliquot locis à superioribus partibus ad inferiores usque fissum fuerit, & iecur cum liene ac ventriculo, relicta propria sede, cedente septo transuerso, intra pectoris spatium ascenderit: pulmone cum corde sursum collum versus in angustias coacto. Quæ viscera integra nec vlla parte viciata fuere. Non libuit in tantis sordibus intestina eximere, & diligentius perquirere: sed dubium non est, sordes istas non aliunde, quàm ex intestinis vulneratis ac læsis profluxisse. Nec etenim alia via aut modo in hunc locum peruenire potuerunt.

De

De Ilei dolore.

CAPVT XXXVI.

PHARMACOPÆVS maximo Ilei, tertio quoque die, dolore torquebatur. quo sæuiente febris aderat satis vehemens, & vmbilicus vnà cum circumuicinis partibus in tumorem attollebatur. Iniecito autem in ipsis doloribus enemate satis acuto, expurgatisque vitiosis, admodum viscidis, crassis, foetidisque fecibus, dolor conquieuit, febrisque cessauit. Quod cum sæpius contingeret, & nec desinerent huiuscemodi tertianæ exacerbationes, nec enemata, nisi cum adhiberetur, prodesse, de aliis remediis deliberatum. Tentata quædam sunt, sed cum nec his dolores integrè sedarentur, pilulæ Iliacæ occurrerunt, quæ à Rhasi lib. 1 x. ad Almanforem describuntur. Harum scriptulus in die quietis exhibitus, admodum prauos & vehementer foetentes humores eduxit: quibus expurgatis, Ilei dolor multum sopitus. cum autem in vniuersum non cessaret, eadem in paulò maiore dosi exhibitæ: quibus reliquis humoribus eductis, Ilei dolor omnino conquieuit. De istis pilulis in capite de Colocynthide scripsimus

in nostris De stirpibus Historiis. Earundem
verò singularem facultatem sapius, in ructu
autem molestissimo valde mirificam com-
pertam habemus. Hispano euidam militi
aded molestus ac difficilis erat assiduus ru-
ctus, vt in extremis versari videretur, cum
ad eum vocarer. Vfus fuerat admodum
multis remedijs, sed frustra omnibus: nec
quicquam per hæc profecerat, nisi quòd vi-
res eius insigniter forent deiecta. Huic in-
itio, exhibuimus pilulam vnā decem gra-
norum pondere, perquam vitiosis, ac foeti-
dis humoribus nonnullis expurgatis, melius
habere videbatur: postea paucis diebus in-
terpositis data grana quindecim, tertio ve-
rò scriptulus vnus: quo assumpto & expur-
gatione prauorum humorum succedente,
qui antea lecto affixus veluti moriturus ia-
cuerat, surrexit, & quocunque libuit, am-
bulauit, & cibum potumque cum appeten-
tia assumpsit.

De Cola statu distento.

CAPVT XXXVII.

TONSOR quidam ex dextro hypo-
chondrio efferti sibi quiddam con-
quirebatur, quod in sinistro conquiesceret,
quo

quo super ventriculi fundo transeunte, cibi potusque portio regurgitans, subito per os exiliebat, vel ut ilagena aliqua coriacea compressa, eius quod in ea continetur, cum impetu pars quædam reiicitur. Multorum imperitorum Medicorum opera usus, vehementia medicamenta, ac violentissimas purgationes sustinuerat, sed cum huiusmodi remediis malum non cederet, tandem defecit.

Huius intestinum colon à dextro, in sinistrum, & qua parte ventriculi fundo incumbit, flatu omnino distentum erat, & ab omnibus excrementis vacuum: reliqua intestina fecibus plena, ex quorum superioribus cum feces descenderent, impetu quodam violento per distentum colon ferebantur, ventriculi fundo compresso. Unde factum est, ut cibi potusque portio ad os subito regurgitaret.

De Tympanite.

CAPVT XXXVIII.

TYMPANITEN cum Ascite in ple-
risque conuenire, & in paucis differ-
re, multi sentiunt. Nam in ytraque subesse

aqueum humorem & flatum; differre autem maioris minorisque ratione. In Ascite plus esse aquæ, minus flatuum; in Tympanite è contrà plures esse flatus; aquæ verò quantitatem minorem. Sunt autem & qui Tympanitem in Ascitem transire posse credant; flatu videlicet inspissato, ac veluti nullo reddito. Sed si Tympanites fuit, quem aliquando observauimus, multum ab Ascite differens est: difficillimus quoque ac acutissimus morbus, citoque interimens.

Monachus quidam multo tempore, aliquot etiam annis; circa umbilicum torsiones cum sonitu ac strepitu admodum molestas senserat, quæ nullis remediis superari vnquam potuerunt. Tandem subito quodam tempore venter vniuersus in tumorem prægrandem attollitur: vrina & aluus supprimuntur. Enemata & potiones nihil proficiunt, omnia frustra, nulla succedente alui expurgatione: sic magnis doloribus confectus, vitam cum morte commutauit.

Simile & quiddam accidit coriario, cui quoque venter citò tympani in modum distentus, sonitum pulsatus dedit. Nec hic ullis remediis restitui potuit: aluo quoque & vrina suppressis.

SCHO-

SCHOLION.

DE hoc morbo scripsit Hippocrates Aph. XI. lib. quarti: Quibus tormina & circa umbilicum labores, & lumborum dolor, qui neque à medicamento, neq. aliter soluitur, in aquam intercutem siccam firmatur. Hydrops autem sicca à posterioribus Medicis, vt Galenus ait, Tympanias dicitur: quoniam summus venter percussus talem sonitum edat, qualem tympana. Non temerè autem est, quod Hippocrates scribat, *ἰσχυρτα*, hoc est, firmatur: volens indicare, morbum hunc nullis remediis curari posse. Quod nec mirum, si etenim quæ præcesserunt, à nullo solui potuerint medicamento: multò magis qui succedit Tympanias, incurabilis, ac nulli medicamento cedens, exister.

De Hydrocæle.

CAPVT XXXIX.

HYDROCOELE aliàs vniuersum scrotum, modò vnam eius partem, sinistram videlicet aut dextram occupat. Impletur totum scrotum hydropè vel etiam cachexia laborantibus. Quæ verò vnam tantum partem afficit, aliam occasionem habet, nec hydropicos comitatur, sed omninò aliter affectos. Non colligitur quoque humor in scroto, sed in membrana cry-

F s throide

throidē testē continente. superuenit quandoque ex causā aliqua externā & manifesta; ut à casu aut percussione: crebrius uero etiam ex latente & non manifesta. Quæ autem ab externa causa accessit, aut dextrum aut sinistrum testem indifferenter affligit, & in tumore sanguis sæpenumerò concretus ac corruptus continetur. A latente uero ac non manifesta causa originem ducens, nunquam aliū quā sinistrum testem occupasse diligenter nobis inquirentibus obseruatum. In hac humor influit tenuis; & urinae consistentia similis, erythroiden distendens membranā: qui subinde tam copiosus in hanc fertur, ut tumor quandoque ad humani capitis magnitudinem perueniat. Testis autem substantia ab acrimonia humoris successu temporis, non tamen mox, corrumpitur. Veteres, inter quos apud Aëtium Leonidas, Hydrocœlē tumorem esse laxum, & citra dolorē, tradunt: & talem quidem sæpissime contingit reperiri: focus tamen in Anglo quodam euenit. Inciderat hic in grauissimum sinistri testis cum tensione dolorē: qui nullis cataplasmatibus, fomentis, emplastris, multò minus inunctionibus placari aut leniri potuit.

Vnicum.

Vnicum videbatur remedium sectio & testis ablatio. Antuerpiæ illo tempore multi erant celebres & magni nominis Medici: plerique horum curationem tentarunt. cum autem sese nihil proficere experirentur, in eandem nobiscum sententiam devenere, in sola sectione vnicam & solam spem reponentes, interim tamen nemine de hydrocœle opinionem habente, sed omnino alium circa testem affectum consistere suspicante. Sectus igitur tandem est æger, & sinister testis ademptus. In ipsa autem sectione demum cognitum hydrocœlen fuisse affectum, copiosa in secantis faciem aqua exiliente. Testis integer & haud quaquam corruptus exstitit (nuper enim natus erat dolor) quem cum etiamnum calentem chirurgus medium diuideret, ex ipsius centro semen erupit, quod annotatione dignum. Curatus ac sanatus à vulnere, paulò post de lumborum dolore ac gravitate conquerebatur: apparebant in lotio arenulæ quædam: de latente aliquo in renibus calculo suspicio erat. In pube deinde circa cicatricem dolor cum tumore successit: accedentibus verò & aliis symptomatis, mors tandem subsequuta est.

Sacri-

Sacrificato autem circa pubem ac cicatricem loco, aquosus effluxit humor; & quidem copiosus. ren verò sinister durus admodum erat, ac iusta quantitate maior, & substantia interiore haud parēchymatis colorem referens, sed candidior, concreto ac indurato puri (quod subindē in affectibus varias formas accipit) similis. Hinc apparet, & abundē manifestum fit, quamobrem hydrocœle siue aquosus ramex, haud ab externa, sed à latente causâ procedens, non nisi in sinistram membranam incidat, atque huius testem affligat. Nam huius partis seminalis vena, non ex caua, veluti dextra, oritur, sed ab emulgente sinistri renis procedit ac originem sumit. Rene verò hoc malè affecto, nec officio suo probè fungente, vrinae pars, quam emulgens hæc ad se pertraxit, cum ad vesicam per malè affectum renem non potest descendere, per seminalem in erythroiden delabitur, hydrocœlen eò modo ingenerans. Sublatò autem teste vnâ cum sua membrana, non amplius illic decumbere humor potest. Quod si aliquis eò postea descendat, hunc in pube hærire necessum est; veluti Anglo contigit, cui, paulò ante mortem, humor qui deflu-

defluxerat, hoc loco substiterat, tumorem-
que cum dolore, ut diximus, excitauerat.

*De Scroti in hydrocœle pericu-
losa sectione.*

IN generoso quodam viro, quàm omnis
periculi plena sit scroti & erythroidis
membranae in hydrocœle per scalpellum
apertio, teste non sublato, compertum est.
Ab aliquot annis sinistra parte hydrocœle
huic molesta fuerat: frustra cataplasmatibus,
ac aliis remediis crebrò usus. tandem reme-
rarij chirurgi consilio acquiescens, aperiri si-
bi scalpello tumorem permisit. Effluxit ci-
tò omnis humor: tumor quoque subsedit,
sed cum testis ipse omninò esset corruptus,
vicinas partes faciliè infecit. Subsequuta
mox scroti vniuersi, ac etiam penis, cum tu-
more & ingenti dolore, gangræna. Deli-
rium cum vehementi febre propter doloris
magnitudinem superuenit, ac non ita mul-
tò post mors accessit. Ren huius sinister
corruptus fuit, & seminalis in erythroidem
descendens, valdè ampla & multum patens.

De

De Gonorrhœa Venerea.

CAPVT XLII.

MVLTVM interest inter veram Gonorrhœan, id est, feminis profluuium, & alteram improprie dictam Gonorrhœan, quæ ex concubitu cum lue Venerea infectis contrahitur. Diuerse sunt causæ: differētia symptomata: curandi ratio dissimilis. Sed de ea quæ proprie dicitur, nihil hîc adferendum; de altera verò quædam scribenda: Quæ est purulenti, corrupti, ac foetidi humoris per penem defluxus, quem interni meatus exulceratio concomitatur. Caruncula etiam quædam circa vlcera labia quandoque suboriuntur; quæ liberam vrinæ transitum subinde remorantur. malum si diutius constiterit, vltcrius serpit, vescicam, vreteras, & tandem ipsos etiam renes inficit. Generosus vir ex familia Francisci & Henrici Franciæ Regum; cum decem & octo annis huiuscemodi profluuiio laborasset, crescente indies malo, atque vna symptomatum sæuitia: nec vllum ex medicamentorum præscriptorum usu, fructum consequeretur, ad fontem proficiscitur, haud procul Leodio, qui creditur esse, quem

quem Plinius Natur. Hist. lib. xxxi. cap. xii in Tongris esse scribit. Hoc ubi aliquot diebus usus esset, dolores valde remissi sunt, ita ut suavius illic, quam alibi multis annis, vixerit. Fontis siquidem huius ea propria ac singularis est facultas, ut vesicæ renumque dolores sopiat ac leuiat: morbos tamen harum partium raro persanet: ventriculū debilem idem roborat: ciborum languentem appetentiam extirpat: hydropicis, præsertim Leucophlegmaticis laborantibus, subinde sanitatem reuocat. Possemus nonnullos adferre grauissimis ex vesicæ aut renū calculi doloribus misere afflictos, qui interea dum hunc biberent, à doloribus liberi visi fuerint, non tamen idcirco sanitati restituti. Prætermissa siquidem huius potione, recurrentibus etiam acerbius quandoque doloribus, peius habuerunt. Veluti huic generoso contigit viro. qui interea dum aquam fontis biberet, melius habere videbatur, sed illinc reuersus, mox omnino peius. Ita ut Mechliniæ subsistere eum symptomatum vehementia coegerit: ubi ingrauescentibus omnibus doloribus, viribusque deficientibus, vitam cum morte commutauit.

Disse-

Dissecto ac aperto huius corpore, repertus est ren vterque maior, quàm secundum naturam, durus, concreti ac indurati puris coloris ac similitudinem referens: vterque ambæ interior exulceratæ: vesica planè rigida, nec extendi nec contrahi potuit. Huius yna membrana ab altera diuulsa, copioso intermedio pure. In exteriori tubercula quædam liuida apparebant: interior multis foraminibus pertusa. Colis siue penis meatus in totum exulceratus, & sanguine concreto plenus. Candelis frequenter vsus fuerat ex candida cera, quæ sæpius impositæ ac exemptæ, irritatis vlceribus, profusi sanguinis causa fuere. Talis igitur generosi huius viri constitutio fuit, quem tot annis, tantis doloribus superesse potuisse, non citra admirationem fuit.

De Urinæ profluvio.

CAPVT XLII.

HONESTVS quidam ciuis urinæ detinebatur profluvio: subinde vno die amplius quàm urinam x l. librarum reddebat. Bibebat non minus: vt qui propter assiduam urinæ profusionem, assidua quoque

siti

siti premeretur. Cum autem huic nulla prodesse remedia, & vix vlla sibi adhiberi pateretur, paucis diebus deficiens, è vita commigrauit.

Alius quidam mercator vrinam quoque admodum frequentem reddebat, sed minus nec adeò copiosam, diuque hoc malo laborauerat. Albida autem vrina erat, non transparens, & paulò quàm serum lactis tenuior: in qua quidem grumi subinde permixti ferebantur. Superueniente vno tempore febris, vrinæ accessit incontinentia; sic vt & dormiēti profluere. Posteaquā autem sanguinis missione, & enematum vsu, paucisque aliis remedijs febris cessasset, desijt ignoranti in somno effluere, sed tamen frequēs, vt antea, & mediocriter multa: & qualis prius, talis & in febris & postea perstitit. Sitis verò & hunc premebat propter vrinę copiam, sed multò quàm alium minus. Morbus autem pertinax nullis remedijs cedebat, interim vt non vehemens, ita neq. negotiis magno erat impedimento. Vsus fuerat aliquot annis æstatis tempore aqua fontis Leodiensis: sed nec ex hoc fructum retulit, citius ab eo malum auctum: nam aqua hæc diuretica, & vrinas vehemēter mouet.

MORBVM hunc Diabetem fuisse apparere, præsertim cuius, cuius vehementius fuit malum. Nec tamen mercatoris affectus aliò referendus videtur. Comparat hunc Galenus Leuitati intestinorum : quemadmodum enim per hanc cibus assumptus citò deiicitur: ita & in Diabete potius velocissimè per vias vrinarias descendit. Proprius autem renum est affectus, qui ex re-
 tentricis facultatis debilitate oritur, accedente attractricis robore. vnde & sitis necessariò consequitur. Potus autem qui assumitur, non talis omnino redditur, qualis assumptus est. Nam in iocinore mutationem nonnullam accipit, licet exiguo hæreat tempore: in renibus verò non permutatur. Idcirco & crudæ apparent vrinæ.

*De Calculo in vesica sponte
 rupto.*

CAPVT XLIII.

VIRO annos nato (plus minus) xxx. si quando recenter coctam, aut nondum plenè defecaram biberet ceruissiam, aut etiam paulò acidiorẽ; vel etiam vinum mustum, vrinæ stillicidium mox molestum erat. Calculi in vesica nulla alia signa aderant. Quodam tempore cùm liberalius bibisset, & quidem Rhenanum vinum

num, magno cum dolore sanguinem mingere coepit: atque simul exigua quædam calculi fragmenta excernere: quæ acutissimos angulos habentia, particulis illis minutis, à silicibus dum franguntur ac rumpuntur dissilientibus, erant similia. Intumuit mox præ doloris magnitudine penis ac totum scrotum. Tertio autem die in dextro inguine propè penem, gangræna nata apparuit: qua scalpello aperta, copiosum foetidissimumque pus effluxit. Sequuta deinde per vulnus vrina, & calculi intra vesicam disrupti ac fracti acuta fragmenta multa: quæ & aliquot post diebus per hunc locum excreta fuere: cathetere interim aliquando in penem immisso, ne quid in eo hæreret, postea molestias allaturum. Nullis fragmentis amplius prodeuntibus, aut cum vrina exeuntibus, procuratum est, ut quàm citissimè vulnus coalesceret. Hoc consolidato, humor quidem crassus, lentus, viscosus, inalbicans, matulis adhærescens, vrinæ permiscebatur: qualis sæpenumerò calculo in vesica existente cum vrina excernitur. Cum autem nullis remediis hic suppressi aut resiccari se pateretur, ad fontem in agro Leodiensi malè

habens profectus est. Illic verò ubi dies quadraginta vixisset, absque tamen villo fructu, à Medicis præsentibus admonitus, alijs quadraginta mansit. Reuersus sanitatem suam homini concedidit indocto, qui ex vino Cretico, additis radicibus, herbis, ac seminibus omnibus fortibus diureticis, stillaticij ei liquorem præbebat, quo omnia symptomata plurimum exacerbata fuere. Andreas Vesalius id temporis Bruxellæ erat, huius hortatu ac consilio sectionem admisit. Calculi exempti sunt quinque, quorū duo vesicæ adhaerentes, difficulter admodū & cum labore auulsi sunt. Tres reliqui vnus fuere in vesica confracti partes: vt his simul iunctis mox manifestum erat. Huius fragmenta fuerant, quæ primo tempore molestiam facere, & difficilium symptomatum causæ extitere. Erant autem calculi isti quadrangulares, & superficiebus planis, contrà planè quàm vesicæ calculi esse solent; qui vel rotundam vel oualem figuram plurima parte referunt. Causa cur intra vesicam calculus ruptus ac fractus fuerit incognita: nisi fortassè vnus cum altero collisio fuerit. Naturæ opera admirari possumus, causas cognoscere sæpe non contingit.

De duodecim in vesica calculis.

CAPVT XLIIII.

IVRISPERITVS quidam supra quinquaginta annos natus, diu molestissimo vrine stillicidio, accedentibus plurimis, calculi in vesica latentis, indicijs, laborauerat, cum ad se sectionis peritum vocat. Hic facto experimento nullum in vesica calculum esse iudicauit. Profectus igitur ad fontem, de quo supra scripsimus, est. Illinc reuersus, non melius, sed peius habuit: vrina albida, foetida, ac purulenta facta. In vesica huius duodecim reperti sunt calculi, quorum qui maior nucis myristicae nucleum æquabat: ac ren sinister purulentus, ac ferè consumptus, exiguo admodum parenchymatis reliquo.

SCHOLION.

CONTINGIT non raro, vt calculo in vesica consistente, renes inflammatione corripiantur, ex magnitudine videlicet & diuturnitate doloris, per cōsensum affecti. Inflammationi succedit abscessus, huic verò puris mixtio. Subinde vnum tantum inflammarī accidit: aliquando & alterius inflammatio succedit: vt nonnullis accidisse meminimus.

De Calculo è muliebri pudendo spontè propemodum excidente.

CAPVT XLV.

VESICAE calculus non viros tantùm excruciat, sed & mulieribus quandoque grauissimas molestias adfert, continuosque cùm vrinæ stillicidio dolores. Sed è virili corpore non, nisi sectione, eximitur: mulieribus verò quandoque sua mole ac pondere, vesicæ ceruice extensa, in vteri meatum descendit, è tenui membrana dependens. Sic contigisse cuidam senî, & supra LXXV. annos natæ matronæ, in nonnullorum adhuc memoria restat. Diutinè hæc ex calculo vesicæ laborauerat, & maximos perpeffa dolores, multas noctes insomnes transegerat. Cùm autem nullum horum finem speraret, tandem ancipitem curationem subire, & sectionis periculo se se exponere maluit, quàm diutius tantis doloribus superesse. Nec generi sui Medici doctissimi, neque aliorum Medicorum tantùm potuerunt in contrarium admonitiones aut rationes, vt à sententia dimoueretur. Inuentus est itaque temerarius & audax λιθότομος, qui tantæ ætatis mulieri, diu-

diutiniſtàm nocturnis quàm diurnis doloribus exhaustæ ac ferè confectæ, ſecti-
onem ſe aggreſſurum reciperet, & feliciter perfecturum polliceretur. Fauet temerario homini fortuna. Dum tentat aggredi curationem, magnum ac inſignem calculum, iam extra veſicam delapſum, offendit, in tenui membrana pudendo inhærentem. Secat membranam: calculus excidit. Atque ita citra omne periculum à calculo matrona hæc liberatur. Et qui aliàs ſponte (vt videbatur) caſurus erat calculus, ope atque auxilio ſectoris prius cadit. Superuixit hæc pluribus deinde annis: ſed vrinam continere non potuit. Hoc vnicum ex prioribus doloribus reliquum tantummodò fuit.

*De Iſchuria propter calculum
renibus impactum.*

CAPVT XLVI.

Iſchuria, id eſt, vrinæ ſuppreſſio accidit, vijs, per quas deſcendit, obſtructis aut impeditis. Rarius tamen vteretres aut renes omnino obſtrui contingit: Quod ſi aliquando accidat, lumbos grauitas tenet, partibus circa veſicam liberis: Mulier quædam diuturno lumborum dolore

detinebatur: aderant manifesta calculi in renibus hærentis signa. Nullum hæc remediij genus prætermiserat, quod calculi comminutionem aut attritionem polliceretur. Vsa quoque consilio cuiusdam, qui ligni Guaiaci, cum omnis generis fortissimis diureticis, decoctum ei exhibuit. A quo in vrinæ suppressionem incidit, absoluto ac firmato in renibus calculo. In singulis huius renibus singuli reperti sunt calculi, totidem radios habentes, quot in renum substantia meatūs.

S C H O L I O N.

QUAM periculosus autem sit intempestivus & minus frequens diureticorum vsus, vel hoc vno exemplo satis manifestum. Galenus lib. 1. De Simp. medic. facult. hoc quoq. satis innuit, vbi fortia diuretica ijs comparat, quæ lac coagulant. Veluti enim hæc serosam lactis partem separant, reliquum indurant: sic quod in sanguine tenue ac serosum per vrinas fortia diuretica expellunt, crassius inspissant, ac, vt in lapidem aut calculos conuertatur, efficiunt.

De vrina retentione propter feces in recto intestino hærentes.

CAPVT XLVII.

RETINETVR quoque vrina duris fecibus in intestino subsistentibus, com-
pri-

primitur enim ab his vesicæ ceruix, qua compressa vrina retinetur. Atque idcirco dum exoneratur aluus, vrina tum demum procedit, cum rectum intestinum liberum est.

Nobilis vir LX. annos compleuerat, cum triduo vrinæ illi via præcluderetur, nullo lotio succedente: huic balneum, mox enema profuit. Emollitis siquidem atque expurgatis alui excrementis, mox vrina successit. Atque ita paucis horis liberatus, cui vrinæ suppressio totum triduum fuerat molestissima.

SCHOLION.

QUANDO vrina supprimitur, & reddi nequit, sæpè non expedit diuretica medicamenta propinare. Nam quod plures humores ad vesicam perueniunt, hoc amplius distenditur, & minus exonerare sese potest. Laxiores & patentiores vesicæ meatus reddi præstat; quod & fomentis, & infusibus siue balneis efficitur. Quod si verò & feces intestino recto hæreant, has vel maximè educi enemate refert. Quod non solum feces educit, sed & fomenti loco esse potest. Incumbit vesicæ colli superior pars recto intestino: proinde & hoc fecibus grauato, vrinæ via præcluditur. Si verò feces adeò duræ fuerint, vt enema immitti nequeat, primùm balneo vtendum, dein-

de; nonnihil emollitis fecibus, enema adhibendum. veluti huic seni contigit, cuius feces aded dura in recto hærebant intestino, vt canaliculus clysteris immitti, priusquam balneo vsus esset, nequiuert.

*De stillicidio vrinae ex vsu
vini Rhenani.*

CAPVT XLVIII.

VIR senex LXXXII. annorum, cum iuuenis esset, ac in vigente florenteque ætate, nec non post, vini potatione delectabatur; sed haud alterius quam Rhenani: cuius subinde multas amphoras bibere poterat citra ebrietatem, aut cerebri vllam offensam. Hic post sexagesimum ætatis annum temperantius vixit: præteritis verò LXXX. vitæ annis etiam quam antea parcius multò: & rarò admodum vino Rhenano vsus: tandem verò nec bibere citra offensam potuit. Si quando etenim Rhenanum eum bibere cõtingebat, etiam in exigua quantitate, nec copiosè, mox illi vrinae stillicidium valdè molestum fuit. Ab aliis vinis, vt Gallico, Hispanico, aut rubro non offendeabatur. Repertum fuit remedium, sed quod non nisi præsentī malo succurreret. Quotiescunque enim ad Rhenani

nani vini potum reuertebatur, mox iterum
 vrinæ stillicidium accedebat. Profuit tan-
 dem ex ouorum testis in cinerem redactis,
 & vino Rhenano permixtis, lixiuium: quo
 vel semel assumpto, deinceps vino Rhena-
 no, ad extremum vitæ vsque diem, innoxie
 uti potuit. Superuixit autem, postquam
 liberatus à stillicidio vrinæ esset, annos
 duos, aut tres.

SCHOLIION.

ALBIDVM fuit Rhenanum, quo senex iste
 in iuuentute ac consistente ætate delectatus
 fuit & à quo in senectute extrema offendebatur.
 Admodum autem tenuium partium istud vinum
 est, citissime ad vesicam descendit, & facile cru-
 dos viscidosque humores secum ducit: quales in
 viis vrinariis hærentes stillicidij vrinæ causæ esse
 potuerunt, quibus deinde per lixiuium incisis &
 expurgatis, liberior factus est vrinæ de sensus.

De Mola.

CAPVT XLIX.

MOLA, de qua scribimus, carneâ quæ-
 dam & informis moles fuit, talem
 multo tempore, & aliquot etiam annis
 (plus minus xv.) in utero olim gestauit
 honesta quædam vidua. existimabat uterum
 prolapsum, quod in ostio uteri pro-
 pendere aliquid sentiret. Profluebant statis
 tem-

temporibus menses: & subinde copiosiores
quàm par erat. Tandem quodam tempo-
re, superuenientibus nonnullis partus dolo-
ribus, rudem excreuit & informem car-
neam molem, pedè ferè longam, latam se-
mipedem, tres quatuorue digitos altam.

Sunt verò & aliæ à recentioribus dictæ
Molæ, per quas venter distenditur non mi-
nus quàm grauidis: vna collectis in vtero fla-
tibus: altera aquosis humoribus vterum im-
plentibus.

De Mola ex flatu extat apud Valēscum
exemplum cap. 6. lib. 15. Nobis verò & ob-
seruatum huiuscemodi inflationem effica-
ci remedio curatam, prodeuntibus per pu-
dendum muliebri flatibus, veluti per anum
excerni solent.

Aquæ in vtero collectionem vidimus in
vidua quâdam, quæ defuncto marito, cum
se grauidam relictam existimaret, 1 x. men-
sibus adimpletis, superuenientibus partus
doloribus, non nisi aquosos humores enixa
est, à quibus liberatâ, lacte vbera repleta
haud aliter, quàm si foetum peperisset.

SCHOLION.

MOLAM, quæ Græcis *μύλη*, induratum esse
vteri tumorem, qui modò in ipsius ostiolo,
modò

modo in ipso toto consistat, Aëtij & Pauli est sententia. Sed Galenus 14. Method. Molam informem esse carnem, ait, & inutilem in vtero gestatum conceptum, qualis illa viduae carnea moles, quam aliquot annis in vtero gestauerat. Et talis quidem propriè *μύλη* ac Mola dicitur. Nam quæ ventosæ & aquosæ cognominantur, à Græcis & veteribus Medicis pro Molis non agnoscuntur. Flatuum in vtero collectionem, *ἐμπνευματώσιν τῆς μήτρας*, Inflationem vteri, & posteriores Ventositatem matricis nominant.

De aquosi humoris in vtero collectione meminit Hipp. in lib. De Natura muliebri: tùm & Aëtius, qui vteri hydropem appellat. Hippocrates aquæ in vteris collectionem gravidis superuenire affirmare videtur; Aëtius verò, tunc humoris copiam in vterum confluere, quando menses suppressi & imprægnatio impedita. Vtrumque nobis observare contigit: memini enim nonnullis vna cum foetu copiosum aquosum humorem ex vtero processisse, foetu debili ac non vitali. Sed vidua altera, de qua scripsimus, quæ existimabat gravidam se relictam, solùm aquosum in vtero gestavit humorem.

De Hæmorrhoidibus.

CAPVT I.

HŒMORRHOIDES venæ quandoque exterius prominent: non rarè interius latent: fundunt sanguinem quædam, aliæ non: sanguinis excretionem præcedit

cedit aliquando dolor: sæpe citra dolorem profluit: dolent verò etiam nullo sanguine succedente. Dolor autem tam magnus esse potest, vt per sympathieian vesica laborante, vrinæ succedat stillicidium. Viro cui-dam cœcæ ac internæ hæmorrhoides molestæ erant: Medicus enemata adhibuerat, quibus salem & hieran picram admiscuerat. hinc dolor & inflammatio adeò intensâ, vt non minus, quàm hæmorrhoidum labor, vrinæ quoque molestum esset stillicidium, & cui prius remedium adhibendum foret, in deliberationem caderet. Huic autem mox olei violacei vncia in anum iniecta benè fecit, dolore primùm hæmorrhoidum, deinde & vesicæ leuato. Eodem verò postea aliquòtiens imposito, omnis dolor citò conquieuit.

De Aneurismate.

CAPVT LI.

MULTAS corporis partes Aneurisma occupare potest, cùm internas, tum externas. Originem habet duplicem: vel enim ex arteria dilatata: aut vulnerata. Aëtius frequenter in gutture fieri refert: sed nobis infra guttur, super os pectoris, pluries

ena-

enatum apparuit. Tumor hoc loco initio parvus, tempore crescit ac maior fit, mollis, & ad digitorum impressionem cedens: in quo pulsus, qualis arteriis, percipitur. Temerarius chirurgus huiuscemodi in pectore tumorem scalpello aperire ausus fuit: hoc aperto, profluente copioso, vnà cum spiritu vitali, sanguine, æger citò defecit. Aliis duobus eiusdem loci Aneurisma introrsum erupit, quos deficientes ac morientes sanguinem minxisse ex relatu cognouimus. Quomodo autem subito sanguinis in pectoris spatium effusus ad vesicam descendere potuerit, non caret magna admiratione.

Tonsori circa spinam in dorso enatum Aneurisma introrsum quoque ruptum est, verùm huic exiguum sanguinis ad os peruenit, cùm in terram decidens expiraret. In huius thoracis sinistram partem plurimus sanguis effusus fuerat.

In ostio ventriculi tumorem pulsanter quoque deprehendimus, quem cum imperitus quidam circumforaneus curandum suscepisset, multis vomitoriis ac helleborismis tantum effecit, vt citò totus ventriculus in tumorem pulsanter conuerteretur. Intra huius vetriculi tunicas copiosissimus san-

sanguis collectus erat: & exterior quidem tunica admodum tenuis, interior verò supra modum crassa, plerisque locis rimosa, veluti in partes concisa, apparuit, pure circa rimas consistente.

In mesenterio natum Aneurisma tactu & admota ventri manu cognosci potuit. quod erumpens, subitaneæ mortis causa extitit.

Cui imprudenter pro vena, secta arteria fuerat, in brachio Aneurisma superuenit: sponte quidem hoc apertum est, sed fortuna fauit. Nam cum copiosus admodum sanguis profluxisset, in vulneris ostiolum aliquid, siue carnis, siue pinguedinis casu incidens ipsum obstruxit, sanguinisque fluxum repressit. Sed quid postea illi acciderit, ad nos non peruenit. Hinc obseruari potest, minus periculosum Aneurisma esse, cui vulnerata arteria occasionem dedit, quàm quod à dilatata ortum habet.

*De pedis tumore, quem Arabes
Elephantiam appellant.*

CARV. II.

ADOLESCENS quidam circa xx. annos natus in sinistri pedis tumorem cum

cum dolore incidit: quo crassiore facto
fura extenuabatur. Medici ac chirurgi
de affectus genere parum conuenerant.
ita xviii. mēnsibus lecto affixus decu-
buerat, cū ad nos curationis causa addu-
ceretur. Remedia huic adhibita talia, qua-
lia Auicenna ac Rhasis Elephantiaē ab ipsis
dictaē adhiberi suadent. atque ita intra pau-
cos menses sanitate pedis restituta, quo-
cunque libuit, ambulare ac ire potuit.

S C H O L I O N.

AFFECTVM hunc Arabes eorumque secta-
tores Elephantiam nominant. Differens
verò à Græcorum Elephantias multum est. Nam
Græcorum Elephantias cutis fœditas ac vitium
est, nequaquam pedis tumor: Elephantia Ara-
bum, pedum est, cum nonnullo figuræ vitio, ni-
mia crassities. Causa non aliquis quatuor humo-
rum, sed ex optimo sanguine in idoneam ad cor-
pus nutriendum substantiam humoriam conuer-
sus, nondum tamen agglutinus: quo ad pedem
copiosius affluente crassior ac veluti tumidus red-
ditur, superioribus partibus magna ex parte exte-
nuatis; alimento nempe destitutis. Guido de Cau-
liaco Chirurgus sua ætate celebris, cū ad hunc
affectum non ex aliquo 4. humorum gigni anim-
aduertisset, additionem carnis esse existimauit;
Elephantia, inquit, est additio carnis in pedibus
ultra mensuram: addit verò, & in tibiis; quod
quidem contingere posse quis negauerit, copioso

H

admo-

admodum affluente alimento? Sed nobis partes superiores extenuari obseruatum. Atque hic quidem affectus, si ea ætate superueniat, quando auctricis facultatis potentia desinit, curationem recipere potest, si idonea adhibeatur: ad minus, vt non augeatur crassities & tumor intendatur, arte effici potest: veluti in adolescente, de quo scripsimus. In iuuenili corpore vigente adhuc facultate auctrice, si copiosior huiusmodi alimentarius humor ad pedes deferatur, non crassiores aut tumidos reddit, sed subinde quantitatem iuxta omnem dimensionem, forma haudquaquam vitata, auget. Puella nondum nata annos xv. pedes maiores habuit, quàm procera vlla mulier, interrim optimè formatos, cruribus admodum extenuatis, adeò vt mole pedum grauata, molestum ei fuerit progredi. In prouecta ætate huiusmodi humor ad nutritionem destinatus copiosior quàm par est accedens, articulares & podagricos excitat dolores. Si verò & diutius influat, ordinem, ac situm ossium subinde perturbat, compagibus, ac vnitate partium dissolutis. Veluti anno sæ cuidam feminæ accidisse recordamur. Hæc aliquanto tempore dolore pedis laborauerat, cum verò humores probi assidue affluere non desinerent, nec in pedis alimentum conuerti possent, tandem cutis vnitate articulisq. dissolutis, ossium tarsi ordo ac positus ita perturbatus, vt forma figuraque pedis vix vlla reliqua fuerit. Effluxit autem humor non saniosus, non purulentus, non foetidus, sed glutini & albedo oui serè similis, len-

tus ac viscidus, ad pedis videlicet alimoniam destinatus. Crus verò huius supra pedem omnino extenuatùm relictum est, veluti, de quo scripsimus, adolescentis. Atque vel ex hoc exemplo satis constat, non vnum ex quatuor humoribus esse Elephantiaë huius causam, sed humorem probum ad alimentum partis destinatum.

De puero sphacelo correpto.

CAPVT LIIII.

PVER erat annos natus sex, cum articulos digitorum & manuum & pedum sphacelus occuparet: qui sensim serpens supra genua & vtrumque cubitum peruenit. vbi autem hæc mortuæ partes decidissent, summam siue extremam narium partem, & aurium alulas, ac lobos, siue fibras inuasit: morte paulò post subsequente. Sic tandem miser puer mutilatis ac amissis membris periit.

De cordis palpitatione, cui & difficilis respiratio & alia grauissima accesserunt symptomata.

CAPVT LIIII.

HONESTVS quidam vir initio à cordis palpitatione malè habuit, aduersus quam vsus est frequenter (in exigua tamen quantitate) confectione dicta Alkermes,

H 2 quæ

quæ cum lapide Cyaneo, vulgò Lazuli nuncupato, componitur. hanc ea de causa quocunque proficiscebatur secum deferbat. Accessit tandem huic malo respirandi difficultas, quæ iacenti ac dormienti maximè fuit molesta, sic vt quàm primum dormire incepisset, aut exiguo tempore somnum accepisset, citò superueniens respirandi difficultas eum mox excitauerit, & erecta cervice esse coegerit; cum qua adedò multi cõiuncti erant flatus, vt statim à somno, etiam cum strepitu quodam, per os erumperet. Vfus multis variorum medicorum consiliis nihil profecit, qui aduersus humorum ex capite destillationem remedia adhibuerat. Tandem à tragemate (vulgo dragea) quodam melius habuit. Quod ex rosâ rub. cinnamomo, glycyrrhiza, semine Coriandri, Anisi, Carui, & Ammios erat compositum: quo à sumpto cibo utebatur. Tacere & somnum capere tunc potuit, sed non diuturnum fuit iuuamentum. Paulo siquidem post respirandi difficultas cum orthopnoea eodem quo antea sese habuerunt modo. Successit mox & circa ventriculi regionem durities: sub vitæ finem etiâ nigricans imitiosputum, deinde cruentum

tum, postea veluti semiconcretus sanguis. qualis etiam tribus à morte horis ex ore, quasi bulliando, effluxit.

SCHOLIION.

INTER causas palpitationis cordis referuntur & flatuosi spiritus, à crudis crassisque humoribus geniti; & ex hac causa exortas palpitationes dyspnœa & orthopnœa frequenter comitantur. Idcirco & omnis circa respirationem in hoc viro offensa, ad crudorum humorum copiam referenda videtur, à quibus flatuosi spiritus processerunt, per os cum strepitu erumpentes. Sed sputum illud cruentum, deinde sanguis semiconcretus post mortem ex ore ebulliens, aliam videtur habuisse causam, ipsorum videlicet internorum viscerum erosionem ac corruptionem: & quidem ab importuno ac nimis frequenti (vt videtur) vsu confectionis Alkermes. Hæc etenim si in iusta quantitate detur, melancholicos humores expurgat: infra autem exhibita, cum nullam expurgationem moliri queat, interiora viscera, si frequentius sumatur, vrit, exulcerat, & putrefacit. Sunt etenim & tales ipsius Cyanei lapidis (qui confectionis magna pars est) prauæ ac nocentes facultates: præsertim si non lotus vel malè lotus fuerit. Et vtrumque etiam sæpius ac diligenter lauetur, omnem tamen suam prauitatem deponere non potest. Sicuti enim vis eius expurgatrix lotionem non perit, sic nec prauam ac exulcerantem eius facultatem lotionem deleri

posse existimandum. Scriptum verò & de hac
cōfectione Stirpium Historiæ nostræ Pempt. sex-
tæ, libri quarti, cap. quarto.

P A R E R G O N.

*De iis quæ in nonnullis morbis febrilibus
sub pedibus à recentioribus ligantur.*

NOVA sunt auxilia, de quibus scribimus,
& non modò veteribus, sed ne multis
quidem recentiorum medicorum satis vel
cognita vel probata: præsertim his qui à ve-
terum aut à præceptorum suorum traditio-
nibus ita toti pendent, vt vtile aut expediēs
aliquod à posteritate, præter ea, quæ vel
legerunt, vel audiuerunt, amplius nihil in-
ueniri aut excogitari posse, temerè existi-
ment. Sunt autem de quibus paucis agere
instituiimus, illa, quæ pedū plantis in mag-
nis & ardentibus febribus subduntur. Du-
plicia autem hæc ferè sunt. Quædam enim
ad caloris contemperantiam adhibentur:
alia verò ad vapores vel etiam humores ca-
put ac cerebrum petentes deorsum reuel-
lendos. Priora ex arta vel ex vulgaris vsus
bolo, aut etiam ex luto potissimum vetere
& cratitiis parietibus adempto, cum aceto
& oui albo temperatis & mixtis constant;
additis quandoq; Lactucæ vel solani foliis,
aut etiam illorum succis. Et talia quidem
calo-

calorem pedum contemperant, & solamen quoddam ægrotantibus in acutissimis febribus adferre videntur. Sed tamen non satis tutus horum est vsus, refrigerando etenim calorem ad cor & interiora viscera repellunt, quod haud videtur expediens. Nam hinc deliria & grauissimi capitis dolores, vel alia etiam grauia ac difficilia symptomata quandoque sequuntur. Alia autem non reperiunt, nec pedum calorem remittunt, sed magis intendunt, atque hoc modo ab internis visceribus & etiam ab ipso corde, vaporosos spiritus ac etiam calidiores humores, ac eos qui sursum feruntur, reuellunt. Ad horum genus pertinent brassicæ rubentis cruda folia, quæ nitrosa & abstergēte succi sui facultate, attrahendi vim habent, præsertim si oleo aliquo illita ac deinde sale conspersa fuerint: sic & sapo cum sale permixtus brassicæ folio impositus, aut telæ lineæ vel alteri alicui illitus: Raphanidis item cum sale trita radix, sed odor huius mox valdè grauis ac molestus: Chelidonium maius cum sale solo vel etiam cum sapone permixtum. Potentior autem omnibus his est columba, viuens in duas partes per dorsum dissecta & mox cū

sanguine sub pedum plantis diligenter ligata. Quæ non modò vaporosos spiritus ad caput ferri prohibet, sed & eo perlatos reuocat, atque sic grauissimos capitis dolores sopit, & deliria sedat. Quod frequentius experimētis compertum. Eodem etiam modò exanthemata erumpentia ad inferiores partes pertrahit: sic vt circa faciem ac caput pauciora, circa verò ipsos pedes plura protueniant. Liganda autem sub pedibus est columba, in iplis febrium præcipuè exacerbationibus, vel paulò ante; pedibus interim calentibus: atque illic horis ad minus duodecim sinenda: deinde adimenda, & in ahenum aquæ frigidæ mox abiicienda; ne odore sit molesta. Et præfertur ad huiusce modi diuersionem columba reliquis vel volucris, vel etiam animantibus: & quidē propter singularem ac eximiam quandam proprietatem humanæ naturæ gratam ac amicam, qua pollere videtur.

Non desunt verò & qui Tincas pisces sub pedibus in supra dictis affectibus ligent, nec etiam absque fructu, sed cum minore laborantium solamine, & cum grauiore ac molestiore foetore, quàm à columba. Meminiť vsus harum Paulus Ionius in libello
suo

suo de Romanis piscibus, ubi licet huiusce-
 modi remedia, nonnullis visa fuerint ridi-
 cula, acutè tamen febricitantibus profuisse
 confitetur. Tincas, ait, scissas per dorsi lon-
 gitudinem, pedumque & manuum plantis
 applicatas, ardentis febris feruoribus, plu-
 rimum aduersari quidam putarunt ex secta
 Iudæorum, qui quamquam sordidi admo-
 dum, & ridentibus aliis talia experirentur,
 aliquando tamen ipsis æstuantibus exoptata
 blandimenta feliciter attulisse cõperti sunt.
 Non temerè anuum huiuscemodi remedia
 contemnenda sunt, veluti ab anu aliqua,
 aut agyrta, vel vespillone quopiam reperta.
 Nam subinde & ab istis hominibus quæ-
 dam inueniuntur, quæ deinde à medicis in
 artis operibus versantibus probantur: prop-
 ter vtilitatem quam ex eorum vñu consequi
 experiuntur. Neque enim refert quis qua-
 lisue sit remedij inuentor, sed quale illud sit,
 quod inuentũ, cum iudicio & ratione est ex-
 pendendum. Quod si tunc experientiæ ra-
 tio accedat, non est cur reiici aut reprobari
 debeat, etiã à vilissimo repertũ. Non enim
 ab inuentoris conditione aut laudandũ aut
 reprobandũ est remedium, sed ex facultati-
 bus ac viribus de eo iudicium faciendum.

ANTONII BENIVENII
FLORENTINI MEDICI AC
PHILOSOPHI MEDICINALIVM
OBSERVATIONVM
EXEMPLA;

Siue de abditis nonnullis ac mirandis morbo-
rum & sanationum causis, liber:

CVM ANNOTATIONIBVS
REMBERTI DODONÆI
MED. CÆS.

De morbo quem vulgò Gallicum vocant.

CAPVT I.

NOVVM morbi genus, anno
Salutis nonagesimo sexto su-
pra mille quadringentos à
Christiana salute, non solùm
Italiam, sed ferè totam Euro-
pam irrepfit. Hoc ab Hispania incipiens,
per Italiam ipsam primùm, tùm Galliam,
ceterasque Europæ provincias latè diffu-
sum, mortales quamplurimos occupavit.
Incipiebant enim pustulæ genere diuersæ
in genitalibus membris, licet interdum,
sed rarènter, in capite: & inde per totum
corpus diffundebantur. Aliis quidem pla-

næ minimeque extantes, sed scabræ ta-
 men in superficie, & colore subalbidæ: à
 quibus squamæ resoluebantur, & caro sub
 his corrosa apparebat. Aliis varis similes,
 figura rotundæ: & ab his item squamis le-
 uioribus resolutis prominebat caro rubi-
 cundior, ex qua virulētia fœtens & grauio-
 ris odoris profluebat. Nonnulli verò latio-
 ribus corripiebantur pustulis, sed quæ supra
 cutem non intumescerent, crassiores squa-
 mas habentes: ex quibus etiam virulentia
 copiosior emanabat, & a motis squamis ca-
 ro apparebat obscurior ac subliuens, quæ
 inulcerata roderetur. Quartum genus
 erat, quod subalbidis squamis a motis cic-
 trici simili remaneret, à quo profluens in-
 terdum sanguis, difficultatem sanationis
 ostenderet, & similitudine siccam scabiem
 repræsentaret, cæteris omnino deterius: &
 licet minus eroderet, serpendo tamen va-
 riis & intentatis incidebat locis. Hoc au-
 tem morbi genus plebè plurimùm seruos-
 que afficiebat, ex nobilioribus verò paucos.
 Subsequebatur huiusmodi pustulas, licet
 etiam interdum præcederent, articulorum
 dolores, qui non minore cruciatu torque-
 rent, ac senescentibus iam pustulis pluri-
 mum

num inualefcerent. Quod si medicamentis compingentibus intrinsecum quis conaretur extrudere humorem, continuò exorta pustulæ in gula & ore ægros malè habebant. Ex quo etiam nonnulli ob incuriam medentis mortem obibant: aut, quod proximum est, erosis faucibus difficilimè sanabantur. Has autem nos Impetiginis esse genera, quas Græci *λειχηνιάς* vocant, iudicauimus. Quem etiam morbum Plinius, quòd ex accepto osculo mentum venaretur, Mentagram appellauit. Huius verò & Celsus quatuor species esse dixit, rubricam, scilicet, & nigram: tùm & quæ serpendo procedit, & quæ item bullulas varis similes habet. Materiam autem harum pustularum diuersam quidem, sicuti & diuersa sunt genera, iudicamus. Interdù enim acuta humiditas sanguini mixta & erodens dominatur. interdum crassior, tenuiore parte absumpta, & ad atram bilem versa. Nonnunquam etiam atra ipsa insurgit bilis, quæ ab acutiore humiditate non absoluitur, & cutem perforans carnem erodit. Pari quoque modo exusti humores ad naturam atræ bilis inclinantes efficiunt: qui si densioribus occurrant mēbris, quæ perforare nequeant,

figu-

figuntur ibidem, & dolores excitant vehementiores, donec resoluantur, aut tandem erumpant in pustulas: quæ etsi alioquin fœdæ, & ad sanescendum difficiles, sine ullo tamen dolore, ut atræ bilis natura est, infectos premunt. Ex quo fit, ut qui eiusmodi afficiuntur pustulis, imperitis sese medicis nonnunquam curandos tradant. Quibus ægritudinis huius causas penitus ignorantibus, dum inter mali initia compingentibus vñctionibus illis mederi festinant, sæpe eos aut in mortem, aut saltem in deteriorem vel etiam penitus in insanabilem compellant morbum. Nam cum huic malo causæ insint difficiliores, & quæ vix remoueri queant; ut non sine magno labore, ita nec sine diuturnioris temporis spatio sanescere potest. Quare qui ex his festinam sanitatem quærunt, mortē plurimum, ut iam dictum est, aut saltem diuturniorē morbum nanciscuntur. Si quis igitur huiuscemodi malo vexatus, sibi ipsi citra omne discrimen consulere, ac certam salutem acquirere cupit, his utatur medicamentis atq. consiliis, quæ à nobis infra ponentur. Afferunt peritissimi medici, si huiuscemodi morbus toto diffundatur corpore, iisdem medicamentis cura-

curationem suscipere, quibus & Lepra curatur. Quare cum iudicaueris sanguinem his misceri humoribus, deduci que eos cum sanguine posse, optimum præsidium erit, sanguinem ilicò de vena media, quam Nigram Medici vocant, mittere. Contrà verò si ineptos, & qui cum sanguine minimè fluere possint existimaueris, æquare eos ac deducere medicamento debes. Non inutile tamen fuerit hirudinem, quam sanguisugam vocant, aut cucurbitulas ea parte affigere, qua æger magis vrgetur. Præsidij indigentiam indicant, habitus corporis, rubor in loco, tumor venarum, & si pustulæ sanguinolentæ sunt. Postea verò ad ea medicamenta confugiendum, quæ materiæ partem deponant: quod certè felicius fiet, si aluum duxeris eo medicamento, quod habet myrobalanorum omnium partes duas, radice barbari partem vnā: agarici, polypodij, singulorum partem mediam: succi fumi terræ, senæ, & vix passæ, singulorum partem quartam. Quæ tunicula attrita bulliant in aquæ libris sex, donec quarta defecerit pars. Tum decolata comprimantur, & additis mellis libra, scammonæ vnciola, & siliquæ Ægyptiacæ vncius

vnciis duabus, paruo igne in vnā redigantur compositionem. De qua deuoret æger vnciolā mediam. Demum aggredi debemus potiones materiam æquantes, vt ex fumo terræ, endiuia, aceto, saccharo, limonum citriq̃ue acido succo. Aut eam, quæ habet myrobalanos omnes, fumum terræ, endiuia, buglossam, melissam, borraginem, violas, absinthium, thamerindum, epithymum, & rosam. Quibus additis succo fumi terræ atque saccharo, bulliant, & ad potionis formam redigantur. Materia tandem æquata deducatur alius medicamento potentiore, quod deponat humorem quem excernere volueris: sicuti fena, polypodio, albo veratro, lapide stellato, scammono, compositione filij Amech, Inda, & aliis multis quæ doctores extollunt: dummodo non obliuiscaris nutrire ea in lactis aqua: quæ siue in potione, siue buccella accipies, optimum & excellens auxilium inuenies. Verum quia humor non vna tantum vacuatione fecernitur, iteranda hæc sæpius erunt. Vltimo loco ea sunt aggredienda præsidia, quæ extrinsecus adiuncta etiam cōferre possint: vt in crassiore & glutinosa materia, quæ incidant: in tenuio-

nuiore, quæ resoluât: in media, quæ vtramque operationem concilient. Mollire interdû & dolores remittere opportunis præsidis conuenit. Hoc autem malum tollit acida pars citri, gummi arabicum, gummi nucis plurimæ, storax liquens, & sinapis, si aceto liniantur. Saliua quoque hominis ieiuni, præsertim quæ dentibus inhærescit, præsentaneum remedium est. Aqua sulphurea, aqua salita, & maris spuma, succus psyllij, oleum ex frumento & ex violis, storax, & pix, armoniacus, helleborum, gummi rutæ, litargyrium, tutia, resina pini, argenti spuma, & cerussa. Serapion autem nitri partes duodecim, sulphuris partes xiiii. excipiebat resina copiosa, eaque utebatur. Alij minio sinopico ceram & oleum ex rosa addunt, & eo inungût. Nonnulli verò resinam terebinthinam, argentum viuum, masticem, litargyrium, cerussam, thymiamaque excipiunt myrtino oleo atque larido: & eo inungentes sudare ægros cogunt. Nec postremò defunt, qui fateantur se ex solo potu medicamêti, quod habet laccam lotam, aloën, ac myrti coctionem, ex eiusmodi ægritudine sanos euasisse.

ANNOTATIO DODONÆI

L VEM Veneream hunc morbum nunc rectius recentiores appellant, citra alicuius gentis invidiam. Tametsi autem ab eo bello quod Carolus Gallorū Rex cum Alfonso Rege ad Neapolim gessit anno 1493. & 1494. plurimum saevierit, & tunc primum natus videatur: nonnulla tamen, quę huius symptomata habentur, multo ante medicis cognita extitere. Nam & ab immundis ac sordidis mulieribus iam olim nonnullos vitia quędam contraxisse testatur Guilielmus Salicetus, Bernardus Gordonius, & Valescus Tharantanus. quorum hic vixit anno 1418. Salicetus verò claruit circa annū 1270. Bernardus Gordonius medio tempore: omnes autem ante morbi Gallici aut Luis Venereę nomen orbi cognitum. Pustularum, vlcerum, similitumque vitiorum circa penem ac præputium ex congressu cum sordidis meretricibus aut immundis mulieribus, facit mentionem Caliceto Chirurgię suę cap. 48. Gordonius Particulę septimę cap. 3. Galescus libro sexto cap. 6.

Vermis vomitu proiectus.

CAPVT III.

I OANNES quidam faber lignarius, annum agens quadagesimū, cum à cordis dolore ferè perpetuò duobus iam annis graviter vrgeretur, ac propterea quòd eo sapius

in

in mortis discrimen adductus fuerat, peritissimos quoq. nostri seculi Medicos, sed frustra, consuluisse: tandem ad nos venit oratum, ut si quo modo possem, tanto malo succurrerem. Mouit me, fateor, cum res ipsa, quæ satis per se miranda videbatur: tum vel maxime viri lachrymæ, ac nimium miserabilis obsecratio. Cœpi itaque mecum cogitare, an id fortè ex malo habitu ventriculi, seu cordis, siue ille calidus frigidusue esset, an siccus, simplex aut mixtus. Sed horum nullus certis indiciis ostendebatur. Cordis enim natura nobilis præstasq. tanto tempore huiusmodi iniuriam non tolerasset. cum nullum ægritudinis genus imprimi in corde possit, quin hominē ad festinam mortem deducat. Opinanti igitur mihi malignam aliquam & noxiam materiam in ventriculo detineri: quæ, quòd vicinus sit locus cordi, ad eius ceruicem ascendens hominem affligeret, visum est eam quoquo modo propellere. Quare medicamento vomitionem fieri iubeo. Eo etsi corrupta ac putrens materia expellitur, non tamen dolor remittitur. Consulo igitur ut iterum vomitum experiatur: quem nihiloscuius vna intermissa diecula validior

rem

rem exhibeo. Expulsaque eo est crassior pituita, & cum ea vermis longitudinis digitorum quatuor satis plenior, capite rubro, læui, rotundoque, quod pisi magnitudinem non excederet: cætero corpore lanugine quadam contexto, cauda furcata ad similitudinem nouæ Lunæ: pedibus nixus quatuor, duobus in dexteriores, totidem in sinisteriores partem coaptatis. Admiratus vermis formam, medicis eruditioribus ostendo. Nullum inuenio qui monstrum simile se vidisse vnquam fateretur. Aderat tamen senior quidam, sed medicæ artis imperitus; qui testatus est similem se vidisse vermem vomitu quoque propulsum ab Alexandro quodam cœnobita: qui statim, vt ille aiebat, proiecto eo, mortuus est. Vocitabat autem hoc monstrum cordis vermem. At contrà æger ille noster vt primum vermen ipsum euomuit, ad pristinam reuersus est sanitatem.

ANNOTATIO.

VERMES vomitione reijci haud insolens est, nobisque nō rarè visum. Testatur & idē Amatus Lusitanus, Curatione quinta, sexta, ac decima, Cēturiæ primæ. Generari autē posse in vetriculo, vt amatus existimat, difficile fuerit affirmare: verisimilius est ex intestinis ad vetriculū peruenire.

Lapides in tunica hepatis reperi.

CAPVT III.

MVLIER quidam nobilis, dolore ex-
orto circa iecinoris partes, cum diu
multumque angeretur, ac propterea quam-
plurimos medicos consuluisset, effugere ta-
men id malū nullo præsidio poterat. Quare
opem nostrā vnā cum aliis experiri placuit.
Conuenimus igitur plures medici, & qua-
nam essent huius morbi abditæ causæ hinc
inde plurimo sermone discussimus. Verū,
vt cōtingere in rebus dubiis plerumque so-
let, sententia non conuenimus. Cū pars
iecinoris abscessum, pars malum habitum
indicasset: nos verò vitium in membrana
contegente inesse credebamus. At illa cū
inualecente morbo paucis post diebus, vt
nos etiam ex certis indicis pari cōsensu præ-
dixeramus, e vita migrasset, mortuæ corpus
incidendum curauimus. Et inuenta sunt in
iecinoris membranulæ parte decliuiore
congesti lapilli, figura & colore diuersi. Alij
enim rotundi, alij angulares, quadrati alij,
prout positura & casus effecerat, maculis
etiam rubeis, cæruleis, albisque distincti.
Hi sua grauitate ex tunica sacculum longi-
tu-

tudine palni, latitudine verò duorum digitorum effecerant. Hanc autem nos mortis causam arbitrati, disputare de obscuris vanum & inutile iudicauimus.

ANNOTATIO.

IN vesicâ fellis subinde lapides reperiri contingit, vt infrâ cap. XCIII. dictum: verum laxiorem reddi membranâ iocinoris, atque in ea calculos dependere ex rarissimis est. Iecur autem, vel vnâ aliquam eius partem indurari frequentius accidit. Memini ego nonnullorum, qui ab Ictero in Asciten delapsi erant, iocinora vidisse, aded dura & lapillis vndeque plena, vt nouacula perfcindi nō potuerint. Simile narrat & Andreas Vesalius in Epistola de China ad Ioachimū Rœlants de quodam Belloarmato Senensi, cuius iecur prorsus cādicans superficie constabat non læui, sed admodum inæquali, & læuibz tuberculis exasperata: anterior verò eius pars, & vniuersa sinistra admodum lapidis indurata.

Fluxus sanguinis ex poro.

CAPVT III.

NOVI hominem robustum admodum, qui XXXVI. agens annum, sæpe mecum conquestus est de certo sanguinis fluxu, quo singulo quoq. mense grauitè affligeretur. interroganti mihi qua parte corporis flueret, id se nescire respondit. Admiratus ho-

minis verbum: detege, inquam, locum unde fluat. Deposito pallio ilia dextra ostētat, ubi subiacet iecoris pars ima. Diligentē locum oculis lustrō, si foramen aut cicatrix in parte sit: omnia æquabiliter posita, lenem & mollem carnem, nullam asperitudinem cicatricis notam inspicio. Ab homine decipi suspicor. Quod ille aduertens, paucis, inquit, diebus hūc tibi scrupulum demam. Instat enim tempus quo sanguis fluere confuevit. Reuersus perendie vno superposito digito locum fluxus contegebat: quo amoto, non secus emanauit sanguis, ac si ex incisa vena proflueret. Nec prius fluor ille cessabat, quā sanguinis libra emitteretur. Quo euacuato, nullus discernere poterat, unde euacuatio facta esset. Existimabam venulam foraminibus cutis sua ceruice inharefcere, indeque statō tempore sanguinem euacuari. Curaui itaque hominem sola sanguinis missione ex vena iecoris singulo quoque mēse. Curiosoque victu iniuncto, protracta cura est ad sextum vsque mēsem, & tandem conualuit.

A N N O T A T I O.

SIMILE exemplum & inter Rara Iacobi Holserij habetur: Nouimus, inquit, quendam, cui è reli-

è regione hepatis vena per intervalla dehifcebat, quæ sanguinem funderet. Restitante sanguine vestigium non apparebat.

*De vena umbilici, & ex vulva
prolapsa intestina.*

CAPVT V.

MVLIEREM vidimus sexagenariam, cuius intestina ex vena umbilici subito prolapsa sunt, nullo præsidio conferente, tertia die vitam finisse. Vidimus & aliam, de cuius vulua pariter disrupta intestina omnia profluxerant, paucis item diebus occubuisse. Insuper & tertiam nouimus, cuius intestina, perfracta eorum tunica, à summa umbilici cute tanquam in sacculo depēdebant in vuluam. Hæc autem miseram quidem, sed tamen longiorem vitam ducens, vnà cum hoc malo consenuit.

ANNOTATIO.

PROLAPSIS extra locum suum intestinis, subinde grauissima ac molestissima subsequuntur symptomata, nec rarò ipsa mors. Hoc casu procurandum & laborandum est, vt quàm citissimè intestina à fecibus liberentur: alioqui in locum suū non aut difficillimè reducenda. Optima ac tutissima sunt enemata, & quidem non vehementissima, sed benigna ac mitia. Ita sæpenumerò fecibus eductis, & ab excrementis intestinis liberatis, facilius

lius in suum locum reponi possunt. Per os medicamenta purgantia assumere non adeò tutum: excrementa etenim deorsum propellunt, & in intestina, quæ excidère, impellunt. Si quid per alium descendit, id sanè tenue ac liquidum, quod inter duras feces sibi alicubi viam inuenit, duriora crassioraque herent. Intestinis autem amplius repletis, tum or maior fit, dolores augentur, & reponendorum horum minor spes affulget: accedunt graues molestie, & non modò bilis aut pituita, sed & non raro secum & alui excrementorum vomitus. Cum enim nec descendere queant, nec ab intestinis retineri, ad ventriculum regurgitant, & vomitione reiciuntur. O dura sic morientium conditio. Exempla, vel eorû qui enematum vsu melius habuerunt: vel his neglectis contemptisque, aut ab epotis purgantibus medicamentis miserè perierunt, posset adferri plurima: sed quia iis, qui in quotidiano artis vsu versantur, hæc haud sunt incognita, omninò duximus prætermittenda.

Vmbilicus prominens.

CAPVT VI.

COMMUNE omnibus, vmbilicum ad decorè prominere; monstrosum, si promineat vltra quàm decès sit. Ioannes Binus filium habuit octimestrem, cuius vmbilicus digitis quatuor excreuerat ad penis similitudinem. Coles enim testiculorum tunica iunctus videbatur: à quo etiam spiritus

erum-

erūpebat interdum. Hunc cū plures medici inuississent, & ex his alii intestinū eō erūpisse iudicaret, alij omentum, alij humore, nōs carnem in loco increuisse dicebamus. Cui sententiæ cum pater inhæsisset, puerū curare cœpi. Sed quod auctoritate eorū movebar, qui propter spiritum, quē inde crumpere interdum diximus, intestinum illud esse dicebant, resecandane mihi esset caro illa, & id ipsum ferrōne an igne potius faciendum, plurimum addubitabā. Verūm certa tandem ratione subnixus, vincere carnem decerno: singulisque diebus arctius deligans, non prius desisto, quā ea ipsa præmortua penitus exciderit, ac puer subinde integram vāletudinem recuperauerit.

ANNOTATIO DODONÆI

ADVERSUS prominentem in pueris umbilicum bene facit emplastrum diapophorogon, quod resiccandi ac refrigerandi potentia ipsum reprimat, ac tandem subidere faciat.

Ex ano euacuata vrina.

CAPVT VII. DE VRI.

QUIS miretur si audierit quod & nos vidimus, puerum, scilicet, duodecimum agentem annum, cum vrinam septimo iam die non redderet, propterea quod

I s

con-

concretum quid ex pituita & sanguine, vrinæ ipsius canaliculos obstruxerat, eam tandem ex ano euacuasse. Præsertim si nouerit & vesicam ipsam ceruicemq. eius minimè foraminulentam aut fungosam existere, & intestinum quod penetrari debuit, solidè ac concretæ esse naturæ, vt decet tunicas omnes quæ nervosæ sunt. Oportuit enim aut incisam vesicam intestinumque, quod citra mortem fieri nequit; aut naturam, cui impossibile nihil est, huiuscemodi aperuisse vias; vt inde vrinam redderet, puerumq. seruaret. Nouimus enim miranda eius opera: nam & purulentum quid etiam ossi subsidens extrinsecus trudit, & hominem certis indiciis moriturum sæpius liberat. Vnde & militem vidimus, cui illatum vulnus in coxam, vesicæ ceruicem inciderit: ac subinde incuria medici adeò conglutinatum obcalluit, vt penitus iter vrinæ obstruxerit: sed ea nihilofecius carne paulatim erosa, coxa altera extrinsecus erupit. Indeque quoad vir ille vixit, ritè profluës, reddita est. Sed Pauli Bonini filium nouimus, qui glande colis clausa natus, paulò infra eam itinere patefacto vrinam reddebat.

Mu-

Mulier à spiritu malo oppressa.

CAPVT VIII.

ACCIDIT his temporibus nouum & admirandum morbi genus: quod etsi viderim curauerimque, scribere tamen vix ausim. Mulier XVI. agens annum ab ima ventris parte dolore exorto, conuellere manibus nitebatur. Cumq; in horrendum clamorē erūperet, intumescibat ilicò totus venter, adeò vt vterum gestare crederes octimensem: & voce exhausta vbi toto cubili hinc inde reiectans sese, & plantas pedū interdum ceruici connectens resiliebat in pedes, iterum procidens ac resiliens: isthuc ipsum identidem factitabat, quoad paulatim ad se reuerfa quoquo modo recrearetur. Interrogata quid egisset, penitus ignorabat. Nos verò eiusmodi morbi causas disquirentes, arbitrati sumus hoc malum ex vuluæ ascensu & vaporibus malis sursum elatis, & subinde cor ac cerebrum impetētibus provenire. Quare idoneis medicamentis adhibitis, cum nihil omnino profecissent, non parum mirati sumus. A recta tamen via minimè desistendum putauimus, donec ferocior facta ac toruis oculis circumspiciens, tandem

dem prorupit in vomitum, quo longiores & recuruos clauos, aeneasque acus vnâ cum cera & capillis in globum mixtis euomuit: & nouissimè ientaculi frustum tantæ magnitudinis, vt deuorare integrum nullus potuisset. Cumque id ipsum sæpius etiam vidente me factitasset, teneri eam arbitratus sum spiritu malo, qui dum hæc ageret, spectantium oculos perstringeret. Quare spiritualibus medicis commēdata, manifestioribus dein signis & argumentis re comprobauit. Nam & hos sæpe eam vaticinantem audiuius, & ea præterea agētem vidimus, quæ omnem vim morbi supergressa humanum etiam captum excederent.

Sanatum genu miraculo euidenti.

CAPITULUM IX.

ROBERTVS Saluiatus Bernardi filius, & Diui Dominici fratrum consortio iunctus, dum in monasterio Sancti Marci Florentinæ ciuitatis vitam degeret, geniculi dexterioris abscessu grauiter affligebatur. Quare me familiari medico accersito, malum ostendit. Intumuerat enim genu, tantumque eleuabatur, vt humani capitis magnitudinem æquaret. Notæ pitui-

tosum

tosum & vapore plenum ostendebant. Hic chirurgica manu curatus, bis iam sanitatem fuerat consequutus. Reuertebatur tamen id malum priore peius. Quare iudicauimus huiusmodi ægritudinem, ybi iam inuer- rasset, nullo modo citra vltionem finiri posse. Territus ille iudicio nostro, ac propterea medicæ artis spe deposita, ad diuinum con- fugit auxilium. Erat eo tempore in eodem monasterio vir simplex & bonus, fide & charitate pollens, Dominicus Piscia oppi- do ortus, & eiusdē religionis professor: per quem Deus plurima iam signa fecerat. Hūc igitur Robertus ipse conueniens, miserabi- libus primum lachrymis & precibus orat, vt sese suis apud Deum orationibus liberet. quod cū ille pro sola humilitate abnue- ret, instat iterum Robertus: nec prius à la- chrymis & importunitate desistit, quā Dei hominem flectit atque exorat. Cele- bratis itaque ex more ac peractis missarum solennibus, cum ad Robertum ipsum, qui solus celebranti illi ministrauerat, conuer- sus fuisset, geniculum detegit: & signo Cru- cis super manum impresso: fiat, inquit, tibi secundum fidem tuā. Quibus verbis omnis prorsus intra pauculos dies delituit ægritu- do.

do. Quod & nos non solum vidimus, sed & propriis (vt aiunt) manibus attrectantes, geniculum ipsum detumefactum ac penitus sanescens inuenimus. Et ne quis non omnino virtute diuina factum putet, hic iam septimus est annus, ex quo ille sanitatem adeptus, eam seruauit & seruat ope & auxilio illius, qui solus omnia potens, viuunt & regnat in secula.

ANNOTATIO.

ALEXANDER Benedictus Historiae humani corporis libro primo, cap. XIII. ex vulnerato genu cornu enatum refert, quod & admiratione haud caret.

Miraculo liberatus.

CAPVT X.

IUVENIS quidam Florentinus, nomine Gaspar, dum circa praecordia sagitta vulneratus spiculum educere nititur, relicto mucrone arundinem tantum euellit. Quem cum chirurgici, omni licet ingenio, omni-que praesidio nixi, auellere minime potuerint (in intima enim costa adeo insederat, vt reuelli nullo auxilio posset, nisi costa ipsa perfracta, & vulnere ampliore facto) mortem potius quamlibet miserabilem, quam tale

tale genus curationis subire malebat. Quare
 tandem in desperationem versus, laqueo
 suspendere se, aut profluenti Arno, vel alto
 puteo præcipitem dare cogitabat: quod &
 fecisset, nisi assistentes amici illum diligen-
 tissimè custodissent. Inter quos erat vir qui-
 dam Marioctus nomine, fide & probitate
 pollens: hic hominem iugiter deprecaba-
 tur, ut desperatione reiecta, in manus potius
 Dei, à quo est omnis salus, tam grande ma-
 lum tradere conaretur. Huius tandem præ-
 cibus flexus Gaspar, totus ad Deum cōver-
 titur, non die, non nocte ab oratione ces-
 sans: donec in vaticinium prorumpens, nō-
 nullos interim, qui ad eum visendi gratia
 accederent, dum adhuc procul essent, pau-
 lō post adfuturos prædiceret. Quin etiam &
 ignotum quemlibet proprio quoque nomi-
 ne citans, admonebat astantes omnes uti
 Deum timerent, & de salute sua considerēt.
 Se enim non modò de ea, deque die & ho-
 ra qua illam consequi deberet, certiorē fa-
 ctum esse, sed multa præter ea eodem lu-
 mine prævidisse aiebat: ut profectiōē suam
 Romam, & mortem, exilium Petri Medicis
 & fugam, ciuitatis nostræ Florentinæ angus-
 tias & calamitates, Italiæ subuersiōem, &

alia

alia quamplurima, quæ breuitatis causa silentio præterimus: quæq. ferè omnia magna ex parte impleta iam videmus. Nam & qua prædixerat die atq. hora, mucro ipse ex vulnere sponte sua profiliit: quo eieceto etiã vaticinari destitit, & Romam tandem peregrè proficiscens mortuus est.

ANNOTATIO.

REFERT & Alexander Benedictus exemplum duo superiore non minus rara aut admirabilia. Vnum de rustico, qui in dorso vulnus cum telo acceperat, cuius ferrum, quod intus hæserat, biennio post per aluũ descendit, Hist. hum. corp. lib. III. cap. IX. alterum de Græco, qui teli partem sternutatione eiecit, quæ in vulnere à tempore accepto XXV. annis latuerat. eiusdem Hist. lib. III. cap. XXXI. II.

*Mulier vulua carens vixit
annis decem.*

CAPVT IX.

INGENIOSVS nostri seculi medicus Vgolinus Pisanus me licet iuniorem aduocandum censuit: vt vnà cum illo mulierem quandã curaremus, quæ vuluæ pernicioso vlcere vexabatur. Huius nos malitiã omni studio & diligetia tollere, sed frustra, conati sumus: nam corrupta interim vulua,
&

& frustulis cōminuta descendens, non prius fluere destitit, quàm tota putrescens decideret: ac sic mulierem ingenti malo liberauit, quæ licet vulua carens, sana tamē superuixit annos decem.

ANNOTATIO.

VVLVAM siue vterum, in quo fœtus concipitur ac gestatur, corrupti ac exulcerari quādoque contingit, ac deinde vicinas partes infici: vesicam quidem vt cap. xxxiiii. Exemplorum nostrorum narratum est: nonnunquam verò & rectū intestinum. Atque tunc quidem excrementa alui per pudendum tandem excerni contigit. Quemadmodum mulieri cuidam accidit, quæ posteaquā diutino tempore purulenta fœtidaque, manifestissima exulcerati vteri signa, per pudēda excreuisset, postremò & alui excrementa per eundem locum demisit. Ita autem corrumpi vterum, vt nulla vicina parte infecta aut lēsa, tota exciderit, non immeritò inter rarissima naturæ miracula refertur. Memini verò & mulieri cuidam vterum prolapsū, totum foras ad humani capitis magnitudinem pendisse, ac sic hanc aliquot annis miserè vixisse.

Aqua inter cutem.

CAPVT XII.

AQVA inter cutem cū vehementius vrgeretur puer: tantaque intus contracta esset, vt aluum nullā in partem moue-

K re

re posset, omni auxilio medicorum destitutus, temerariam sibi libertatem vendicauit. Quare aqua quantum poterat epota, in ultimum sese mortis discrimen male sanus præcipitauit. Verum siue id aquæ contractæ impulsu, siue ope naturæ factum sit, soluta est vmbilici vnitas: indeque tanto impetu aqua profluere cœpit, vt supra ventræ cubitos tres ascenderet. Quo sanæ vitam finisset, nisi circum assistentes opposita manu aquam fluere non permisissent. Hinc medico accersito, & aqua paulatim educta, ac curioso victu, & cæteris quæ ad rem facerent iniunctis, breui tempore in pristinam redactus est sanitatem.

Rusticus per annum nihil bibens, ab aqua intercutem liberatur.

CAPVT XIII.

RUSTICO, quem aqua intercutem male habebat, opem nostram expostulanti, sanari illum, cum iam morbus inueterasset, minimè posse respondi. Instanti tamen vt aliquod saltem consilium ei præberemus, subridens, inquam, amice si curari desideras, opus est vt non vltra bibas, quam vt vitæ sustineas. Discessit: & anno peracto iterum

rum interrogat an ipsum nouerim. Nego me hominem nosse. At ille, tua ope curatus, inquit, ad te reuertor, scire cupiens an adhuc mihi liceat aliquid bibere: cum hactenus per annum nihil biberim. Admiratus interrogo quare, & cuius consilio. Cui ille, inquit, tuo: & rem omnem ab initio narrat. Iussi igitur paulatim vino assuescere: sed mero potius quàm lymphato, & eo ipso austero ac tenuissimo. Discessit, & curiosa potione vsus, ad pristinumque reuersus statum, quam mecum familiaritatem primùm contraxit, eam adhuc in hanc vsque diem officiosissimè seruat & colit.

ANNO TATIO.

HYDROPS, hoc est, aquosi humoris collectionis, duæ sunt species: Hyposarca & Ascites; in Tympanite siquidem flatus colliguntur. In Hyposarca per naturalis caloris debilitatem & impotentiam pituitosior, hoc est, crudior ac frigidior sanguis gignitur, qui per venas in corpus distributus, ipsum tumidum reddit, & albido pituitæque emortuo colore pallens apparere efficit. In Ascite verò intra peritonæum præcipuè humor colligitur, venterque distenditur. Hyposarca rusticum laborasse verisimile est, & crudis frigidisq. humoribus, per potus abstinentiam à natura cōcoctis, & in sanguinem conuersis, tum & vitam eum sustinuisse,

tum & sanitatem recepisse. Puer autem potuit Ascite laborasse, non tamen ex refrigeratione, sed ex calida nimium, & sicca Iocinoris intemperie, qua tam grauius quandoque Iecur afficitur, vt probum sanguinem non cōficiat: velut in hydropē quē acutos morbos subsequitur, teste Galeno lib. vi. De Locis affectis capite primo. Aduersus huiusmodi Hydropē aquæ potio remedio esse potuit, iocinore videlicet refrigerato & humectato, si modò recens nata fuerit: Nam diurnæ Hydropses incurabiles habentur, diurnitate mali Iocinore aut liene corrupto ac vitiatō. Succedit autē non rarō acutis morbis Ascites, & frequenter etiam Ictero. Cōtingit autem non rarō in hoc Ascite, diffusis per vniuersum biliosis humoribus, calorem subinde tantum excitari, vt quacūq. corporis parte scalpata leuiterque cute vulnerata, mox calidus, niger, & quasi adustus sanguis effluat. Cæterum Hydropis per aquæ potionem curatæ extat & exemplum lib. 2. Epist. Iohannis Langij, Epist. xii. *Vxor, inquit, barbitonensis in Nouosoro, Palatinorum in Noricis oppido, plus sibi ipsi quā marito aut medicis morigera, cuius venter hydropē in immensum targebat: hæc aquā de fonte scaturiente magnopere sitiebat. Progressa itaq. marito inscio extra urbem ad fontem, in quo cum aquæ scaturigine simul arena ebulliebat, de qua quantum manu caua apprehendere potuerat, iter aut quater deuorauit. Domū leta reuersa, rem omnem nobis recensuit: & intra biduū, per fluxū vētris plurimū, puriuita excreuit: apertis quoq. sua spē in ano mariscis, vnde cōfertim sanguis niger effluebat, ab Hydrope conualuit.*

Siru-

*Struma ingentis magnitudinis
& ponderis.*

CAPVT XIII.

MVLIEREM Oliuam nomine, struma coxæ innata multos annos miserabiliter vexabat. Ad eam enim iam magnitudinem excreuerat, vt occupante ea coxam ipsam ac crus, ambulare nō posset. Quo factum vt iam quinquennio misera in lecto iaceret. Nec ex medicis vllus inueniebatur, qui aut ferro aut alio quouis medicamento tollere tam ingens malum auderet. Quare omni spe destituta, me cum iunior adhuc essem, ad se vocans, operam nostrā deposcit. Lachrymis vrget & precibus, vt quamlibet miserabile, aliquod tamen ei præfidiū afferam: mori se malle quàm in tanta miseria & calamitate vitam ducere. Mouerūt me, fateor, infelicitis mulieris lachrymæ: ac propterea rem sanè arduam, & quam nullus qui sciperet attentasset, aggressus, strumam ipsam ea potissimum parte, qua coxa pendebat, vinculo deligo. Et quoniam rescandanda crassitudo palmo plenior erat, singulis quibusque diebus vinculum ipsum arctiusnecto, donec pars media rescicaretur. Tum

candenti ferro quod superest scindo: sanguinem supprimo, & mulierem ferè mortuam resumens molli cubiculo recreo: ac curiosà dein obseruatione, idoneisq̃ue medicamentis ritè procedens, diuino tandem auxilio eam in pristinam sanitatem reduco. Tanta autem fuit præcisæ carnis moles, vt pondus sexaginta librarum excederet.

*Ex frigidissimo emplastro stomacho
admoto mors subsecuta.*

CAPVT XV.

Novi Medicum, qui vel incuria, vel magis, vt arbitror, inscitia, emplastrū frigidissimum stomacho cuiusdam viri, dū illum ventriculi dolor satis mordax vrgeret, superposuit. Putabat enim hoc auxilio dolorem ipsum tolli posse. Verū ille dolore ferè amoto, grauē tamen noxā percipiens, redeunti medico exponit dolorem quidem remissum; se tamen inspirandi difficultate vexari. Quod inscius medicus paruifaciens iterum emplastrum admouit: & ne tollatur etiam iubet. At æger, dum assistentes imperata faciunt, paucis interim horis singultu premitur: quo grauius grauiusq̃ue hominem afflicte, inhorrescunt illi membra:

ex

ex quo etiā paucis interceptis diebus mors subsequuta est. quam medici omnes ex incusso stomacho frigore prouenisse iudicauerūt. Ignorabat enim bonus ille medicus, nullum princeps aut principi subseruiens membrum solis frigidis esse curandum.

Ex frigidissimo aquæ potu vir interimitur.

CAPVT XVI.

ANTONIUS Parmensis iuuenis admodum robustus, cum sub feruentissimo sole, & magni æstus tēpestare pluribus diebus in itinere fuisset, ardentissima tandem febris correptus est: quare cum vehemens eum sitis vrgeret, frigidissima aqua epota, intra paucas horas mortuus est.

Defectio ex frigidissimi vini haustu.

CAPVT XVII.

BLASIUS Senensis familiaris noster & condiscipulus, dum longiusculo tempore sub ardētissimo sole pilæ lusu incaluisse, nec sudore adhuc aut fatigatione remissis, in subterrancū locum, vbi vinaria erat cellula, descendisset, frigidissimi vini calicē haurit: quo epoto statim deficit: indeque, vt

erat ferè præmortuus ad cubile delatus, ac calidis vtcunq. fomentis, sed non sine gravi noxa tandem, licet ægrè, refocillatus, conualuit. Frigidissima enim potio altius cordi infederat.

ANNOTATIO.

NON modò ex frigidissimæ aquæ potu, aut frigidissimi vini haustu, periculum iis imminet, qui vehemèter super calfacti sunt: sed & ex frigidi lactis, cui ademptum est butyrum. Nam hoc ipsum in ventriculo malè affecto, etiam facile concrescit, ac deinde molestias excitat. Vir quidam posteaquam à feбри, qua aliquot diebus laborauerat, sibi liber videretur, ac carnes vesperi cum aliis coctas edisset, postridie magnum haustum, circiter libram videlicet, lactis huiusmodi frigidi ieiunus bibit, sperans aluū (vt aliàs assolet) inde laxiorem futuram. Id cum non succederet, & molestis torsionibus ac doloribus circa vētriculum torqueretur, digito gutturi imposito vomitionem excitauit: cum qua duæ lactis concreti magnę partes excretae sunt, pro numero haustuum quos sumpserat. Nam bis se bibisse affirmabat. Ac sic à doloribus circa ventriculum liber factus, à frigidi huiusmodi lactis potione deinceps abstinuit.

Religiosa quoque quædam cum febricitaret, & huiusmodi lac quoque non coctum bibisset, aliquot diebus circa ventriculum pondus ac molestum dolorem sensit, qui non prius cessauit, quam difficili vomitione superueniente, & multis lactis con-

cōcreti durioribus particulis vnà redditis, quibus reiectis melius habuit. Tantum malorum lac etiā cui ademptum est butyrum adferre potest, si in vētriculum incidat calidiorem, vel aliena qualitate imbutum, vel prauorum alimētorum reliquiis infectum. Corripitur verò & in huiuscemodi vētriculo lac purum, ac in grumos cōiens, molesta symptomata non raro adfert.

Erosum capitis os.

CAPVT XVIII.

QVIDAM Monachus ordinis Beati Augustini, ex his quos Canonicos regulares vocant, dum in monasterio Diui Donati, quod vrbi nostræ prominens Scopetum dicunt, vitam ageret, semel mecum cōquestus est, affirmans capitis eius os paulatim indies erosum iri: quod miratus, caput detego, manu diligentius cōtrecto, frōtem ferè totam osse denudatam inuenio: & quod maius est, nullam in cute summa, nullam in carne noxam aduerto: rei causam quæritans, iudico acutissimo humore hoc fieri, qui foraminulenta carne demissus nullam in ea vim faceret. Os verò, quod densius, ac propterea magis obsistens, eroderet, non secus ac fulgur, quod aurum, illæsis interim oculis, nonnunquam liquare solet.

At Monachus ille, cum maioriā ossis ipsius pars esset erosa, & nullo proficeret auxilio, paucis annis vitam finiuit.

ANNOTATIO.

OSSA capitis erodi frequenter cōtingit sub ijs tumoribus, qui luis Venereæ symptomata habentur: quorum plerique ad Atheromatum, alij ad Meliceridum naturam accedunt. Qui si diu incurati permāserint, os quod subest corrumpitur, ac cariosum redditur. Alexander Benedictus nō modò corrumpi, sed & exemplum refert in osse abscessus nati, Hist. huma. corp. lib. primo, cap. vi. Ossa corrumpi nouum, inquit, non est: sed abscessus innasci mirum est, vt nuper vidimus, dum mulierem quandam Gallico morbo interemptam rescāremus, causam morbi perquirendo, ossa sub membranis suis integris tumentia, & ad medullā vsque suppurata inuenimus, ea diutaxat ratione, quoniam & ipsa nutriuntur, abscessibus ob id afficiuntur.

Lapis ex intestinis eiectus.

CAPVT XIX.

MARIOTTVS Palla Pharmacopola cum intestinorum dolore vexaretur, eiusque venter nihil ferè, & id quidem ægrè atque liquatum redderet, pluribusque hominem medicamentis aluum ducentibus & clysteribus curassent medici, & morbus nihil-

nihilominus inualesceret, ad aliud auxilij genus conuersi, totam ipsius aluum humidis fomentis emolliunt: nec prius ab incepto desistunt, quàm ille sic fatus lapidem instar columbini oui aluo proicit: Qui quidē lapis intestino subsistens, & iter magna ex parte obstruens, licet idē deduci non posset, quod intestino tunicisque eius deligatus esset, vel quod ipsius crassioris intestini aliqua fortē inhaeresceret cellula, medicamentorum tamen praesidiis, & expultrice adiuvante virtute tandem propulsus est.

ANNO TATIO.

LAPIDES ex intestinis reiecti meminit Galenus lib. vi. De Locis affectis: *Scribunt nonnulli (inquit) quod à forti excernendi conatu, precedente dolore vehemente, aliqui lapides callosos deiecerunt, iis qui in vesica nascuntur haud absimiles. Id quod ego neque vidi, neque alium qui viderit unquam audiui.*

*Aerea acus perforato stomacho
extrinsecus truditur.*

CAPVT XX.

DEVORAVERAT mulier quædam æneam acum, & nullā inde noxa percepta, integrum annum ita ut erat, sana permāsit. Quō peracto cœpit dolor satis acutus mulie-

mulierem ipsam circa ventriculum vrgere: qui dum eam magis magisque indies affligeret, plures consuluit medicos: nihil tamē de deuorata acu, quam penitus obliuioni tradiderat, referens. Variæ fuerunt hinc inde sententiæ. Alii enim ab acutiore humore, alij à vento inter tunicas stomachi recluso, cæteri verò ex malo habitu excitari hoc malum putabant. Cumque omni quo poterat studio & diligentia curata, sanitatē nullo modo consequi posset, medicæ artis spe deposita, tolerare id malū satius duxit, quàm perpetuis medicamentis inaniter vexari. Sicque annis iam decem, tali vrgente dolore, miseram vitā trahebat, cū ecce acus illa terebrato ventriculo, è paruo demissa foramine, profiliit. Nos autem & acū vidimus, & mulierem curauimus: quæ paucis post diebus, vnitatē vulneris facta, in pristinam sanitatem restituta est.

ANNOTATIO.

HVIC ferè simile est, quod apud Alexandrum Benedictum exemplum legitur de acu crinali cum vrina reddita, Hist. huma. corp. cap. XIII. lib. v.

Accedit & huic quod Ioannes Langius Epist. quadragesima lib. 2. refert. *In ginacio*, ait, *Ducis*
Iulia-

Iuliacensis virgo dum sese adornaret, perterrita, ingemiscens, acus quinque, quas in ore mordicus tenebat, deglutiuit, & per vrinam illasa easdem reddidit.

Ob incuriam à lepra liberatus.

CAPVT XXI.

MEMINI Onofrium Tedaldum pro mortuo à medicis derelictum incidisse in manus nostras, non quidem vt curaretur (id enim factu impossibile videbatur) sed vt satis amicorum opinioni & ægro ipsi fieret. Lepra hominem malè habebat: & febricula in super vrgebat. Quam, quòd solitas animalis partes occupans quasi habitum inducat, Græci ἐδὴν vocant. Tantumque inhæserat solidis membris hæc febricula, vt macie & tæbe consumpta carne, nihil nisi pellis & ossa superessent. Quin & in nervis crurium tanta idem contractio facta erat, vt calces natibus inhærescentes extendi nullo modo possent. Indulgens itaque hominis voluntati, permitto vt omnibus omissis legibus suo arbitrio viuat. Aduentante igitur vere, cum iam nux prima tenuiore cortice vestiretur, his vesci cœpit. Et cum omne aliud cibi genus fastidiret, non vna alteraue cõtentus, etiã supra centum singulis diebus cõedebat, pane licet modico adiecto. Quo factum

vt

ut & venter fluere cœperit, & stomachus nihil cōtinere: sicque frustula integra deiici, ut cōcoctio in eis nulla appareret. Hoc itaq. incurioso & licentiore victu vsus, ad astatem vsque processit. Quo tempore Citrullus, Angurias, Peponesque comedens, nullum præterea cibi genus deuorabat: sed & ea cruda & incocta omnia deiiciebat. Peracta autem iam ferè astate refici cœpit, & corpus quoquo modo resumptum ad habitum suum reuertitur, quoad sicco & calido morbo humidis & frigidis præfidiis superato, quem ratio & diligētia curare non poterat, incuria & temeritas ad pristinam redigeret sanitatem. Quia biennio feliciter vsus, incurioso postmodum victu, & inutili libertate in eundē recidit morbu. Quo demum absumptus, paucos post annos e vita discessit.

A N N O T A T I O N E S

Fuit quoque & admirabili fortuna ab Elephantiasi miser ille liberatus, cui messorēs vinum exhibuerunt, in quo vipera mortua erat. Rati etenim expedire huic mori potius, quàm in illa miseria viuere, remedium contulerunt, à quo sanitatem recepit, de quo Galenus lib. xi. De Simp. med. facultatibus.

Vlcus

Vlcus menti sanatum dentis euulsione.

CAPVT XXII.

IVVENIS quidam Angenius nomine, annis iam tribus menti vlcere vexabatur: qui licet opera complurium medicorum vfus fuisset, tantum abfuit, vt non deprehendentibus illis morbi causam sanitatem consequi potuerit, vt penè omnem recuperandæ valetudinis spem amiserit: dum scilicet, ex his nonnulli, quòd altum & callosum vlcus viderent, citra vlsionem nequaquam tolli posse affirmarent. Atque item alij, quia callosa haberet ora Chironium vlcus crederet, & ob id curatu difficillimum arbitrarentur. Nos verò vt primum hominem vidimus, & vlcus conspicati sumus, nullis id malum medicamentis vinci posse prædiximus: nisi eo prius eruto dente, ad cuius radicem vlcus ipsum ascenderet. Id quod res planè indicauit: nam dente ipso euulso, erosam eius radicem cernimus, vnde scilicet malum illud fomentum ac pabulum capiebat. Quo sublato, non multis post diebus, etiam domesticis medicamentis, sanatum est vlcus.

Attoniti fulmine.

CAPVT XXIII.

ATTONITOS fulmine patrem & filium vidimus, quorum corpus & mens

flu-

stupore quodam tenebantur, adeò vt dissolutione neruorum, quam Græci *ὑποπληξίαν* vocant, affici eos crederẽ. Cumq̃ue ad septimum vsque diem ferè absque cibo & potu, quin etiam muti & sine sensu vitam miseram traherent, ex vena demum, quam medici nigram vocant, sanguis emittitur, alius ducitur, corpus plurimis frictionibus distringitur, ac tenuissimis interim cibis utcunq. alitur, donec paulatim resecti ad pristinam sanitatem reuersi sunt.

Lapis tussicula expulsus.

CAPVT XXIIII.

HENRICVS quidam Alemanus cum laterum doloribus triennio iam vexaretur, & ob id opera & consilio multorum interim medicorũ, sed frustra, vsus fuisset, ad nos tandem venit oratum, vt si quo modo possem, laboranti illi opem ferrem. Interrogo igitur hominem, an initium morbi causamue teneret, vtrum, scilicet, ex frigore, vel ex ictu aliquo, aut nimio cursu, vel distillatione à capite, siue etiam ex præcedente aliqua alia ægritudine hoc illi contigerit. Respondit se nullam procatacticam scire causam, sed tantum ex occulto initio paulatim

latim increuisse morbum illum, adeoq. auctum, ut eum ad mortem duceret. Anxius igitur & tanti doloris causam minimè apprehendens, nesciebam quò me verterem. Neque enim vlla vel materiei, vel mali habitus erant indicia, cum tussicula quædam sicca hominem vrgeret; neque item excrementa aliqua videbantur. Et medicamenta etiam, quibus curatus fuerat, intentiones ferè omnes euacuauerant. Quare auctorum tandè sententiis nixus, quibus docetur medicus, cum causæ morbi abditæ sunt, his præsidiiis uti, quæ conferre quidem possint, nocere non possint: cœpi primùm lenire pectus, mollire guttur & asperam arteriam, donec calculo ad auellanæ magnitudinem de pectore propulso, & sicca illa tussicula, & omnis præterea dolor amotus est.

ANNO TATIO.

CALCVLI in pulmone nati historiam quoque narrauimus, verùm non vnus, aut vna vice reiecti, sed multo tempore molesti, ac in asperæ arteriæ ramulis concreti: de quo cap. **XXIII.** in nostris Obseruationum medicinalium exemplis.

L Mulie-

*Magna suræ ossis parte ressecata,
puella conualuit.*

CAPVT XXV.

HIERONYMI Corbinelli filia octauū agens annum elephantico morbo affecta est, ita vt & suræ os vitari cœperit. Summa enim cutis maculas crebrosque tumores habebat, & rubor paulatim in attrū eleuari ac conuerti cœperat, adeo vt facile iudicares vitium in osse confurgere: præsertim quod & ingenti dolore afficeretur, & nulum in carne puris signum appareret. Quare soluto ventre, & sanguine cucurbitulis misso, detegere os decernimus: quo detecto, quicquid putres ac cariosum inerat abscindimus. Sicque magna ossis parte ressecata, puella (quod multis impossibile videbatur) tandem ritè curata conualuit.

Sagitta carminibus euulsa

CAPVT XXVI.

NI HIL tam facile in corpore quam sagitta conditur, & eadem sæpius altissime: quod & in milite vidimus, cui telum dextra parte pectoris illatum, sinistra scapulæ ossi vsque adeo inhæsit, vt & multi mucronem euellere frustra conati sint. Nam
redi-

redire tā lōgo spatio minimè poterat absq.
carnis & venarum neruorumq. laniatione,
propterea quòd vtrimq. spicula ipsum cin-
gerent: nec etiam contrā carne incisa euelli
telum poterat, cū os scapulæ, cui insede-
rat, magnum amplumq. obstaret. Quare
medicæ artis præsidio destitutus, cum id ci-
tra mortis periculum fieri non posset, ad-
uocat ariolum: qui duobus digitis plagæ
superpositis, & carminibus nescio quibus
insufurratis, telum ex osse redire iubet: quo
etsi absque ægri corporis noxa, non tamen
sine vtriusque animæ dispendio obtempe-
rante, miles ille paucis post diebus ritè cu-
ratus conualuit.

ANNOTATIO.

DE sagittæ dorso impactæ ferro, quod per in-
ferna descendit: & parte teli, quæ post xxv.
annos sternutatione reiecta est, vide inter exempla
Alexandri Benedicti, de quibus & supra exemplo
decimo.

Ulcera nares.

CAPVT XXVII.

VLCERARI nares intus cōsueuerunt,
eiq. malo vix succurri potest, cū
inueterascit. Mihi nubilis puella nobilisq.
ostenditur, quæ eiusmodi morbo diu tene-

batur: nec inuentus est Medicus, licet plurimi puellam curandam suscepissent, qui id malum tollere potuisset. Erant enim vlcera circa nares pluribus crustis foeda: è quibus etiam malus consurgebat odor, quod genus Græci *ὀζαῖαν* appellant. Curam itaque, orate patre, qui vnicè filiam diligebat, aggredior, his auxiliis fretus, quæ ad hunc morbum conducibilia visa sunt. Primò igitur aluum ducò, humores æquo, & cucurbitulis scapulis affixis, carneque ferro incisa sanguinem mitto. Tum & frictionibus diuertentibus vsus, nares calida aqua spongia expressa confoueo: deinde cerussam & argenti sputnam oleo myrtino & omphacino excipiens, ad crassitudinem mellis reduco, eoque illiniri nares sæpius iubeo: quo auxilio crustis omnibus excisis, cerussa demum, olibano, cadmia, phyllique interiore parte diligenter attritis, & melle addito, medicamentum conficio, quo specillum lana obuolutum intingens vlceribus admouebam: & his repletis linimentum, eo quoque medicamento illitum, demittebam in nares. Idque bis die vel ter faciendum curabam: quoad his præsidii & auxilii, quod plurimos medicos diu multumque frustra fatigaue-

gauerat, paucis etiā mensibus sublato, puellam pristinæ reddidimus sanitati.

Naturalia clausa incisione curantur.

CAPVT XXVIII.

NATURALIA feminarum interdum claudi certum est. Id autem aut protinus in utero matris fit, aut ulceratione illarum partium: dum scilicet ex incuria medici sanescendo oris inter sese conglutinati iunguntur.

Incidit in manus nostras puella quædam iam matura viro; iam plenis nubilis annis, cui naturalia ipsa clauderentur. Quæ cum ego huiuscemodi malum curaturus inspicio, video membranulam quandam, quæ ipsius vulvæ ori opponeretur. Quare duabus lineis inter sese transuersis eam incido: statimque tanta ac tam ingenti impetu nigrior materia profluxit, ut grande lumen, quod tunc minister admouerat, extinxerit. Menses enim præteriti intus tenebantur: qui & dolores singulis mensibus excitarent. Incisa itaque membranula ipsa, quicquid ex ea intus superfuit, hamo apprehendo amputoque. Tum reliquum curæ ex aliorum ulcerum more prosequutus, haud multis

pōst diebus puellam ipsam sanam, ac coniugio aptam relinquo.

ANNOTATIO.

A MATVS Lusitanus curatione xxiii. Centuriæ primæ exemplum refert cuiusdam, cui glans penis non erat à natiuitate perforata: circa verò testēs foramen, per quod urinam reddebat. iam & ano clauso. natos, quosdam Beniuenius refert. Ita quandoque vitia quædam hominibus cōnascuntur, quæ arte subinde corrigi queunt: quandoque nequeunt.

Emortuus fetus unco extrahitur.

CAPVT XXIX.

MATVRO partu intus emortuo periclitabatur vxor pistoris mei, quare euocatum me rogat, vt deficienti illi quoquo modo opem feram. Ego verò reputans huiusmodi curationem inter difficillimas annumerari, & summam prudentiam ac inmoderationē desiderare (præsertim & quod foetus transuersus iaceret, vt ne manu quidem intra vuluam injecta, dirigi in caput aut pedes posset, & quòd imus venter iam frigeret) de salute eius dubitare cœpi. Verùm hortante me coniuge ac cæteris assistentibus, vt nullum intentatum relinquerem

rem auxilium, vncum vertebri dorsi infantis iniiciens, paulatim extrahere nitor. Sed obstabat oris vulvæ compressio, & cervix toto corpore replicata augebat extractionis difficultatem. Quare calido oleo naturalia foueo, quo paulatim hiant vulva foetum educo. Mulieremque ferè mortuam molli cubili recreo, & oportunis demum presidiis curatam pristinae sanitati restituo.

ANNO TATIO.

MORTVI in vtero foetus, ac aliquot annis gestati, deinde per incisionem exempti, historia extat Mathiæ Cornacis: quæ, cum duabus aliis haud dissimilibus, sub finem ascripta est.

Natus ano clauso.

CAPVT. XXX.

VIDIMVS duos pueros ab vtero matris natos naturalibus clausis: horum alteri caro quædam in ano altius increuerat, adeo vt intestini exitus percipi nullo modo posset: quo factum vt paucis diebus vitam finierit. Alteri verò membrana quædam ipsius tantum ani ori opponebatur: sed ea acutiore scalpro præcisa, statim sanatus est puer.

Naturalia erosa & clausa.

CAPVT XXXI.

MVLIÈREM etià vidimus; cui morbus, quem vulgò Gallicum appellant, totam vuluam eroserat, & incuria medici quicquid erosum fuerat, oris inuicem iunctis obcalluit. Indeque sola vrina, & ea ex paruo quidem foramine reddebatur. Huic nos (propterea quod callus ipse altior esset, quàm vt citra mortis discrimen incidi posse existimaremus) consuluimus, vt incuratà potius viuere, quàm tanto se periculo exponere vellet.

Intestino tenniore clauso vita finitur.

CAPVT XXXII.

STOMACHO longa & plura vitia cùm ex aliis membris, tum humoribus sibi innatis accidere consueuerunt. Vnde & nos virum nouimus quinquagenarium, qui ex præterita agitudine, quam χόλεραν Græci vocant, in qua simul & deiectio & vomitus accidunt, intestinaque torquentur, & bilis atra suprà infraque erumpit, in perpetuum, & vt experientia docuit, penitus insanabile inciderat vomitù: vnde & stomachus pau-

cis

cis admodum horis cibum continebat, & alius præterea nihil omnino reddebat, siue leuibus, siue acerbis medicamentis vrgeretur. Assumebat enim cibos leuiiores, & ad concoquendum faciles: quos ubi aliquot horas continuerat, quicquid ex his supererat euomebat. Alebatur autem parte tenuiore, quam venæ à ventriculo attrahebāt: sicque miseram quidem, sed tamen longiusculā vitam duxit. Huius verò nos morbi causam indagantes, putauimus eam intestino tenuiore figi: eoque adeò obcalluisse, ut cum incoctus cibus ad iecur totus penetrare non posset, retrocederet, & vomitu tandem expelleretur: id quod mortuo eo, experimento comprobare volentes, corpus incidere tentauimus. Sed nescio qua superstitione negantibus cognatis, voti compotes fieri nequiuiimus.

Ex abscessu Mesenterij mortuus.

CAPVT XXXIII.

IVLIANVS quidam iuuenis alioquin optimus, alui torminibus vexabatur: inq̃. dies magis magisque dolor vim capiebat: tantumque aberat ut huiusmodi doloris abditæ causæ comprehendi possent, ut nun-

L 5 quam

quam vllis præfidiis tolli, aut saltem leuari hoc malum potuerit. Omnia enim viscera sana videbatur, iecur, lien, & intestina omnia nullam doloris notam ostendebant. Sed ille, nihilominus magis magisque indies, quàm vt tolerari posset, vrgēte dolore ipso, tandem è vita discessit. Quare mortui corpore inciso, vt scilicet tanti mali causas dignosceremus, & sanis omnibus, vt putabamus, inuentis visceribus, iubeo intestina amoueri. Quæ dum gladio discindit minister, in abscessum magnū incurrit. Quo præciso, materia multa nigrior foetensque profluxit, encausto sutorio similis. Ex quo manifestam eius mortis causam deprehendimus. Atra enim bilis eò cōfluens huiusmodi abscessum paulatim effecerat.

ANNOTATIO.

IN mesenterio quandoque inflammatio, ac deinde abscessus gignitur, de quo Ioannes Fernellius doctè ac eleganter scribit, lib. De Partium morbis VI. cap. VI I. & quidem his verbis: Vera quoque inflammatio in mesenterium incidit, quum ab exesibus aut ruptis illius venis sanguis excidit, & in aliquâ sede præter naturam collectus putrescit, tandemque suppurans abscessum facit. Ea inflammatio sine manifesto dolore est, solumque grauitatis sensum habet, nisi fortè vehementius prematur. Febris ad-

mo-

modum lævis & læta, sine siti, sine grauibz symp-
tomatis, nec omnino ægrum prosterneſ, nec quo-
tidianas functiones interpellans. Principio ſanies
quædam rubra, factò deinde abſceſſu, pus album
deſluit ab aluo, & vtrunque modò permixtum al-
ui fecibus, modò ſeorſum & ſyncerum, vt quum
inflammatio in poſtrema inteſtina deurgit. Tum
quippe pus per venam proximam in recti aut coli
inteſtini capacitatem influit, ſyncerumque magna
interdum copia redditur nullo ſenſu doloris: quod
aliquando celebres medicos magna admiratione
& controuerſia torſit. Sed non aliunde id quam ab
affecto meſenterio dimanare facile noſci poterat.
Neque enim ab inflammatis inteſtinis, neque à
ventriculo poteſt ſine vehemèti dolore prodire. Ex
iecoris verò aut ex lienis inflammatione, febris ve-
hementior affligit, omniaque ſymptomata fiunt
graviſſima: neque tam ſyncera ſanies ſeorſum ob
longiorem viâ tractum exit. Renes etiam affecti
non illac, ſed per vrinas repurgantur. Itaque vnum
meſenterium reliquum eſt in abdominis capacita-
te, quod ſub illis notis inflammacione tentetur. Ha-
ctenus Fernellius.

Nouimus & nos quandam, cui inflammatio in
Meſenterio nata fuit, & initio malè habuit, ſed po-
ſteaquam inflammatio ſuppurata, & in abſceſſum
conuerſa, melius habens, ſanà ſibi viſa eſt. Interim
ſingulis diebus per anum bis terque purulenta ad-
modum foetida, ſyncera, nulliſque excrementis
permixta redduntur. Et quidem nunc quartus agi-
tur annus à quo ſic ſeſe habet.

Ma-

Monialis intestinorum dolore mortua.

CAPVT XXXIIII.

IN cœnobio Diui Donati quod in agro Puluerosæ est, religiosa mulier & eius cœnobij professa fuit: quæ intestinorû doloribus multisiam mensibus vrgebatur: & alius nil nisi ægrè & durum, idque tantum decimo quoque die reddebat. Cumque nullis conferentibus auxiliis diu multumq. hoc malo vexata, tandem naturæ concesserit, mortuæ corpus incidendum curauimus, & inuenta sunt intestina altiore callo constricta: adeoque iter angustum relinquebatur, vt deiectiones ægrè transmitti possent. Hoc tamen nos malum, propterea quod aluum prementi nescio quid durum renitebatur, etiam ea viuente præsenferamus.

Tuberculum supra cordis arteriam.

CAPVT XXXV.

MVLIER clara nomine & genere, cordis dolore interdum vexabatur, quem medici à malo ipsius cordis habitu fieri arbitrabantur. Sed cum pluribus iam annis connubio iuncta non conciperet, & sterilitatis causam quæreretur, ac tollere con-

teretur

retur multis præfidiis, ita demum dolor ille cordis increbescere occepit, vt perpetuus fieret. Ex quo sæpius etiam mulier ipsa deficiens, recreari vix poterat, donec eo iam magis magisque inualefcente, è medio sublata est. Cæterum mortuæ corpore inciso, & frustulum nigrioris carnis in sinistro cordis ventriculo supra arteriam, quod mespilij formā haberet, & vulua à medio infra versus imam eius partem iunctis oris obcalluisse reperta est. Quare vt tuberculum illud mortis, ita hoc sterilitatis causam fuisse cognouimus.

ANNO TATIO.

CALLVM quoque cuidam in arteria magna, loco cordi proximo, natum obseruauimus: multis hic annis cordis palpitationi obnoxius crebro fuerat; sex verò ante mortem mensibus in sinistro carpo pulsū tam exiguum habuit, vt nullus frequenter apparuerit, ac sæpe sentiri non potuerit. Fuit quoque, palpitante corde, difficilè admodū huic potum admittere, sic vt vix vnciam simul bibere potuerit. in pectoris huius spatio sublutei coloris humor collectus quoque fuerat.

Stomachum obcalluisse.

CAPVT XXXVI.

ANTONIVS Brunus affinis meus, cum emāducatum cibum breuiore, quam

quàm par erat, temporis spatio contineret, & ita vt erat incoctum reiceret, omnibus medicamentis, quæ stomachi vitiis adhiberi possunt, diligentissimè fatus est. Verùm cum ea nihil omnine proficerent, & corpori ob inopiã alimenti iam absumpto vix pellis & ossa superessent, gradatim tandem ad mortẽ deductus est. Quare defuncti cadauere publicæ vtilitatis gratia inciso, inuentum est hominis ventriculũ ita iunctis oris ad imam eius partem obcalluisse, vt cum nihil inde ad inferiora transmittere potuerit, necessariò mors subsecuta sit.

Callus in venis mesaraicis.

CAPVT XXXVII.

PETRVS Albimarius filium habuit, qui cum octauum iam ageret annum, in corruptum incidit appetitum, quo calculos ruderamque comedens in lentam tandem fabriculam deuenit. Indeque procedente tempore & ventriculus non continere & venter fluere cœpit. Adeoque duobus his malis vexatus est puer, vt paucis etiam diebus è vita decesserit. Huius nos cum annuente patre emortuũ corpus incidissemus, reperimus callus inter venas, quas Mesaraicas ap-
pel-

pellant, à quo cum venæ ipsæ adeò obstruerentur omnes, vt ferri inde sanguis vltra nō posset, necesse fuit puerum è vita migrare.

Angina incisa.

CAPVT XXXVIII.

ANGINA laborabat Nicolaus Rota, sed nullus tamen rubor, aut tumor, vel intus in gula, vel extrà videbatur. Et ipse nihilominus vix spiritum trahens, quicquid præterea edendum sumeret, per os statim & nares reiciebat. Quare cum arescente corpore, pallente iam facie, ac vertentibus oculis, spes omnis sublata esset, & medici, quibus cura demandata fuerat, ægrum amplius non adirent: me licet iuniorem cōuocant, ægrum ostendunt, & quæcunque acta fuerant exponunt. At ego cum & ægrum ipsum ad mortem tendere, & medicos quæcunque opportuna fuerant præfidia adhibuisse intelligerem, cœpi ipse mecum cogitare, satiùsne esset ægrum ipsum Deo & naturæ, vt cæteri medici, incuratum dimittere, an aliquod licet insolitum, vtile tamē auxilium experiri. Verum adhortantibus his qui ægro assiscebant, consilium capio, & locum altioribus plagis sub ipsis maxillis, ac
etiam

etiam supracollum incido, ex quo cum fa-
nies multa prorumperet, adeò morbus le-
uatus est, vt faucibus ipsis spiritum simul &
cibum capientibus, facilis dein ad bonam
valetudinem ægro ipsi daretur regressio.

ANNOTATIO.

DE Latete Angina in nostrarum Observatio-
num cap. xviii. latius scripsimus, quæ huc
referri possunt.

Soluta vmbilici vnitas.

CAPVT XXIX.

VIRVM nouimus, quem dolor in ple-
niore intestino exortus adeò cruciaret,
vt nullo interim spiritu erumpente mediũ
hominem dissectum iri putares: cumq. fru-
strà multa auxilia adhiberentur, & non so-
lùm clysteria vt in aluum demittebantur,
eadem prorsus eiicerentur, sed & medica-
menta quoque tam nihil ex ipsa aluo depo-
nerent, vt iter hinc inde clausum crederes.
Tandem cucurbitula vmbilico affixa (solet
enim huiusmodi malum tali præsidio non-
nunquam minui ac leuari) soluta est vmbi-
lici ipsius vnitas: indeque spiritus crassior
erumpens, & cucurbitulam ipsam dissecit,
& hominem omni amoto dolore pristinae
sanitati restituit.

AN-

ANNOTATIO.

SOLVITUR & umbilici vnitas Asciticis; quādo
ventre nequeunte amplius distendi, humor per
umbilicum sibi viam querit, ac eò erumpere cona-
tur, quod malū Hydromphalon vocari cap. xxvi.
nostrorum exemplorum scripsimus. Grauidis in
partu laborantibus umbilici vnitas quandoque
etiam soluitur. Erumpens tunc frequenter omen-
tum tumorem in umbilico magnum excitat, qui
nisi fasciis constringatur, subinde adeò crescit, vt
molestias multas secum ferat.

Elevatio stomachi.

CAPUT XL.

ANNVM XVI. agenti Petri Guicciar-
dini filio, ita ceruix ventriculi sine vl-
lo doloris sensu eleuabatur, vt magnitudi-
nem pomi cydonei æquaret: nec manifesta
causa ostendebatur, cum omni nocumen-
to careret. Quare rem admodum diligen-
ter vestigare cœpi, admiratus quānam ab-
ditæ huius mali causæ esse possent. Sed cum
nullam prorsus præter ventum inuenirem, à
quo, ventriculi capite paulatim eleuato, ita
eiuscemodi fieret tumor, vt & ossa etiam
talem situm adepta, nec vltra ad pristinum
statum reuersa, figuram iam illis impressam
tanquam naturalem custodirent: ferrea de-
Mum

num lamina, quæ ex cingulo quoque surgebat ferreo, stomachum comprimi iubeo, quo paulatim ad sedem suam retrocedere cogeretur: quod factum est. Nā haud multò post hoc vno tantum præsidio ita repressus est tumor ille, ut ad pristinam ac naturalem formam ipsius ventriculi ceruix penitus reuersa sit.

ANNO TATIO.

IN Iliaco dolore cum excrementa per os redduntur, ventriculus quoque in tumorem quandoque autollitur, partim quidem ex flatibus, sed magna ex parte ab excrementis eò perlatis. Quandocunque autem tale aliquid contingit, non modò spes vitæ superest, sed mors ferè imminet.

Menses vomitione proiecti.

CAPVT XLII.

VRGEBATVR mulier acerbissimo capitis dolore propterea quòd menstrua non prouenirent: verum his demum vomitione propulsis, ilicò sublatus est dolor. Sed cum id iterum iterumque ac sæpius factitasset, abhorrendandè mulier ab huiusmodi vitio; auxilium nostrum exposcit: qui sola sanguinis missione ex venula quæ sub talo est, & mēstrua ipsa ex naturali loco

ritē

ritè profluere coëgimus, & quod sequens est, mulierem ipsam pristinae sanitati restituiimus.

ANNOTATIO.

TAMETSI plerique existiment naturam non moliri mensium purgationem per vomitum, istud tamen exemplū, tum & nostrum cap. xxvi. suppressis mensibus superfluentem sanguinem vomitione quandoque euacuari ostendit. Affirmat idem Ioannes Langius Epist. xl. primi libri. Videtur & hoc testari Hippocrates Aph. xxxiiii. lib. v. ut in Scholiis capitis xxvi. quoque scripsimus.

Cordis pars patefacta.

CAPVT XLII.

INCISO abscessu, qui supra septimam vertebram innatum longo temporis intervallo sinum fecerat, intimamque membranam sua sanie prorsus eroserat, minima ipsius cordis pars oculis cernentium patefacta est. Verum cum hominem summa & diligentia & sollicitudine curaremus, in pristinam redactus est sanitatem.

*Pure per urinam deducto sanatus
est pleuriticus.*

CAPVT XLIII.

ORITUR sæpe in lateribus morbus, qui πleurητις à Græcis nominatur:

huic tussis & febris accedit, & excitatur cū
pituita sanguis, graue profecto ac intolerabile
malum. Hoc cū affligeretur Ant-
onius quidam, & morbus iam ad maturitatē
peruenisset, euacuato per urinā puro, quod
raro contingere solet, penitus sanatus est
ager.

ANNO TATIO.

PUS in thoracis spatio aut in pulmone conten-
tum, per vesicam quandoque expurgari non
modo à recentioribus obseruatum, sed & à Gale-
no quoque visum: vt lib. vi. De Affectorum loco-
rum notitia testatur, vbi viam ostēdit per quas pus
ad renes deferri queat. Recipi siquidem pus à læui
arteria pulmonis, ait: deinde per sinistrū cordis sinū
delatum, in magnam incidere arteriam, per quam
ad renes, & illinc ad vesicam descendere. Nam vt
à concaua vena, ita quoque à magna arteria ramos
ad renes demitti.

Novimus verò & nos, rusticum tantum in pe-
ctore puris habentem, yr capite cum pectore deor-
sum reclinato ex ore illi efflueret, qui purulenta
reddita urinā, sanitatem mox consequutus fuit.

*Ex tace sanata sola sanguinis
missione.*

CAPVT. LIIII.

ANNO integro remorantibus mēstruis
mulier ad summam deducta est ma-
ciem

ciem: & venæ eius ob nimiam plenitudinem nigriores factæ, admodum extendebantur. Cumq. nullum cibi genus desideraret, consequens fuit, ut totum tabesceret corpus. Quare præsentaneum auxilium iudicavimus sanguinem mittere: qui cum primo die nigrior effluxisset, iubeo & altero id ipsum fieri. Quo longe clariore emanante, factum est, ut profluentibus dem mensibus, mulier quæ per annum macie & tabe afficiebatur, idoneis tandem medicamentis resumpta ad pristinam facile redierit valetudinem.

A N N O T A T I O.

NON raro accidit virginibus viro maturis, ut suppressis aliquanto tempore mensium purgationibus, respiratio reddatur difficilior: cor ex levi occasione palpiter: ventriculus cibum apersetur: & facies corpusque albedo colore palleat. Nam quod Galenus lib. contra Erasistratius Romæ agentes de muliercula scribit, cui purgatio menstrua quatuor fuerit mensibus suppressa, quæ faciem habebat rubicundam, inter rarissimè contingentia numerari potest: frequentissimè etenim pallentes sunt. Hoc autem modo sese habentibus virginibus corpora earum non nutrirî, ac contabescere, ut à ratione haud alienum, sic ex hac occasione extenuatas sanguinis missione restitui rationi cõsentaneum. San-

guinis enim detractioni menstrua succedit purgatio: hanc verò sanitas sequitur.

Fluxus sola oratione solutus.

CAPVT XLV.

ACCIDIT interdum ventrem fluere: & si diu negligas, difficilior plerumque fit eius curatio, quin & nonnunquam impossibilis. Quod & nos nuper experti sumus. Iohannina Bencia affinis mea, mulier quidē & animo & genere nobilis, cum diu ventrem fluere permisisset, eò tandē deuenit, ut nullis medicamentis, nullis auxiliis, nullis etiam balneis eiusmodi fluxus sisti potuerit: augente igitur hoc malum iugi & inuincibili humore, qui ex eius infirmo alioquin & imbecillo capite in vetriculum destillabat. Et licet interdum conualescere videretur, haud multò tamē pòst reuertebatur id malum, & quidem priore deterius. Quare omni spe medicæ artis deposita, fratrem Dominicum Pisciensem ordinis Prædicatorū, de quo etiam superius mentionem fecimus, adit: morbum quo tenetur exponit: se omni humano auxilio destitutam affirmat: lacrymis & precibus orat, ut laboranti sibi sua & fide & oratione opem ferat. Quod cum

cum ille se facturum pro viribus annuisset, admota manu mulieris caput comprimit. Tum fusa oratione, ac signo Crucis ibidem impresso, abire iubet. Reuersa domum, cū eo ipso atque etiam altero die venter nihil ex consuetudine præterquàm sanum redderet, me conuenit, rem ordine narrat, seq. penitus liberam affirmat. Quod etsi Deo, cui possibilia sunt omnia, factu facillimum scirem: verebar tamen ne quod habebat in votis mulier, id iam se adeptam persuaderet: cū nihilominus morbus ipse paulò post vel etiam deterior reuersurus esset. Sed cū ita tertius peragatur annus, ex quo fluxus ipse suppressus est, nec vlla interim apparuerit, vel etiam appareat regressionis nota, ingenuè & fatemur & prædicamus, hoc solo nutu Dei per fidem & orationem sanctissimi illius viri factum fuisse, ad laudē & gloriam nominis sui, quod est benedictum in secula.

Gelatus in comitalem incidit morbum.

CAPUT XLVI.

HIERONYMVS Bencius, cū ē Diui Laurentij æde, vbi declamātis ad populum concionem audierat, domum sese

recepisset: & reſerato oſtio ad cubiculum
uſque, in quo vxor ex partu languens iace-
bat, aſcendiſſet: immotus ibidem & incon-
ſuetis oculis ſtetit. Quem cum vxor diutius
intuita rogaveſſet tandem quid ageret: & ille
nihil oſecius expergiſceretur, accerſitis fa-
mulis in eodem quo illa iacebat cubili, con-
iugem locari iubet. Qui ubi tandem ſenſum
recepit, nihil eorum quæ ipſe interim ege-
rat, recordabatur. Quare conuocatis medi-
cis, quibus & ipſe interfui, plurimo ſermo-
ne quæſitum eſt, an ille toto eo tempore ob-
dormierit, ut accidit multis: qui ea perſepe
dormientes faciunt; quæ munia ſolum vi-
dentur eſſe vigilantium: an alio quopiam
morbo laborauerit. Ac tandem conveni-
mus illum eo tempore non dormiſſe, ſed
rigidum potius, vel attonitum, vel gelatum
 fuiſſe. Quam quidem ſententiam etiã ſub-
ſequens malum maniſeſtiſſimè cõprobavit,
cũ paulò poſt in comitalem incidereſſet
morbu: quo nullis prorsus cõferetibus auxi-
liis multos iam annos miſerabiliter cadit.

ANNOTATIO.

CATOCHVS affectus erat, quo Hieronymus
Bencius initio detentus fuit. Cũ autem
huius

huius frigidus ac crassus pituitosus humor causa fuerit, facile in comitiales morbum transitum fecit. Cato cholaboravit & matrona illa, de qua nostrorum exemplorum cap. v. ex quo in Lethargum incidit. non rarum autem, morbum unum in alium permutari.

*Amissa atque iterum recuperata
memoria.*

CAPVT XLVII.

EX praterito morbo conualefcens Antonius quidam Senensis, quaecunque memoria fixus tenuerat, ita prorsus oblitus est, ut ne rerum quidem nomina reminisceretur. Dumque Florentiae esset, Senis se esse putabat: sed ne amicos quidem ab inimicis discernerebat: quos etiam immutatis nominibus vocitabat. Quare eo velut prorsus amitti, atque deliro naturae dimisso, cum vigesimo iam die hoc malo angeretur, coepit venter fluere, variaque & diuersa strigmenta, sanguinem, bilem viridem, mucosasque deiectiones deponere. Quo factum, ut mens simul & memoria redirent, licet nihil eorum, quae ipse interim gesserat, recordaretur.

M J Ex

*Ex distentione nervorum mors
subsequuta.*

CAPVT XLVIII.

MITTERE sanguinem vt expeditissimum perito est, sic ignaro periculosissimum. Iuuenem vidimus, cui cum ex brachio sanguis mitteretur, & neruum scalpellum attigisset, statim sequuta est nervorum distentio: quæ hominem ita crudeliter afflictauit, vt paucis etiam diebus laboranti illi vitam eripuerit.

ANNOTATIO.

NERVORVM puncturam grauissimi dolores, ac molestæ non rarò succedunt conuulsiones, quas si superflua aliqua euacuatio comitetur, admodum periculosum. Nam, vt Hipp. Aph. III. lib. v. *Vbi sanguis plurimus fluxerit, singultus aut conuulsio superueniens malū.* item & præcedente Aphorismo: *Conuulsio ex vulnere lethalis est.*

Ex incisa arteria ferè mortuus.

CAPVT XLIX.

ORTA, vt assolet, inter commensales lites, cum quidam è conuiuiis arreptum calicem in Alfonsi Hispani familiaris nostri faciem proiecisset, & incisa arteria ac cute di-

dilacerata sanguis copiosior erúperet, multa quidem, ac frustra, adhibita sunt medicamenta: cum ea sit arteriæ ipsius conditio, ut incisa coïre aut sanescere citra vstionem non possit. Quare cum sanguis ipse eò semper vehementius flueret, quò plura experirentur auxilia, & homo iam venis exhaustis prorsus deficeret, ad me tandem mittunt, rogantes, ut si fieri possit, amicum à morte præripiam. Venio igitur ad eum, vulnus inspicio, virtutem probo, nullum superesse præsidium iudico, præter vstionem solam. Quare ea qua potui diligentia incisam arteriam candenti ferro inuro, & statim suppressus est sanguis: quo inhibito, reliquum curæ facilem satis & expeditum habuit ad sanitatem regressum.

ANNOTATIO

ARTERIA vulnerata magnam diligentiam adhibendam esse ut sanguis sistatur, & vulnus coalescat, ostendit Galenus Medendi Methodi lib. v. cap. iiii. Consequitur autem non raro arteriæ vulnus, quod Græci *Arteriospina* appellant, ut cap. li. nostrorum exemplorum videre est.

M.H.

*Mulier ex copiosa sanguinis mis-
sione emortua.*

CAPVT L.

QUIDAM nostri seculi medicus, Phi-
losophiæ magis quàm Medicæ artis
peritus, cum uxorem Iacobi Pactij equitis
Florentini curaret, quæ duabus tertianis
vexabatur, mittere sanguinem vtilissimum
iudicauit: quod & ego, cui simul cum illo
cura demandata erat, penitus non impro-
baram: cū bilis sanguini mixta videretur.
Sed & multa tamē pituita exuberabat. Igi-
tur venam incidendam quidem cēnsui: sed
teritandi gratia, vt scilicet colorem sangui-
nis habitumque discernereamus. Qui si cras-
sus & niger esset, tanquam vitiosus largius
effunderetur: sin contrā ruber & pellucens,
tanquam integer seruetur. Incisa igitur
vena sanguis effluxit rubicundior. Quare
dimisso iam caliente, suppressendum cen-
sui: ille contrā deducendum. Verū cū
esset ipse ætate prorector, eius magis sen-
tentia in hærentibus coniuge & propinquis,
ad duas sanè libras sanguinis miserunt aquæ
lucidi ac rubri. Quare cura omni seniori illi
reli-

relicta, protinus discedo, palam affirmans atq. contestans iugulatam esse mulierem: quod & paulò post rei euentus facile comprobavit, eùm paucis admodum diebus mulier ipsa, defectis iam viribus, ac voce penitus exhausta, in somnum inciderit grauiorem, ex quo tandem mors subsequuta est, ob nimiam scilicet humorum cruditatem, quæ ex ingenti sanguinis profusione contingere solet. Quare debet semper medicus, si diligens sit, in omni sanguinis missione considerare, vtrum crassus & niger, an contra ruber & pellucidus sit. Quod si niger & crassus, vt vitiosum effundi: sin contra ruber & pellucidus, vt integrum suppressi iubere. Tantum enim abest, vt eiusmodi sanguis, rubri scilicet atque pellucidi, missio profit, vt etiam plurimum semper obsit. Sed excidit homini documentum filij Seni, quo in missione sanguinis cum bilis accessione, tum & pituitæ cruditatem plurimum cauendam censuit.

Epoto veratro iugulatus.

CAPVT LI.

LABORANTI cuidam Zenobio nomine quartana, imperitus quidam medicus

dicus veratrum, quod inter cætera medicamenta periculosissimum est, temerè propinauit. Ex quo statim subsequuta est cum crebra ac vehemens alui deiectio, tum spiritus tã grauis ac difficilis attractio, vt cum me filij ad hominem iam in mortis articulo positum aduocassent, & nullis potuisset præfidijs tanto malo succurri, intra sex tantum horarum spatium mors eum violenta è medio subtraxerit. Cauendum igitur est, ne huiuscemodi medicamenta, quæ veneni naturam habent, & stomachum cæteraquæ membra plurimum lædunt, absque eo exhibeamus, quod nocumentum auferre possit: cum & aluium per se sæpius ducant, & hominem non solum infirment, sed plerunque etiam morti tradant.

Vomitum ex albo veratro mors

subsequuta.

CAVET LII.

VOMITVS vt interdum sanis utilis, sic aduersa valetudine laborantibus nunquam necessarius. Verum multum interest quomodo & quare fiat. Hoc autem officium diligentis medici esse debet. Nam cum

cū quidam medicæ artis imperitus albo veratro vomitum ciere solitus, omne genus morbi tali præsidio se curaturum polliceretur, accidit fortè vt in manuseius inciderit quidam, qui duobus iam annis ventriculi vitio laboraret, nec vllis vnquam medicamentis sanari potuerit: vtpote quod cū suapte naturā difficile sit, difficillimum etiam redditur in corpore infirmo atq. imbecillo, præsertim vbi licentiore quadam libertate vtatur æger. Album igitur & huic veratrum ex more exhibente illo, plurimū bilis ac pituitæ, tum nigram bilem, postremò sanguinem eiecit: quibus ita deductis, imbecillitas primò & quidem magna, tum sudor frigidus toto capite ac thorace emanans, nouissimè & mors subsequuta est. Nō igitur ignorare diligens Medicus debet huiuscemodi medicamentum non semper ægris prodesse, sanis verò semper obesse. Nam vbi robustum corpus nactus fueris, & ventriculus sit potens, morbusque longior ac difficilis, vt Comitialis, & Insania, aut pares his, tunc album veratrum ritè ac citra medici culpam exhibi potest.

ANNOTATIO.

QUAM periculosus sit temerarius veratri vsus; ostendit Hippocrates Aphorif. i. lib. 5. Conuulsio, inquit, ex helleboro lethalis est. & Aph. xvi. lib. iiii. Carnes sanas habentibus helleborus periculosus: facit enim conuulsionem.

Represso sudore sanatus.

CAPVT LIII.

CUM haud postremæ notæ medicus nobilem quendam ciuē curaret, & febribus malè hominem habentibus, vniuersum corpus in sudorem resolueretur, viresque omnes ita deficerent, vt cognati plurimum de salute eius addubitarent, me aduocant, ægrotum ostendunt, curam enarrant. Inspiciens itaque hominem, oculos admodum graues ac pallorem faciei intueor: quin & intima eius præcordia calore vehementi affici aduerto. Quare sudorem inæqualem, qui finire non poterat, statim a motis vestibus, quibus ille de præcepto medici tegebatur, vt incongruum & inutilem suppressere nitimur: præsertim quòd eo vires ægri penitus conuelli videbantur: tum corpus euentari, ægrumque etiam frigidioribus

po.

potionibus vti iubeo: donec sudor, quem medicus ille omni studio ciebat, prorsus supprimeretur. Quod vbi factum est, immutari statim videas ægri faciem, vires redire, calorem reprimi, febrem remitti, ac non multò post hominem ad pristinam sanitatem reuerti.

Pestilenti febre arreptus.

CAPVT LIIII.

PHILIPPVS Stroza & nobilitate generis, & opum affluentia insignis, léta quadam febricula laborabat: & ex medicis, qui ægrum viderant, alij quotidianam, sed leuem, alij ob algorem contractam febrem putabant: nec defuit qui crederet à capite distillasse materiam, quæ putrescentē febriculam gigneret. At nos cum eam ipsam diligentiori examine perpenderemus, pestilentem iudicauimus. Quam sententiam deridentes medici, cum leuatam iam febrē existimarent (latebat enim anguis in herba) familiari tantum medico curam dimitunt. At æger, qui iam conualuisse videbatur, aduentante die septimo, in neruorum subito resolutionem & febrem incidit arreptus.

N

des-

descendentem: qua exhausta voce, & corporis viribus conuullis, paucis etiam diebus mors subsequuta est. Magna igitur esse debet medicorum circumscriptio in cognoscendis curandisque morbis: ne incertitia (vt sæpe fit) atque indiligentia eorum ægri ipsi, qui sese illis penitus tradunt atque committunt, periclitentur.

Claudus ex loco eminentiori cadens liberum recipit gressum.

CAPVT LV.

NICOLAUS architectus cum de eminenti turri præceps ruisset, tantum abfuit, vt ex tam ingenti casu incommodum aliquod reportarit, vt cum antea altero claudicaret pede, rectè deinceps ambulauerit. Quin & puerum vidimus, qui pestilenti morbo correptus curatusque idem malum effugerit. Nam vbi prius vtroque pede claudicaret, vt nisi duobus fulcitus baculis omnino incedere non posset, curatus liberè, id est, sine aliquo adminiculo incedebat.

A Scor-

A Scorpione ictus glacie se opprimi querebatur.

CAPVT LVI.

FAMVLVM habui, qui à scorpione ictus tanto subitò ac tam frigido sudore toto corpore perfusus est, vt argentissima niue atque glacie sese opprimi quereretur. Verùm cum argenti illi solam theriaçam ex vino potentiore exhibuisssem, ilicò curatus est.

ANNOTATIO.

ISTVD exemplum Scorpij venenum frigidum esse ostendit: proinde, & quæ huius veneno Theriaça resistunt, optima, quæ facultate calida.

Fames valida.

CAPVT LVII.

CVM vniuersam penè Italiam anno salutis nonagesimo sexto supra millesimũ quadringentesimum tam ingens ac valida fames affligeret, vt passim multi publicis in viis atque plateis deficerent: multi etiam ex malis & noxiis nutrimentis in varias inciderent ægritudines: vidimus ex his

N 2

quàm

quàm plurimos qui ex diutina fame escam abundantiorē nacti fuerant, dum pleniorē vtuntur victu, paucis diebus vitam finisse: adeò noxia atque pernicioſa nimia ſatietas, quam multa præceſſit inedia. Mulieres quoque vidimus, quæ pueris quos lactarent infectis, & ſe & illos ad mortem deducerēt. Plurimi tamen ex his qui ad valetudinariū deducebantur, medicorum cura & diligētia ad priſtinam reuertebantur ſanitatē.

Mulier ferè mortua ex ſanguinis miſſione.

CAPVT LVIII.

MVLIEREM vidimus, quæ cūm pleniori & obeſo eſſet corpore, & in ardeſcentem incidiſſet febrem, uſa cuiuſdam imperiti medici cōſilio, ſanguinem ex vena copioſum emiſit. Quo ſtatim grauiter afflētata in multò deteriore prolapſa eſt valetudinem. Nam vt in tenuioribus magis ſanguis, ita & in plenioribus magis caro abundat. Noſ igitur cūm ad mulierem vocati, eam ſummo in discrimine poſitam inueniremus, alias omnino obſeruaciones adhiben-

bendas censuimus, eas videlicet, ad quas diriguntur curantis consilium debet. Quare defectam dudum virtutum omni genere auxilij refumo, donec corporis viribus redeuntibus materiam quam exuberare cognouerā, medicamento deponendam censeo: quod cum ex frigidioribus rebus ægrotanti exhibuissem, ilicò extincta est febris, & mulier, de cuius iam funere cogitabatur, per Dei gratiam ritè curata conualuit.

ANNO TATIO.

VITAE thesaurus sanguis est; atque immodica idcirco eius profusio, per quamcunque tandem partē fiat, periculosa. Multi ex immodica profusione mortui sunt: qui verò in vita seruati, sæpenuerò in hydropem inciderunt, refrigerato, scilicet, iocinore, & naturalibus facultatibus labefactatis.

*Ex quartana malè curata, sanitas,
tūc & mors subsequuta.*

CAPVT LIX.

VILLICVS meus annuam quartanam patiebatur, & cōsilio nescio cuius empirici faselum ex omphacino, & alia vsque

ad satietatem deuorans, ad viginti in super vini meri calices ebibit: quo aded inflatus est, vt è foco prope què cœnauerat, amoueri penitus non posset. Quare strato humi pallio quo induebatur, ibidem pernoctauit. Matutino autem aduentante tempore, diffusus per omnia membra sudor est: quo finito, vomitu quicquid comederat reiecit, & cum eo pituitosa excrementa quamplurima. Quo factum vt ex quartana quoque, qua integrum iam annum laborauerat, extrusa, valetudinem sit consequutus: quam quidem rem validioris naturæ vi acceptam referendam arbitrati sumus. Nam amota iam cruditate, & humorum concoctione longiori spatio perfecta, natura quæ sua pigritia torpebat, ab ignauia & torpore propulsa, contra morbum & causas vires excitat, quibustandem sudore ipso atque vomitu & morbum & errorem disiecit. Quod profectò eadem febris comprobauit. Nam cum quatuor post annos hominem iterum inuasisset, & ille putaret eodè se posse auxilio febrem tollere, quo olim fecerat, statim, hoc est, inter morbi ipsius initia, dum scilicet cruda esset adhuc ipsa materia atq. incocta, pleniore vt cū victu & potione abundan-

tiore

tiore exiisdem quibus suprà rebus abusus, ante solis ortum eodem quo decubuerat loco mortuus inuentus est.

ANNOTATIO.

LONGVS morbus Quartana est, diligenti curatione & exquisita victus ratione opus habet, in quibus si peccetur facilè deterior redditur: vel ex hac in morbum alium transitus fit: quod & citra errorem non ratò contingit. Plerique enim ex quartana hydropici, alij phthifici redduntur. Qui sexagesimum ætatis annum superant, si à quartana occupentur, rarò euadunt, & magna ex parte hydropici moriuntur. Iuniores minus periclitantur, nisi natura sint ad phthifim propensi, quibus quartana quandoque in hanc desinit. In quartana facilè multi crudi ac etiam serosi tenuesq. humores colliguntur, naturali facultate ventriculi ac iocinoris per morbi diurnitatem debilitata. Excernuntur hi quandoque per sudores: quandoq. per aluum: nōnullis fluxus sanguinis è naribus accedit: quibus verò nulla harum vacuationum superuenit, vel hydropici fiunt, vel destillantibus in pectus & pulmones humoribus phthifici: quanquam tamè nec hi, ab hydropis periculo liberi sunt, quibus sanguis copiosior diutius è naribus profluit. Contingit verò & crudos crassos melancholicos humores splenem occupare, hydrope non rarò succedente. Quartanæ autem quò puriores, hòc etiam diuturniores, molestæ admodum, quæ calidis morbis

succedunt. Impuræ, & præsertim ex humore melancholico bile permixta, breuiores sunt. Diem hæc subinde mutant. Cum enim accessiones multum anticipent, fit vt quandoque in meridiem vel paulò prius incidant: quod vbi contingit, mox mutato die, tertio, vespertina hora inuadunt, consuetum paroxysmi diem anteuerentes. quo die non recurrit febris, vel admodum clementer, citò recurrere desinens. Atque sic ter mutasse huiusmodi quartanam accessionis diem à nobis quandoque obseruatum est. Naturæ siquidem quartanæ repugnat, vt ante meridiem inuadat. Nam vt generatio eius inclinante anno; sic & particularis accessio non nisi inclinante die accedit. Imponit quandoque medicis triplex quartana, verùm à quotidiana dignoscitur ex eo, quòd accessiones eius à meridie fiant: quotidianarum verò matutino tempore. Curari quartanam quandoque errore contingit. Sed qui vni benè cedit, alteri exitialis est. Sic duos fuisse Iuuenes quartana laborantes Amatus Lusitanus refert Curatione XLII. Centuriæ secundæ: Quorum vnus praua victus ratione euasit: alter vitam cum morte commutauit. Sic etiam quod quādoq. vno tempore (si præter rationem fiat) prodesse videtur, alio tēpore noxium est: vt Beniuenij villico contigit. Desinit verò & quartana febris quandoque alio superueniente affectu: veluti dysenteria, qua nonnulli à quartana olim liberati.

Vnus Autumno nullo alio præcedente morbo quartana correptus, post detractum è sinistro brachij interna vena sanguinem, & assumptas aliquot

ex

ex hiera picra pilulas, in dysenteriam incidit, sed haut molestā. Mox febris mitior facta, & perseuerante dysenteria febris citò desit: Dysenteria verò breui pòst nullo adhibito remedio sponte cessauit.

Monialis quoque quædam, cùm duplici quartana laboraret, superueniente sponte fluxu dysenterico, mox ab vna, deinde ab altera libera facta est. Cessauit & huius fluxus nullo alio adhibito remedio, quàm idonea victus ratione. Huc facere videtur Aph. XLVII. lib. VI. *Lienosis difficultas intestinorū superueniens bonū.* Si enim Lienosis expediens dysenteria est, quartana laborantibus profuisse à ratione haud alienum est. Nam per quartanas, Lien sæpe malè afficitur, & melancholicus humor quartanæ & lieni malè affecto communis est.

*Molesta tussis sola sanguinis
missione curata.*

CAPVT LX.

MOLESTA tussi afficiebatur puella quædam xv. agens annum: quartanæmetri per se grauis & formidabilis esset; eò tamen sese medico formidabiliorem reddebat, quòd vnà sæpius cum ea sanguinem expuerat puella. Quamobrè cū medici ipsi, quibus cura demãdata erat, & hác paulatim tabe consumptam iri, & nullis se posse auxiliis huic malo succurrere viderent, eam tandem Deo & naturæ dimittunt. Verùm pa-

ter (vt est amor) ne quid omnino intentatum relinqueret, me aduocat, puellam ostendit, & quæ hætenus facta sunt, plurimo sermone enarrat. At ego sputum primò colligi iubeo: quod vbi nullum pus subsequi, & sanguinem ipsum minimè etiam purulentum inspicerem, cœpi inecum cogitare, quænam huius vitij causa esset, & an sanguis ipse ex ore vel ex gingiuis, aut fortè ex naribus efferretur: sed cum ex his locis absque vlla profluat tussi, aliunde eum emanare arbitratus sum. Quæro igitur si is ex gutture, aut ex arteriis vlceratis, vel ex pulmone potius, siue ex pectore, aut fortè ex iocinore prorumperet: sed cum nulla essent certa indicia, puellam interrogo an menses illi profluant (solent enim feminæ, quibus sanguis per menstrua non respondet, sæpe cum aut cum tussi expuere, aut vomitione propellere.) Sed negante illa, sanguinem mittendum censeo ex venis, quæ sub talo sunt: id quæ singulis mensibus faciendum, donec isto atque item aliis auxiliis, quæ sanguinem promouere consueuerunt, & menses ipsi ritè profluere cœperunt, & puella quæ iam macie & tabe confecta videretur, sex tantum mensium spatio vires & corpus resu-

resumens, ad pristinam, adiuuante Deo, reuerfa est sanitatem.

Difficultate spirandi mortuus.

CAPVT LXI.

MVLTOs difficultate spirandi laborasse cognouimus: sed inter cæteros quædam, qui non nisi recta ceruice spiritum trahens, paulatim ex angustia deficiente virtute toto corpore pallidus ac liuens efficiebatur: nullus tamen in pectore, nullus in precordiis dolor erat: sed nec sibilus aliquis ob angustias, per quas spiritus euadit, percipiebatur: ex quo iudicare posses ægritudinem in pectore concipi. Verum cum paucos post dies inualefcente morbo ipso, & nullis conferentibus præfidiis, æger è vita migrasset, incidere mortuum decernimus, ut huius mali abditas ac latentes causas deprehenderemus. Quod ubi factum est, inuenimus non parum atræ bilis & sanguinis nigrioris in eius corde coisse: vnde etiam per venas diffusus, non est mirum si corrumpente eo spiritum ipsum, hominem ad festinam mortem deduxerit, quod etiam auctore Gale-
no alias contigisse cognouimus.

ANNOTATIO.

DE spirandi difficultate cum suffocationis periculo in nostris exemplis, cap. XIX. quoque scripsimus.

Ex horrore flamma in febrim incido.

CAPVT LXII.

IN Appiani basilica, cùm adhuc admodũ iuuenis, vnà cum Peregrino Allio literis Græcis operam dabã sub Præceptore Francisco Castilionensĩ religioso viro, vbi cum semel è cubili summo diluculo confurgens adem ipsam ingrederer, vixque limen trãfiliissem, ecce video flammam ab imo pavimento iterum atque iterum sursum ferri: horresco, & pauens ac tremens cursim, vt poteram, cubile ipsum repeto. Me verò Peregrinus condiscipulus meus, qui adhuc in lectulo quiescebat, cùm anhelantem & veluti lymphatum inspiceret, rogat quidnam mali mihi contigerit: vix ego trahebam spiritum, rem tamen vt potui explico. Admiratus & ipse, timere cœpit. Sed cum interim præceptor noster è cubili surrexisset, hominem conuenimus, rem exponimus, cau-

sam

ſam quærimus. Ille verò, vt erat vir doctus & in philoſophia ſatis eruditus: vapores, inquit, ex cadaueribus mortuorum eleuantur, qui calidiſſimum hūc aërem naçti (id enim accidit in ipſo menſe Iulij) facilè inflammantur: quod & nos etiam ſæpius vidimus, ac propterea nihil nobis pertimeſcendum eſt. Hoc etſi ego authoritate viri ſuaſus verum iudico, ex præcedente nihilominus timore, ex quo ſpiritus ipſi cateruatim verſus cor regrediētes inflammati ſunt, in eam, quam Græci ἐφήμεραν vocant, febrē incidi.

Puer horrore mortuus.

CAPVT LXIII.

PVERVM nouimus, qui dum rure paterno degeret, ſinguliſque diebus ad vicinum ſacerdotem ſtudēdi cauſa, vt fit, ſummo manè mitteretur à patre, accidit ſemel vt propè iam intranti illi ſacerdotis ipſius ædes, eſſetq. cœlum paululum adhuc ſubobſcurum, præſtò fuerint duo viri nigris veſtibus obuoluti: quibus adeò perterritus eſt puer, vt toto corpore contremiſcens, altaq. voce auxilium clamitans, in admirabilem ſanè ægritudinem, ac demum in mortem inciderit. Nam ſtato tēpore, id eſt, octauo quo-

quoque die, & eadē fermē hora in eundem
semper horrorem atque clamorem prorue-
bat, donec tabe consumptus, vitam, quæ
nullis præfidiis contineri potuit, miserabili-
ter finiuit.

ANNO TATIO.

PVERVM quoque quandoque visitaui, qui ali-
quot noctes insomnes egerat, & angues circa se
videre existimans, toto subinde corpore contremis-
cebat, & perterritus horrebat. Huic somnife-
rum vnguentum temporibus applicatum anguiū
imaginationem sustulit, somnum procurauit, &
sanitatem contulit.

Tussi scissa est tunica intestinorum.

CAPVT LXIIII.

TVSSI valida vrgebatur puer sextum
agens annum, dumque vehementius
tussiret, scissa est tunica, quæ deducere ab
inferioribus partibus intestina debet, & in
scrotum, Græci *ὄρχον* vocant, intestina de-
uoluta, Herniam fecerunt, qua & in hunc
vsque diem laborat. Tanta enim fuit scissu-
ra, vt nec coïre hætenus vllis potuerit me-
dicamentis, nec etiam in futurum, nisi sola
vstione, coibit.

AN-

ANNOTATIO.

Si peritonæi vel vnitas soluatur, aut laxiora eius fiant foramina, per quæ vasa ad testes deferuntur, citò vel intestina vel omentum extra locum suum decidit, affectusq. fit qui Græcis κοίλη, Latini Ramex dicitur: qui quandoque circa inguina consistit, & Bubono Cœle appellatur: aliàs in scroto, quò si intestina descenderint, εντεροκόβη: si vero omentum, επιπλοοκοίλη nominatur. Curatio autem horum non nisi per sectionem perficitur: quod artis huius peritis relinquendum.

Ictus in cordis tunica conualuit.

CAPVT LXV.

Ex nobili familia nati fratres duo, eadem etiam cohabitantes domo, atque eodẽ victu viuentes, dum inter cœnandum orta (vt fit) inter eos lite, alter alterum gladio, quo in mensa vteretur, in ipsius cordis sede percussisset, plurimusq. ex vulnere sanguis efferretur, languescunt ilicò venæ, pallet facies, sudor frigidus toto corpore manat, arteriæ non eleuantur, omniaq. demum mortis signa apparent. Verùm ne nihil omnino agerem, iubeo hominem his rebus foueri, quibus cordis vires refici possint.

cum-

cumque æger usque ad mediam noctem eodem sese habitu haberet, & de eius potius funere quam de vita cogitaretur, coepit paulatim spiritus reuerti. Quare sumpta spe curam prosequor, donec aliis atque item aliis præfidiis usus, hominem tandem, Deo adiuuante, ad pristinam sanitatem reduco: ex quo planè cognouimus non ictum cor, ut putabamus, sed eius tantum tunicam leuiter fuisse perstrictam.

Vitium stomachi curatum.

CAPVT LXVI.

INTER stomachi vitia vulgatissimum est resolutio, quæ vel calidiore, aut frigidiore, humidiorèue, vel etiam sicciore habitu plerumque solet accidere.

Nobilis quidam vir Ioannes nomine, ciuis Neapolitanus, cum diu eiusmodi vitio laborasset, & ex medicis nostri seculi plurimi hominem curandum suscepissent, nullum tamen inuenire auxilium idoneum potuit.

Quare cum Florentiam demum veniens me conuenisset, & quæ hactenus ex Medicorum consilio huic vitio adhibuisset, ordine

ne enarrasset: ex his quibus vsus est præfidiis facile cognouimus, existimasse medicos omnes eum malo habitu frigido laborare. Nos verò & præcedenti curatione, & aliis haud sanè obscuris indiciis, longè aliter sentiètes, calidiore habitu eius affici ventriculū arbitrati sumus. Quare ad ea auxilia cōuersi, quæ aridum iam ac tabe penè consumptum corpus desiderare videbatur: primo die solas lactuculas ex aceto & oleo commanducare præcipimus: quas cū viles stomacho atq. idoneas percepisset, iubeo dimittat balneū, frictiones, exercitationes, præsertim superiorum partium, vnctiones omnes & cibos calidiores, quibus hactenus vsus fuerat, & ad frigidos potius ac difficilioris concoctionis sese conuertat. Vnde & veruecem magis quàm auem, aut venationē, aut piscem, nisi sit generis durioris, in hac sua ægritudine conlaudo. Potui quoque aptissimum illi vinum frigidum & austerum, ineptissimum calidum & crassum esse pronuncio. Quibus cū ille auscultasset, ac diligentissimè ea exequutus fuisset, hoc tantum genere victus & frigidioribus medicamentis vsus, intra duos menses pristinam recuperavit sanitatem.

O

Meli.

Melicera pro carbunculo indicata.

CAPVT LXVII.

VLCCERE subalbido furunculo simili, quod Græci, eò quòd faui speciem habeat, *μελικηρήν* vocant, vir quidam nomine Paulus laborabat. Id autem cùm febrem & inflammationem ingentem excitasset, medicum quidem sed qui per imperitiam vlceris ipsius naturam minimè calleret, accersit. Eo autem iudicante vlcus ipsum pestilens esse (venit enim cum dolore vehementi, habensque foramina per quæ fertur humor glutinosus, vix maturescit) simul omnes cum consulente medico aufugiunt, vni tantum viro ægri curam commendantes. Quo factum, vt desperatis penè rebus ad me mitteret, rogaretque aliquod pereunti illi auxilium ferrem. Sciscitor itaque nuncium vlceris naturam, & an increseat ægritudo, vel deficiat virtus, aut fortè eo loco pestilentes sint febres. Refertur, vlcus non nigrum, non lucens, non pallidum esse, febrem lentam & penè leuatam, sana omnia in regione illa. Accedo igitur ad hominem: cumque contrà hilari vultu resedissem, faciem primò

ocu-

oculosque sano similes intueor. Tum arteriam tangens, pleniorē quoque reperio. Quare sanitatem pollicitus vlcus detego, & omni sublato timore familiam reuocās, curam aggredior: quæ licet difficilis admodū fuerit, ad integram tamen sanitatem æger ille per Dei gratiam reuersus est.

Incisus coles sanari nequiuit.

CAPVT LXVIII.

MEDIVM sibi colem lino, & quidem arctè deligauerat puer insciis parentibus, eoq. tam diu vinctus fuit, donec plagæ altitudo ad iter vrinæ ascenderet duobus locis: quibus & quod vrina ipsa inde mitteretur, & quod vtrimque oræ obcalluerint, coire vlcus atque conglutinari nullis vnquā remediis potuit.

Monachum etiam iisdem fermè temporibus vidimus atque curauimus, qui ob zelum castitatis, sed indiscretum tamen ac minimè secundum Dei rationabile obsequium, colem sibi & quidem pubetenus prorsus absciderat: ex quo cum sanguis copiosus efflueret, ac propterea medicamenta

omnia vinceret & exuperaret, arduum sanè ac laboriosum fuit eiusmodi profluvium sistere atque inhibere. Oportuit enim singulas venas, quæ sanguinem fundebant, apprehendere, atque ita deligare, vt ora præclusa coirent. Quo facto reliquum curæ genus haud admodum difficile fuit, donec vulnus ritè curatum penitus sanesceret.

*Qui ex nimia plenitudine mori videretur, sola sanguinis missio-
ne sanatur.*

CAPVT LXIX.

PLV R I M V M in morbis iudicâdis tribuunt vcnarum pulsui: qui si imbecilli exiguique fuerint, mortem plerumq. denunciant: sin. contrâ magni & pleniores, salutis spem adferunt. Nostamen Philippû quendam vidimus, hominem sanè ebriosum & corpulentum, cuius pulsus, dum languens in lecto iaceret, ita parvus & exiliserat, vt cùm à Medico percipi vix posset, facilè crederes mortem instare, ni facies rubicundior, oculi, dentes, & venæ pleniores iudicio præsentis medici obstitissent. Quare tâti mali causam

sam diligentius perquirens, iudico id obniam saturitatem sanguinisque abundantiam fieri, nullumq. opportunius adhiberi posse auxilium, quam sanguinis ipsius celerissimam missionem. Sed obstabant cognati atque amici, verentes ne huiusmodi praesidium hominem celerius occideret. Instanti tamen mihi, ac certam, si id fieri permetterent, salutem pollicenti, tandem acquieverunt. Quare accersito statim ministro sanguis mittitur. Nec mora pulsus simul & vires tam celeriter redeunt, ut festinantior adfuerit ipsa sanitas, quam mors quae praeforibus excubare visa est, ad futura crederetur.

ANNO TATIO.

QUANTVM periculi ex nimia plenitudine immineat Hippocrates Apho. 3. lib. 1. ostendit: Habitus Athletarum &c. & Galenus quoque in eiusdem Aphorismi commentariis refert. Cum enim vasa supra modum fuerint repleta, periculum est ne dirumpantur, vel calor naturalis suffocetur. Sicuti nonnullis accidit, ut Galenus ait, qui cum ad immodicam venissent repletionem, subita morte interierunt. Quemadmodum & Philippo, de quo Beniuenius, accidisset, nisi tempestive sanguis detractus fuisset. Adfui & ego olim homini ebrioso, qui cum ad tantam plenitudinem venisset, ut

O 3 quo-

quodammodò strangulari videretur, etiam mutus factus fuit. Huic verò & sanguis largiter detractus è communi dextri brachij vena, mox loquelam & sanitatem restituit.

Abscessus solæ theriacæ apertus.

CAPVT LXX.

PVERVLVS thoracis abscessu laborabat, & cùm condita & matura iam suppuratio esset, timeretque ille vlcus mucrone discindi, theriacam superpono: qua non secus vnus tantùm noctis spacio abscessus ipse apertus est, ac si scalpello fuisset incisus: ex quo facilè coniectari potest, quanta sit huius compositi vis. quod & nos sæpe aliàs experti sumus.

Gangranam mortem adferre, si à digito pedis incœperit.

CAPVT LXXI.

QVI vlcere nigro, quod *γῆρας* Græci appellant, afficiuntur, si id à digito pedis incœperit, & patiens fuerit senex, vel ex his quorum corpus mali habitus sit, celerius moriuntur. Nouimus nos Cambrinum, Carolum, & Thomam ciues Florenti-

rentinos, nec non & alios quamplurimos huiuscemodi affectos vitio, paucis diebus vitam finisse. incipit enim caro ipsa in vlcere paulatim nigrescere, vel liuens fieri: quin & arida interim atq. sicca, & cutis circumiacens nigris impletur pustulis: tùm & quæ proxima est, amisso sensu liuet palletque. Nec prius serpere id malum desinit, donec ossa etiam inficiat: quod si quicquid aridum est, & proximum quoque locum vel vsque ad sanum prorsus excideris, reuertitur tamẽ & serpit. Verùm cùm aliæ partes corporis hoc malo afficiuntur, plerumque sanantur. In illiusmodi autem membris & calor est debilis, & nerui insunt plurimi: qui cum inficiuntur, facilè etiam circumiacentia loca inurunt. Vnde & proxima his statim liuent, donec totum membrum miserabiliter occupant atque inficiunt.

ANNO TATIO.

COCTORI ceruicia, de quo nostrorum exemplorum, cap. xxvii. Gangræna quoque à digito pedis incæpit: veluti & puero, de quo cap. liii. Malè affectis internis visceribus & facultatibus vitali ac naturali insigniter debilitatis, extremas partes vita & calore simul destitui contingit.

*Ex carcinomate exagitato mors
subsequuta.*

CAPVT LXXII.

VENIT ad me Philippus quidam textor, cui in læua frontis parte tumor erat immobilis inæqualisque, ac furunculo per-
similis, qui etiam tangenti renitebatur. Et
venæ, quæ circa locum erant, pallidæ quodammodo ac liuore quodam suffusæ, vltra
decorum intumuerant. Cumque nostrum
de hac re perquisiuiſſet iudicium, consulo
ne id malum quoquo modo tollere præſu-
mat, sed leuioribus tantum medicamentis
illi blandiatur. Discessit, & cum in manus
imperiti cuiusdam medici incidisset, tota
iam intra mensem frôte & altero oculo ero-
so, ad me reuertitur, sciscitansque an aliqua
salutis superſit ſpes: vtinam, inquit, consu-
lenti tibi fidem habuiſſem. Moneo igitur
hominem, ne vllis præterea vtatur medica-
mentis præterquam blandis & leuioribus.
Quod ſi asperis & erodentibus vteretur, fo-
re vt breui reliquum etiam ipſius faciei ero-
deretur. Audiuit tandem homo, & cum his
tatum quæ nos illi ſecundum hanc intentio-
nem

nem parauimus, medicamentis semper vsus fuisset, vt ad decimum vsque annum superuixit, ita certè si id malum ex consilio nostro nunquam agitasset, ad vltimum senectutis peruenisset.

A Ramice curatus interiit.

CAPVT LXXIII.

RAMICE vexabatur Michelotius noster: cumque sacerdoti cuidam, qui hanc artem profiteretur, sese curandum tradidisset, duplici statim ille fascia inguen deuinxit, non repulso in superiores partes intestino. Dumque membrum ipsum ita vt erat arctius obligatum in octauum vsq. diè detinuisset, effectque interim ingens exorta inflammatio, quæ hominem ea parte, qua fascia deligabatur, miserabiliter cruciaret, repente omnis amotus est dolor, & ipse delirare cœpit. Quare cum ad ægrum serò quidem, sed tamen vocatus accederem, primò arteriam tango: cumque pulsus vix eleuari perciperem, & faciem inspectans, eam nimio pallore suffusam, atq. ipsos etiam oculos cauos effectos aduerterem, iubeo sacer-

O s dotem

dotem accerfant: tum fascia illa soluta, locum vndique nigrescentem cerno, cumque specillum vlceri imponerem, omnia circumiacentia intestina iam putruisse cognosco. Ex quo paucis dein horis è vita discedens, vtile nobis documentum sua morte reliquit; languentium scilicet corpora non sacerdotibus, quibus tantum animarum cura demandata est, sed doctioribus Medicis tradi oportere.

ANNOTATIO.

NON omnes, qui à ramice aut vesicæ calculo per sectionem curantur, in vita seruantur. plerique etenim eorum moriuntur: quibus videlicet per diuturnitatem mali ac dolorum vires, debilitatæ sunt, aut aliquod ex internis visceribus corruptum. quod calculo in vesica consistente facile fit. Tandem enim renes inflammantur, ac deinde suppurantur, vt cap. XLIIII. nostrorum exemplorum annotatum est. Et tunc quidem artifex culpandus non est. Sed si sinistra adhibeatur curatio, culpa in artificem cadit: veluti in hunc sacerdotem, qui intestino non sursum repulso, curationem ramicis temerè aggressus fuit.

Puel-

Puella oculo perforato visum recuperavit.

CAPVT LXXIIII.

QUATVOR annos natam puellam vidimus, cui, dum ea nodum in panno soluere acuto gladio niteretur, resiliens mucro oculum dextrum percussit: quo perforata ipsius oculi tunica, plurimus statim inde fluxit humor: quare etsi visum prorsus amiserit, ipsum tamen haud multò post ritè curata recepit. Tanta enim inest vis tenellæ illi ætati, vt hunc ipsum oculi humorem (quod sæpe accidit) in integrum reficere possit.

Iocinoris vitio laborans sola sanguinis missione sanatur.

CAPVT LXXV.

IOCINORIS vitio afficiebatur Antonius Brunellefcus, ex quo cum vehemens dolor à latere dextro in iugulum humerumque transmitteretur, & bilem quoque euomentem ægrum singultus etiam penè strangularet, ad hominem vocatus accedo. Verùm cum huiuscemodi vitij notæ exdē
ferè

ferè sint, quæ & lateris abscessum indicant, Medicus cui primùm ægri cura demandata fuerat, medicamentis & cataplasmatibus eius pectori medebatur. Sed cùm dolor & angustia magis magisque hominem affligerent, iubeo sanguinem ex vena, quæ ad iecur dirigitur, statim diduci: & quæ ille insuper pectori adhibuerat medicamenta, iocinori ipsi impono, donec æger ad sanitatem reuertitur: quod paucis diebus factum est. Oportet igitur medicum non solum morbum cognoscere, sed & locum etiam in quo fit, diligentius perscrutari.

Scisso intestino graciliore vita amittitur.

CAPVT LXXVI.

TENVIORIS intestini morbo, quem Græci *ἑλκευ* vocant, vrgeri commune est: sed vrgeri, vt sic vitâ tollat, inauditum. Corpulenta quædam mulier, cùm modò supra, modò infra vmbilicum intolerabili premeretur dolore, nec vllus hinc inde spiritus erumperet, ad eò agitata est, vt scisso tandem intestino vitam finierit. Quod nisi incisa mortua pluribus innotuisset, nescio an
citra

citra mendacij suspicionem à me scribi potuisset. Sed & rusticum nouimus, qui cùm post longiores torsiones, & ventris diuturnas inflammationes diem obiisset, & mortui incideretur corpus, longior in intestino fissura inuenta est: ex qua etiam recentes vuas, quas paulò antè comederat, prorupisse conspeximus.

Vermis ex pectore propulsus.

CAPVT LXXVII.

LABORABAT Antonius Sículus molesta quadam tussicula, & cùm diu nihil conferentibus auxiliis hoc malum tolerasset, ad nostandem venit: rem exponit: consilium quærit. Nos verò & quòd morbus diutius inueterasset, & quòd multos expertus medicos, nihil omnino profecisset, putabamus hoc vitiù agrè elidi posse. Verùm ne quid intentatum relinqueretur, marrubij succum ex melle agrum deuorare iussimus singulis diebus: tum & interiectis temporibus scyllam lambere, donec vermis ex eius pectore vnà cum tussi propulsus hominem sanitati restituit.

AN-

ANNOTATIO.

VERMES in intestinis reperiri frequenter cōtingit, qui & quandoque vomitu reiiciūtur: sapissimè verò per inferiora descendunt. In pectore autem & pulmone gigni, atque cum tussi expelli, inter rarissima & admiranda numerandum: atque ideò quidem magis, quòd pulmo assidue moueatur, locum quo hærere ac quiescere posset nullum vermi relinquens. Nec minus admirandum est & in vesica nasci vermem: quod tamen cuidam viro accidit, cui in vesica existens, multis modis molestus fuit, quandoque etiam sanguinis mictu provocato, donec tandem per penis meatum spontè egressus, finem doloribus imponeret.

Calculus vi sua decisus.

CAPVT LXXVIII.

NICOLAVS Rusticus calculo vexabatur, figura, vt postea conspeximus, longiore. Hic cū ab ima parte acutior & asperior esset, vesicam ipsam incidit: tum & testiculorum tunica perfracta, post multos ac penè intolerabiles dolores, tandem in conspectum venit: quo haud magna postmodum difficultate deducto, cum multi hominem moriturum, & quidem rectè, iudic-

dicarent (neq. enim vesica cùm incisa fuerit, præsertim inferiore parte, cohæret) ille tamen præter omnium opinionem conuuluit: hoc solùm ex tanto malo homini incommodo relicto, quod inde semper quoad vixit vrinam reddidit.

ANNO TATIO.

FORAMEN per quod vrina reddebatur, quale Nicolao Rustico in scroto relictum fuit à calculo illac delapso, memini me quandoque videre in perinæo, non tamen ex calculo sed ab vlcere ceruicis vesicæ natum: vlcere enim vesicæ ceruix si quando afficitur, non rarò eousque hoc ipsum progreditur, vt tãdem exesa cute perinæi, foras erumpat: Atque tunc quidem per foramen assidue vrina profluit, vlcere curationem non admittente. Quod in pluribus obseruatum.

Os feminis erosum.

CAPVT LXXIX.

VRGEBATUR Rogerij Corbinelli filia in ilibus dextris dolore ferè perpetuo. Quare multis diuerso tempore vocatis medicis, cum vnusquisque pro ingenio suo (diuersi enim diuersa sentiebant) puellam curaf-

curassent, & præsidia nihil omnino profecissent, è medio tandem sublata est. Quare consilium fuit incidere corpus mortuæ, & inuentum est os feminis erosum, maximâque ossis partem in puluerem redactam: nec non & circa matricis os quatuor quasi lutei tuberculi instar pilæ, quorum tres aqua opplebantur, quartus paululum præ cæteris eleuabatur, vndique dentatus, & superficie inæqualis atque durior, vtpote qui ex carne atraque bile genitus esset. Non igitur admodum mirandum est, si in eiusmodi morbis, quorum causæ incertæ abditæque sunt, diuersi Medici diuersa sentiant, & loquantur. Nā & Antonij Iaceti filium nouimus, qui cum ingenti coxarum dolore vexatus, in maximam primùm debilitatem, tum & in mortem nihil iuuantibus medicis, nihilque conferentibus præsidiis deuenisset, inciso corpore inuentus est pestifer humor in coxa, quo magna pars ossis erosa, etiam in cinerem versa videbatur.

Calculo euulso sanata est mulier.

C A P V T LXXX.

CALCVLVM non in viris tantum, sed etiam in feminis cōcrescere certum est. Monia-

Monialis quædam duodecimo iam die vrinam non reddebat, propterea quod ipsius vrinæ iter calculo obstrueretur, quod etiam materia multa confluerat. Quare cum neque ænea fistula, neque medicamentis aliis vinci hoc malum posset, insolitum alioquin, sed tamen opportunum consilium capiens, vncum calculo iniicio, ne scilicet coccussus iterum in vesicam reuolueretur. Tum ferramento priore parte retuso calculum ipsum percussio, donec sæpius ictus in frusta comminuitur: & tunc omni qua potui diligentia, ne quid intus omnino læderetur, vncum ipsum pariter ac ferramentum reduco: ex quo simul vrina atque calculis remissis statim sanata est mulier.

ANNO TATIO.

NON admodum dissimilis hæc curatio est ab ea, de qua Exemplorum nostrorum cap. XLV, scripsimus.

Ex solo vento mors subsequuta.

CAPVT LXXXI.

LODOVICVM Nicolinum generosi Equitis Othonis filium vidimus, qui cum solo vento viscera & stomachum impeten-

P te adeo

te aded in monoculo afflicteretur, vt dum pars parte premitur, exitu hinc inde negato, non solum viscera & pectus, sed scapulę etiā incredibili extenderentur dolore, & spiritus magna ac miserabilis fieret angustia, tertio deniq; die, nihil conferentibus auxiliis, è vita migravit. Inciso autem eius cadauere, & viscera omnia vento plena conspeximus, & in sinistro cordis ventriculo obduratum callum inuenimus, qui nucis magnitudinem æquaret. Quare vt illum, hoc est, ventum mortis ipsius, ita hunc, scilicet callum, aduersæ hominis valetudinis causam fuisse arbitrati sumus.

ANNOTATIO.

TYMPANITI quoque & hic affectus similis apparet, de qua Exemplorum nostrorum, cap. xxxvi. ii. egimus.

Brachium ab humero diductum.

CAPVT LXXXII.

COHÆRERE interdum membra exulcerata vel protinus in vtero, aut etiam vitione consueuerunt. Nos autem puellam vidimus & curauimus, cuius totum brachiū

fer-

feruentissimæ aquæ effusione humero co-
hæferat. Cumque nemo ex prudentioribus
medicis inueniretur, qui puellam curare au-
deret (periculum enim erat, ne dum mem-
bra ipsa scalpello discernerentur, nervus in-
cideretur, & sanguis immodicus proflueret).
ego solus ut eram iuuenis hanc curam ag-
gressus, paulatim cicatricem ipsam scalpello
discindo, sanguinem suppressens, donec
ad cubiti iuncturâ, ubi nervus est, deuenio:
tum separatim utrumque molliore empla-
stro circundo: & quoniam extendere bra-
chium non poterat, iubeo ut grauiore pon-
dere sumpto, manu id perferat, donec pau-
latim extendatur. Quod cum ipsa diutur-
nioris temporis spatio obseruasset, ad pristi-
num tandem statum reuersum est brachiū
ipsum, sola gratia & munere illius, qui est
benedictus in secula.

Cor pilis refertum.

CAPVT LXXXIII.

IACOBVS latro è patibulo quo suspensus
fuerat, veluti iam mortuus, sed qui tamen
adhuc viueret, depositus atque curatus con-
ualuit. Verum, ut erat homo ingenio malo

P 2 pra-

prauoque, ad eadem statim scelera reuolutus, quibus antea extremum promeruerat supplicium, iterum capitur atque suspenditur. Quare hominis admirati nequitiam, mortui cadauer incidendum curauimus: & inuentum est cor eius ob eximiam caliditatem vndique pilis refertum! Hoc idem inuentum est in corde Aristomenis Græci, qui solus perhibetur integras acies pugnando in fugam vertisse. Est ergo non tantum sceleris ingenij signum, sed quandoque etiam raræ fortitudinis.

Ex stata febre vita sublata.

CAPVT LXXXIIII.

IOANNES Architectus singulis annis stato die, hoc est, quo natus fuerat, febre implicabatur: quæ ex putrescente bile genita, suum circuitum seruans, quartum & decimum non transgrediebatur diem: donec senio confectus, & eadem ex more complicatus febre natali suo die vi morbi prostratus, naturæ concessit.

Mul-

Multitudo vermium reiecta

CAPVT LXXXV.

LAURENTII Lanij filium vidimus, qui septimum agens annum, triduo ex nimia lumbricorum vi ferè mortuus iacuit, solo potu ex gramine, aceto & saccharo vivens. Quarto autem die cum medicamentum ex aloë, myrrha, & croco ei propinaretur, duodequingenta supra centum vermibus aluo depositis, statim convaluit.

ANNOTATIO.

MULTOS quoque vermes puellam quandam excreuisse Alexander Benedictus scribit: frequenter verò & hoc contingit. Nota & mihi mulier fuit supra quadraginta annos nata, quę gravissimis ventriculi doloribus, & nausea subinde correpta, ab assumpta hiera picra quadraginta (plus minus) vermes excrevit. Puerilis autem magna ex parte hic affectus est; sed tamen & seniores à vermibus quandoque male habent. Hippocrates aut quisquis auctor lib. De Morbis 1111. Lumbricos non modò latos, sed & rotundos in pueris, ait, dū adhuc in utero sunt, nasci, quia aliquando cum recens natorum excrementis visi sunt excerni. Eosdē verò, & alios parere, ait, quod quidem & quandoque contingere observatum. Nam per medicamē-

ta expulsi reperti aliquando nonnulli sunt alios in ventre habentes. Atque hinc fit ut post expurgatos, alij subinde iterum in intestinis renascantur: veluti mulieri contigit, de qua scripsimus, quæ singulis mensibus præseruationis causa hieram picram assumens, tamen aliquot semper vermes aut vermiculos excreuit. Præter verò rotundos lumbricos, non modo lati, de quibus mox, sed & alij quandoque generantur. Memini enim puellam ix. annorum ab assumpto vermēs pellente medicamento non lumbricis, sed erucis similes vermēs reiecit, aliquantulum tamen breuiiores, multipedes, & quidē adhuc viuentes. Narrat & Cornelius Gémma De Diuinis characteris lib. i. cap. vi. varias vermium species, tum & alia per aluum excreta.

Recrementa ex naturalibus deiecta.

CAPVT LXXXVI.

PUELLAM quoque vidimus, quæ clauso ani meatu nata, octauo quoque die recrementa ex naturalibus deiciebat. Cumque hoc implicita malo vsque ad sextum decimum annum vitam duxisset, vi tandē morbi, quod *εποφὸν* Græci vocant (id autem fit cum intestina circa vmbilicum torquentur) miserabili cruciatur deiecta ē medio sublata est.

Ver-

Vermes cucurbitini eiekti.

CAPVT LXXXVII.

IN Auinionis balneis, quæ sunt in agro Senensi, mulierem vidimus quæ continuis septem diebus aqua epota, quàm plurimostandem ex iis, quos medici propterea quòd Cucurbitæ semina imitantur Cucurbitinos vocant, vermes eiecit. Qui ita inter sese, (dum scilicet alter alteri mordicus inhæreret) iungebantur, vt cum sua ipsi serie quatuor cubitorum longitudinem excederent, vnum tantum corpus, vnum duntaxat vermem putares.

ANNOTATIO.

VERMES Cucurbitini, lumbricorum latiorum nomen apud Hippocratem & alios veteres acceperunt: Cucurbitini verò etiam dicuntur, quòd quædam ab hoc abrupta cum excrementis alui quandoq. excernuntur, Cucurbitæ seminum similitudinem referentia. Latium autem Lumbricum permutationem esse pelliculæ intestina intrinsecus ambientis in corpus quoddam viuū, Aëtius sermone primo cap. xl. Tetrabibli ter tij scribit. Hippocrates verò lib. iiii. De Morbis, conuasci pueris in vtero materno, asserit: augeri verò cum puero, ita vt æqualis fiat intestino. Quod quibusdam

pubertatis tempore: alijs serius fit. Posteaquam autem intestino adæquatus est, quandoque etiam maiorem ac longiorem fieri, atque vnâ cum stercore prodire; excidens veluti cucurbitæ semen. Aduersus hunc si medicamentum datum fuerit, & homo sit præparatus, totus rotundus & in pilæ modum formatus exit: si verò ab assumpto medicamento adhuc hæreat, pars eius, abrumpitur longitudine duorum aut trium cubitorum. Posteaquam verò abruptus est, nullæ eius partes longè post cum stercore exeunt: Hec Hippocrates. Vidi verò & curavi olim honestū virum ab huiuscemodi verme malè habentem, qui quandoque ab assumpta potione purgante ex ano suo lati lumbrici vlnas duas aut tres extraxit, & post aliquanto tempore melius habere sibi videbatur. Pallidus autem hic erat, & cibum quandoque vehementer appetebat, alio tempore fastidiebat.

Frustulum carnis eiectum.

CAPVT. LXXXVIII.

ILLUD etiam memoria dignum videtur: Mulier præfocata cum ab omnibus pro mortua haberetur, & de eius potius funere quàm de vita cogitarent assistentes, paulatim quasi grauiori somno excitata, in molestissimā incidit tussim: qua cum diu agitata esset, durioris tandem carnis frustulum eiecit, & sanata est.

Sed

Sed & Iulianus Medicæ artis professus, dum grauius ægrotaret, & aduenienti medico dolorem, quo circa ventriculum miserabiliter cruciabatur, exponeret, tangente illo (vt fit) ac manibus locum pertractante, erupit in vomitum: quo & ipse frustum carnis ad paruæ pilæ magnitudinem, in quo vermis non secus ac brucus in filiqua recludebatur, eieciens, ad pristinam statim reuersus est valetudinem.

Quæ inciso mortuo notatu digna inuenta sunt.

CAPVT LXXXIX.

NON videntur silentio esse prætereunda, quæ nuper in inciso Iacobi cuiusdâ furis insignis cadauere annotauimus: bifurcatam scilicet venam, quæ à liene ad ventriculum atram deferret bilem, tum & abscessum in sinistro cordis ventre pituita redundantem: postremò & posteriorem eius capitis partem, vbi memoriæ sedes est, adedò breuem, vt tantillam cerebri portiunculam contineret. Quam ob causam cum priorum scelerum, & eorum quæ pro his sæpe passus fuerat, tormenta scilicet, exilia, &

carceres minimè recordaretur, toties ad vomitum tanquam canis impudens reuersus est, vt in laqueum tandem inciderit, vitæq. ac furti finem fecerit.

Vrina ex alienis locis emanans.

CAPVT XC.

CONTRAHITVR etiam ex matris utero circa naturalia vitium, vt obstru-ctio meatus, ex quo fluere vrina solet. Vidimus enim & nos puerum quendam atque puellam nobilē hoc vitio laborantes. Quorum alter, cum adeò meatus ipse clausus obstructusq. esset, vt meiere inde non posset, ex angusto admodum foramine, quod paulum infra glandem vrina ipsa vi sua effecerat, emingebat, sed non absque ingenti ciu-latu, & genitalis membri tumore. Altera verò ex loco qui est infra pectinem paululum supra vuluam vrinam reddebat, nullis interim apparentibus signis atque indiciis, vnde ipsa naturaliter efferri debuerit. Hanc autem nos cum parentum rogatu curare tē-tauerimus, & nullum huic malo idoneum inueniretur præsidium, ita vt erat incurata ad vltimum vitæ suæ terminum permanfit.

ANNOTATION.

ISTIS exemplis annumerari potest & illud, de quo cap. xxviii. tum & illud cuius Amatus Lusitanus, & nos in eiusdem cap. Annotatione meminimus.

Ex noxa illata nervis vox deperdita.

CAPVT XCI.

RUSTICVS quidam cum decliviore capitis prora percussus recidisset, & alteram capitis ipsius partem oppositam ad terrā, ut par fuit, elideret, surrexit quidem, sed mutus: id autē siue ex repercussione nervorum, qui regrediuntur ex pectore, siue ex defluēte materia, quæ nervos illos oppleuerit, tam incertum, quàm certissimum ex hoc communicatam noxam nervis ipsis, qui vocem effingunt. Nam & Galenus facile Medicorum princeps in libro, quem De Interioribus scribit, affirmat fuisse hominē, qui dū glandula illi abscinderetur in collo, & scalpellū nervos ipsos, quibus vox effingitur, incideret, ilicō factus est mutus.

A Lumbricis vexatus puer quiescere non poterat.

CAPVT XCII.

PVERVM vidimus & curauimus, qui cum nullo modo quiescere posset, sed
ita

ita semper hinc inde temerario quodam impetu & inordinato motu ferretur, ut etiam stare volens iterum titubaret & caderet, quæsitum est à medicis, quænam esset abdita causa huius mali: quod illi distentionem cum saltu putabant. Sed cum nullam prorsus aliam inuenirent quam timorem, in quem paucis antè diebus puer ipse, nescio quam ob rem, incidisse dicebatur, idoneis secundum hanc rationem medicamentis puerum curare cœperunt: quæ cum nihil omnino proficerent, & in nostras tandem deuenisset manus, deprehensa statim morbi causa, quam solos lumbricos esse persensimus, usque adeo ad hoc malum propulsandum facilem & expeditum aditum habuimus, ut hac sola intentione curatus puer, ad pristinam breui reuersus sit valetudinem.

ANNO TATIO.

PVEROS præcipuè à Lumbricis infestari in Annotatione cap. lxxxv. scriptum. Superueniunt verò & his quandoque ab ipsis vermibus etiam convulsiones & comitiales accessiones, quæ tamen, eductis ac expurgatis vermibus, ac sopitis doloribus, ut plurimum cessant.

Mulier

Mulier ex lapsu urinam continere non poterat.

CAPVT XCIII.

VENIT ad me mulier quædam, quæ urinam continere non poterat: cumq. aliquod à nobis præsidium plurimis iam defatigatis medicis exposceret, interrogo an aliquam huius mali causam teneat. Negate illa, iterum quæro cecideritne, ex quo fortè ani sedes elisa fuerit. Cumque & ipsa fateretur olim se de ficu prolapsam, ultimâ spinæ vertebra elisissè, nullo tamen inde sensibili percepto nocumento: & nos non fugeret oriri ex ea ipsa vertebra neruum, qui constringendi vesicam vim habet, huius statim ægritudinis causam deprehēdimus. Attrito enim ex eius lapsu neruo ipso, consequens fuit, vt relaxata vesica urinam continere non posset: quod & sæpe aliàs ex eadem causa accidisse cognouimus. Hoc igitur nos malo idoneis eliso præsidiis, mulierem ipsam per Dei gratiam pristinæ sanitati reddidimus.

Calcu-

Calculus in tunica fellis.

CAPVT XCIII.

Decessit his diebus mulier nobilis
Diamantes nomine, dolore prostrata
calculi: sed cū nullum antea ex eo perce-
pisset nocumētum, visum est medicis mor-
tuæ cadauer incidere: & reperti sunt lapi-
des quamplurimi, non quidem vllus in ve-
fica, vt putabatur, sed præter vnum, qui in
tunica fellis coloris atrii & magnitudine ca-
stanæ aridæ continebatur, cæteri omnes in
panniculo, quo contegitur hepar, vnde etiā
veluti in folliculo dependuli sacculum effe-
cerant. Hanc autem nos mortis causam ra-
ti, sapientis viri consilium esse duximus, ni-
hil omnino de incertis & occultis morbis
statuere.

ANNOTATIO.

In folliculo fellis natos quoque calculos & nos
obseruauimus: Solent autem isti subluteo colo-
re pallere: nausea & cibi fastidio laborare: & diuti-
nè aduersa valetudine frui. Colligi verò & in mem-
brana iocinoris cap. tertio annotatum fuit.

*Ex precedentibus torminibus erosi villi, qui-
bus vis retinendi fulcitur.*

CAPVT XCV.

Intestinorum tormina, quod Græ-
ci *δυσεντερίαν* vocant, exulcerare intesti-
na in-

na intus consueuerunt, indeque descendunt
 cruenta & muccosa excrementa: cumque
 id malum diutius inueterascit, aut homi-
 nem tollit, aut (quod forsitan deterius est)
 nunquam sanescit. Nam & nos Iulianum
 quendam nouimus, qui cum post quadra-
 ginta dies, quibus hoc morbo vexatus est,
 sublatis iam doloribus ac deiiciendi cupidi-
 tate, eius aluus impendiò liquidior perman-
 sisset, & sapius quam par fuerat ferretur,
 nullis vnquam auxiliis curari potuit, quin
 semper quoad vixit, & impetum ventris co-
 hibere nequiret, & vbicunque deiiciendi
 cupiditas hominem vrgeret, ibidem excre-
 menta deponeret, erosus scilicet ex præce-
 dentibus torminibus atque consumptis vil-
 lis, quibus vis ipsa retinendi fulcitur.

Ex iisdem torminibus erosa viscera.

CAPVT XCVI.

VIDIMVS & alium natione Areti-
 num, qui cum iis item torminibus
 diutius vexatus fuisset, & iisdem denique in
 erodétia ipsorum intestinorum vlcera, tum
 in tabem, postremò in mortem incidens,
 erosa intus viscera ostēdebat: è quibus dum
 ita af-

ita affectus superuixit, vt triennium non excesserit, continuò sanies effundebatur.

Morbus Comitialis.

CAPVT XCVII.

ETSI nouissimus inter ceteros morbos esse soleat qui Comitialis nominatur, ignotus tamen apud multos plerumque est, vt quem nuper in puella vidimus Aretina: quæ cum huiusmodi inuaderetur morbo, minimè (vt assolet) concidebat, minimeque ex eius ore ferebatur spuma. Sed stans caput tandem hinc inde, ac si quid inspicere vellet, tota cum ceruice mouebat, nihil interim loquens, nihil audiens, nihil sentiens. Cumque iterum ad se reuerteretur, interrogata quid egisset, penitus ignorabat. Causam autem perquirentibus nobis, cur puella, cum comitali afficeretur morbo, non concideret, visum est ex hoc contingere, quòd contractio & tensio ad cerebrum non ferretur, cum solus vapor sursum ascenderet. Ex quo nullo rigore cerebrum ipsum intentum ab inordinatis motibus reliqua membra præseruare poterat. Quod autem puella ipsa hoc morbo laborasset, & medici omnes quicunque eam viderant, affir-

affirmabant, & rei euentus facile compro-
bavit: cum prouidentibus menstruis hoc
malum euaserit. Nam ut quandoque in
pueris Venus, ita in puellis menstruorum
initium huiusmodi morbum tollere solet.

ANNO TATIO.

MEMINI & ego virginem xx. annorum me-
curare subinde conuulsam & manus clausas
habentem, quæ non concidebat, sed toto accessio-
nis tempore sedens permanebat. Cum autem oc-
casio ex utero esset, adhibitis idoneis remediis, bre-
ui sanitatem recepit. Huius affectus non dissimilis
videtur ei, quo Aretina puella laborauit. Ex utero
autem laborantibus varia superueniunt sympto-
mata, & sepenumero haud similia.

Elephantia.

CAPVT XCVIII.

LONGIS morbis annumeratur is etiam
Elephantia Græci vocant: qui in Italia
penè nunquam visus à medicis vix dignos-
citur. Peregrinum quendam vidimus in
grabatulo iacentem, cuius summa corporis
parte maculis quibusdam ad atrum colorem
vergentibus inficiebatur, & cutis inæquali-
ter aspera crassaq. & veluti squamis foeda ac

Quiens,

liuens, diuersis etiam locis mollis ac dura ostendebatur: quin & ossibus ipsis, vt videbatur, iam vitiat, & vniuerso corpore macie ac rabe confecto, ita suræ ipsius os, pedes & manus intumuerant, vt vtriusque partis digiti sub tumore ipso conderentur. Quare cum adhæc mala etiam febricula quædam adderetur, quæ hominem absumeret, vnius tantum mēsis spatio ē vita migravit ad Dominum. Parcat igitur Auicenna, qui Elephantiam pedum tumorem dixit: cum hæc non solum pedes, sed vniuersum corpus afficiat, & species lepræ sit, quæ apud nostros nondum visa: apud Paulum probè descripta notatur.

ANNOTATIO.

ELEPHANTIASIS Græcorum ab Elephantia Arabum multum differens est, vt nostrorum exemplorum cap. LII. annotatum. Temere hic Auicenna carpitur, quod Elephantiam tumorem dixerit pedum: Nam Elephantiasin Græcicam Auicenna, & reliqui Arabes Lepræ nomine comprehendunt. Tumorem verò pedum Elephantiam idcirco appellant, quod pedes crassi Elephantinos referre videantur.

Ex ca-

*Ex calidiore materia caput impetente
furit ac moritur puella.*

CAPVT XCIX.

INSANIE tria sunt genera, & acutum quodlibet. Vnum cum in accessione febris, aut in suo vigore desipit ager, & aliena loquitur, sed tamen leuata febre statim resipit. Alterum, quod Græci *ᾠπέρνασι* vocant, cui semper dementia comes est. Nam licet inter morbi initia resipere interdum videatur ager, eius tamen mens quibusdam semper imaginibus agitur. Tertium verò genus est lethale magis ac pestiferum, cum scilicet ager ipse non solum perpetuò desipit, sed & quæcunque agit, impetu quodam & violento motu operatur. In huius autem generis lethalem insaniam cum nobilissimi cuiusdã viri filia prolapsa malè ageretur, & nos ad eam intempesta nocte vocati accederemus, ad eò furentem puellam inuenimus, ut dum hinc inde sese violento quodã impetu iactaret, quicquid interim obuium habebat, dentibus arriperet, frangeret, laniaret. Ex quo proprios capillos, brachia, & manus, & si quid præterea aliud arripere poterat,

terat, ita mordicus, nullo habito discrimine
suūmne an alienum esset, apprehendebat,
vt nisi scissum ac profus laceratum ex eius
dentibus eripi non posset, adeo vt vinciri
puellam oportuerit, ne sibi aut alteri noce-
ret. Verū cum paucis post horis furor illi
remitti cepisset, in somnum incidit gra-
uiorem, quo (tametsi nostris praesidiis, stu-
dio & diligentia regē cederet) vix tandem
excoisso, ab infania quoque puellam ipsam
liberauimus. Sed vt est ingenium mulierum,
praesertim nobilium, cum sanitate adepta
nihil eorum, quae protenda firmadaque
valetudine iniuncta fuerant, obseruasset, &
sua viueret libertate, post integrum men-
sem quo pristina vsa est valetudine, in eū-
dem inhoit morbum, a quo cum nullis vn-
quam auxiliis potuerit a medicis liberari,
vnus tantum diei spatium in medio sublata
est. Si quis autem huius morbi causam que-
rat, nos quantum coniectare licuit, materia
credimus fuisse calidiorem, sed paucam ta-
men: quae cum caput peteret, suo & inen-
dio & mobilitate puellam furentem redde-
ret. Et quoniam caput ipsum frigidiorē ma-
teria oppletum fuerat, hanc quoque, eum
& ipsa, (vt credimus, & par fuit) exagitata
fuisse,

fuiſſet, priore illa materia extincta ac reſoluta, ipſum deniq. profundio- rem ſomnum puella feciſſe putamus.

ANNO TATIO.

DE Maniaco etiam quodam cap. x. in noſtris exemplis ſcriptum: qui aliquando in eundem affectum relapſus, tandem ex Hamoptoico rabidus factus eſt.

Vermis e nare proiectus.

CAPUT VI.

SOLET interdum acutus & peſtifer dolor in capite excitari, quem Græci *κεφαλαλγία* vocant, ſed talem, quo caligent oculi, alienetur mens, citetur vomitus, ſupprimatur vox, frigefcat corpus, & ipſa denique deficiat anima, ratum eſt videre. Nam & nos amicum habuimus Philippum nomine, qui cum hiſ omnibus ageretur malis, & aduentante die ſeptimo mors ipſa, nullis conferentibus auxiliis, iam iam aſſe videretur, vi tandem robuſtioris naturæ vermē e dextra nare palmo longiorem eiecit: quo propulſo, omnis ſtatim cum eo amotus eſt languor.

Q

ANNO

ANNOTATIO.

VERMEM vehemētis doloris capitis causam in cerebro natum fuisse satis apparuit. Nasci verò & illic quandoque vermem Auicenna etiam scribit, & Iacobus Höllerius nostra ætate visum affirmat. Idem & Italo scorpionum ex frequenti Ocy-mi odoratu natum refert. *Quibusdam, inquit, vermes generantur in cerebro. Id rarum esse scripsit Avicenna, quod tamen memoria nostra visum est. Et cuiusdam Italo ex frequenti odoratu basilica herba natus scorpio in cerebro, vehementes dolores & longos, ac mortem denique attulit.* Lib. De Morbis internis primo, cap. primo.

Gigni verò & quandoque vermes in auribus, formam habentes nucleorum strobilôn nucum pinearum, Valesci Tharantani testimonio constat: tum & Arnoldi Villanouani cap. 32. lib. 3. In dentibus verò & reperiri haud infrequens est. In ano autem nasci vermiculos, Ascaridas dictos, omnium scriptis proditum est.

Spasmo Cynico mortua mulier.

CAPITULUM.

CVM imperitus quidam Medicus cuiusdam mulierculæ ex gena dextra tuberculum furunculo simile scalpello abscidisset, nulla habita ratione nervorum ac venularum, quibus illud, cum semiovi magnitudinem expleret, alligabatur, ilicò subse-

quata

quanta est inflammatio ac dolor, ex quo simul infelix mulier in eum incidit morbum, quem Græci *κυνινδυ σπασμὸν* vocant: quodam misellæ illi temerario quodam motu peruertitur os, & facies modò in dexterorem, modò in sinisteriorem partem distenditur, ac totum denique corpus pallore quodam suffunditur, adeò afflicta mulier, ut cum neque sanguinis missione, neque alui ductu, neque vñctionibus ullis, neque alio quouis genere auxilij hoc malum inhiberi posset, intra paucos dies è vita migraverit: hoc nobis suo ipsius infortunio documentum relinquens, ut cum scilicet oportuerit, non passim nos omnibus, qui sibi chirurgici nomen vsurpant, sed his tantum qui doctrina simul vsu & iudicio prævalêt, credamus.

Gelatus.

CAPUT CII.

POST graues diurnosque labores, quibus per ingētia frigora turbido & pluuio cœlo, per flagrantissimos æstus diu noctuq; perequitans sese fatigarat Antonius Collēsis, in difficiliorem tandem incidit ægritudinem: qua statim ut corripiebatur (quod

sape homini contingebat) amissa ilicò memoria sensuque, eodem quo erat, dum ab ea invaderetur, habitu perseverabat, patientibus etiam & inconniuis oculis: si enim inter ambulandum contingebat hoc illi malum, ambulabat: si inter quiescendum, quiescebat: sin verò inter aliud quoduis agendum, tantisper ipsum agebat, nihil interim audiens, nihil loquens, nihil cognoscens, donec cedente morbo ad se regrederetur, & tunc etiam nihil eorum quæ egisset reminiscebatur. Ex medicis autem qui hominem viderint, aliis virtutem, quæ discernit & vnit coniungitque, læsam esse iudicantibus, eiusque noxam cæteris ventriculis iunctum iri volentibus, adeò vt memoria ex hoc & communis sensus intrinsecus paterentur: aliis aliter, & quidem argutius, & morbum & causam explicare conantibus: nos hominem gelatum dicebamus: cum huius morbi notæ, quæ per se satis eruditioribus eas vestigare volentibus manifestæ sunt, eiusmodi detegerent ægritudinem. Fit autem id malum ex nigriore bile postremum ventrem cerebri impetente, quæ statim memoriam tollens, sua etiam siccitate cæteros ventres contrahit: quibus clausis
tollicur

tollitur pariter sensus & motus, & quoniam frigidior est, hominem gelat. Quibus verò medicamentis ad hunc morbum profligandum vsi simus, propterea quòd eius curæ notissima est, intexere superfluum iudicauimus.

ANNOTATIO.

EXEMPLVM istud Catocho laborantis est: quem & Catalepsin appellant. De nonnullis verò & Catocho absque febre detentis in Medicinalium Obseruationum nostrarum exemplis cap. v. & vi. scriptum est. Catocho quoque affectus fuit Hieronymus Bensius, priusquam in Comitalem laberetur; de quo superius cap. quadragesimo sexto.

Tensio neruorum cernicis.

CAPVT CIII.

GRAVIORIBVS morbis obnoxia cernix est: sed inter cæteros importunior acutiorque, qui rigore quodam neruorum erectam agri cervicem intendens, eum saepe vel intra quartum diem interimit. Quo morbo cum Parmensis quidam Franciscus nomine grauitè virgeretur, & nos ad eum vocati, hominem robustioris naturæ, & qui turgentibus venis faciem etiam atque oculos rubicundiores haberet, inspiceremus;

Q

sanguis

sanguinem statim ex ea vena, quā κεφαλὴν Græci vocant, mitti iubeo. Tum parciore victu, hoc est, sola aqua ex melle hominem tibans, hircino atque caprino oleo detonsum madefacio caput: superque imposito pileo, altum etiam his medicamentis duco; quibus à capite ipso ac cæteris superioribus partibus diduci resoluq. possit humor, qui huius mali causa fuerat, ex quo ocyus adfuit illi sanitas, quàm mors adfutura putabatur.

ANNOTATIO

RIGOR neruorum cervicis, rectam & immobilem eam reddens, τένανος Græcis dicitur, conuulsionis species, per quam, vt Galenus ait lib. De Musculorum motu, partes immotæ in contraria trahuntur à musculis oppositis. Conuulsionis enim, quæ absque motu fit, trēs sunt species: ἐμπροσθεν, ad anteriora: veluti cū mentum pettori annectitur: ὀπισθεν, si ad posteriora; vt dū caput ad scapulas pertrahitur: τέτανος, cū in neutram partem immobilis ceruix intēditur. Acutus autem & vehemens affectus est. Memini olim me cuiādam adesse, cui cum maximo dolore ceruix rigida in nullā partem inflecti poterat. Huic primum fomentum adhibuimus: deinde aurea dicta catapotia dedimus, quæ summo cum labore deuorauit. Subsequente autem ex his larga purgatione, à dolore & neruorum rigore citò liberatus fuit.

Ex ab-

Ex abscessu gula homo penè iugulatus.

CAPVT CIIII.

ALIVD quoque morbi genus circa fauces oriri consuevit, & id interdum pestiferum acutumque: quale in Alexandro Serralio nuper vidimus, cui neque rubor neque tumor vllus intus in gula, aut extra ostendebatur, sed aridum corpus erat & squalidum. Cumque nihil omnino alimenti demitteret, sed quicquid absumeret statim reiectans vix spiritum traheret, & vox adeò faucibus hæreret, vt ne mutire quidem posset, iugulari prorsus hominem putares: nos tamen & vrgentis morbi & ægri virium ratione habita, vtile & præsentaneum remedium duximus, sanguinẽ mittere: tum & cucurbitulis natibus affixis, deducere humorem conati, frictionibus simul aliisque præsidiis, quæcunque extrinsecus iuuare hominem poterant, tantisper vtendum censuimus, donec ægri fauces detumescerent. Verùm vbi malum his omnibus auxiliis non modò cedere aut leuari, sed in horas vehemèntius ac contumacius fieri aduertimus, omni abiecta spe, ægrum, tanquam

quam proxima nocte moriturum, Deo & naturæ reliquimus. Hunc autem cum assistentes, veluti iamiam spiritum exhalaturum, signo crucis ex more in auroram vsq. singulis momentis consignarent ac munirent, ecce statim à summis ægri faucibus tam ingens ex adaperto intus abscessu purulentæ materiæ vis effertur, vt homine penè iugulato, catinulum, in quo recepta est, ad summum repleret labrum. Qua expulsâ, statim resumptus est spiritus, & æger, qui iam pro mortuo lugebatur, veluti ab inferis remeans, paulatim conualescere cœpit, donec integram consequutus est sanitatem.

ANNOTATIO.

TONSILLARVM inflammationes quandoque adeo magnæ sunt, vt gutture occluso (vtraque videlicet tonsilla affecta) nec cibis nec potus transmitti queat; vel non absque summa difficultate. Tumores vero & quandoque ita augentur, præsertim ad suppurationem vergentibus inflammationibus, vt ore hîare nequeunte, dentes cohereant: ac strangulationis periculum immineat. Abscessu vgrò rupto, copiosoque erumpente pure, solutio fit: & ore paululo, gutturis quoque meatu patet. Initio venæ sectio necessaria: deinde inflammatione ad suppurationem tendente, vtiliter eò facientia cataplasmata etiam foris gutturi applican-

plicantur, interim ab aliis remediis non cessandū,
quæ recta medendi ratio postulat.

A vitio lienis curatus.

CAP. V. T. C. VI.

LIENIS vitio afficiuntur quamplurimi:
Lithorum sinistra pars tumens ac durior
prementi renititur. Quod si diu perseverat
(nam interdum perpetuum id malum est)
tumescent crura: & si vlcera prætor ea innas-
cuntur, vix sanescunt. Multos nos tali vitio
affectos curauimus: inter quos vnū, quem
cū septennio hoc morbo vexatus frustra
multa consilia, ac penè infinita præsidia ex-
pertus fuisset, solo tandem capparī, qui tali
agritudini aptissimus cibus est, solaque vi
aquæ, in quā faber ferrarius sæpe candens
ferrum extinguit, annua potione liberaui-
mus: tanta scilicet in eiusmodi aqua contra
hoc vitium inest vis atque virtus. Vnde &
compertum est, animalia quæ apud fabros
educantur, perquàm exiguos habere lienes.

A morbo cæliaca curatus.

CAP. V. T. C. VII.

IN ipsius ventriculi porta morbus innas-
citur, qui a Græcis κοιλιακός appellatur. Du-
resce-

refcere sub hoc venter solet, & torminibus premi, aliusque ipsa adeo nihil reddere, ut ne spiritus quidē infrā, sed nec suprā erumpere possit. Paulus pater meus haud medicis ingenij ac doctrinæ vir hoc morbo malè vexatus, cum diu multa ac varia auxilia, sed frustra, expertus fuisset, clystere ex solo lacte condito in ventrem injecto, ac multis subinde strigmentis depositis, ad pristinam reuerfus est sanitatem.

ANNOTATIO.

PAVLVS Agineta Cœliacum morbum Lienteriae ac fluxus ventris speciem facit. Apud Galenum verò lib. ix. De Compos. Medic. secundum loca Dysenteriae similis esse apparet. Nam communia quardā & Dysentericis & Cœliacis illic remedia extant. Sed Cornelius Celsus lib. iiii. cap. xii. Huiusmodi affectum κοιλιακόν nominat. Græci, ni fallimur, κοιλικόν appellant.

Ex tenuioris intestini morbo sanatus.

CAPVT CVII.

IN tenuiore intestino acutus interdum & pestifer oritur morbus, ex quo etiam supra umbilicum intolerabiles excitantur dolores, nec spiritus ullus transmittitur: & non solum cibus ipse, sed stercus ipsum plerumque

que per os redditur. Vomitus autem varius aut niger existens, grauioris etiam odoris est. Tali igitur morbo aded Laurentius amantissimus frater affectus est, vt cum neque missio sanguinis, neque alui ductio, neque aliud quoduis idoneum auxilium hoc malum frangere posset, materia tandem ad nervos prolapsa, in morbum incidit comitiale. Quo breui & in mortis discrimen adductus, cum triduo hoc habitu iacuisset, nihil omnino degustans, à medicis derelictus est. Verum die quarta, vbi paululum reuiuiscens vinum lambere occepit, resumitur spiritus, & morbus paulatim vi naturæ propulsus, præsidii cedit, donec tandem per Dei gratiam penitus sublati, hominem sanum reliquit: quod non prius tamen effecit, quam exactis quatuor mensibus, à die quo primū ille huiuscemodi affectus est morbo.

*A morbo vuluæ inedia liberata
est mulier.*

CAPVT CVIII.

VEXARI vuluæ morbis vt mulieribus comune, ita sanè inauditum sic vexari, vt patiens nullum cibi genus deuorare queat.

queat. In cœnobio montis Cœlij monialem vidimus, quæ cùm huiusmodi vuluæ morbo grauiter affligeretur, ita prorsus quamcunque illi subministrassent escam fastidiebat, vt quodam veluti impetu æstuantis stomachi, eam statim vt acceperat, vomitione propelleret: quod nos ab irresolubili & crassiore vento, qui à vulua ipsa versus stomachum ferretur, fieri putantes, multa pro re ac tempore adhibuimus auxilia: quæ cùm nihil omnino proficerent, & ad decimum ipsa iam diem sola panis buccella (quod mirum est) vitam traduxisset, vi tandem inediæ deuicto ac penitus profligato morbo, ad pristinam reuerfa est mulier sanitatem.

Aqua inter cutem eliso vtero propellitur.

CAPVT CIX.

ACCIDIT interdum casu & fortuna sanari nonnullos, quos medicina curare non potest. Mulierem scimus, quæ dum aqua inter cutem adeò laboraret, vt nulla de salute eius superesset spes, nescio quo spiritu impulsæ, de eminente quodam loco ad terram deuoluitur, & vtero ad lapidem eliso dissectoque, ita prorsus omnis effusus est humor,

humor, ut quæ puerum octimensem gestare videbatur, enixam crederes. Sed nec multo post aut tempore aut labore idoneis ad hanc rem adhibitis præfidiis penitus sanata est mulier.

A N N O T A T I O.

SIMILE huic accidit mulieri, quod Asciticis, quibus dissecto abdomine aqua emittitur, de quo Paulus Aegineta lib. vi. cap. i.

Alapa mortuus.

CAPVT CX.

EXORTA inter duos iuvenes lite, cum alter alterum extento brachio alapa percussisset, in morbum statim, quem ἀποπληξίαν Græci vocant, resolutus vapulans, paucis etiâ horis strangulatus interiit. Quare conuocatis medicis (in vinculis enim detinebatur reus) quæsitum est de causâ mortis ipsius. Verum aliis in ictum ipsum, quo materiam commotam fuisse putarent: aliis in humidiores locum, quo diutius obdormierat: nonnullis etiâ in lautiores victum & potum pleniores, quo dum vixit est usus, huiusmodi mali causam referentibus, indiscussum apud præsidem remansit iudicium. Nouimus item fullonem quendam

R nomi-

nomine Petrum, qui vnico pugno stomacho cuiusdam iuuenis violentius impetito, hominem interemit.

Gemini pueri.

CAPVT CXI.

GEMINOS nasci nullus dubitat, sed ita nasci, vt indistincti sint, monstruosum. Mulier quædam Alexandra nomine, ex Mediolanensi agro Florentiam veniens, geminos mares quæstui spectandos dabat: quorum alter integer toto corpore, distinctisque membris erat: alter verò ita scapulis alterius iungebatur vetriculo, vt illo totum caput iniecisse videretur: cætero verò corpore ab eo seiunctus, non secus illo de māmilla matris lac exugente mouebatur, ac si ipse pariter sugeret. Sed & sub id ferè tempus vidimus & alios geminos, qui ab humero ad plantam pedis coherant capite excepto, alter sinistro, dextro alter, vbi iungebantur, carebat brachio. Coxa, crus, & pes vnus ac communis erat. Altera tamen corporis parte integra seiunctaque distinguebantur.

ANNOTATIO.

GEMELLOS vno eodemque tempore concipi vulgaris est opinio, cui accedunt, quæ in lib. De

lib. De Diata Hippo. scribuntur. Vbi quomodo gemelli fiant ostenditur. Rarior superfœtatio est, quæ tunc fieri dicitur, quando post vnum alter multo tempore concipitur; & adeò quidem rara hæc est, vt nonnullis impossibilis habeatur. cuius tamen manifestum in honesti ciuis vxore exemplum apparuit. Peperit hæc filium plenè gestatum ann. M. D. LXX. Decēb. die VII. hora decima vespertina, succedētibz omnibz, quæ ad felicē partum requiri solent. Postridie verò qui erat octauus, eadem hora, præter expectationem obstetricis, ac sui ipsius, peperit eadem fœtum alterum, sed nondum quadrimestrem, vtpotè cui neque oculi, neque nares, neque os paterent, quem idcirco post conceptum fuisse satis manifestum. Superfœtationis exemplum habet & Bernardus Gordonius cap. II. particulæ VII.

ANTONII BENIVENII
EXEMPLORVM MEDICINALIVM,
*sive de abditis morborum et sanatio-
num causis libri*

FINIS.

R 2 MEDI-

M E D I C I N A L I V M

O B S E R V A T I O N V M

E X E M P L A R A R A :

E X L I B R I S D E C V R A N D I S

morbis Valeſci Tharantani Medici

clariffimi, qui ſcripſit

anno 1418.

*De dolore & torminibus inte-
ſtinorum.*

N O V I iuuenem viginti an-
 norum, qui habuit torturam
 inteſtinorum, & in tempore
 æſtatis poſt labores itineris,
 tunc vnus volens ipſum cura-
 re, applicuit ipſi ſuper ventrem filices ma-
 defactos in aqua frigida, & ligauit, & fecit
 quod ſtaret, vel iaceret ſuper ventrem, &
 intra quartam vnus horæ fuit curatus à tor-
 tura. Credo hoc fuiſſe ex caloris naturalis
 adintra reuocatione conſumentis ventofi-
 tatem; vel ex alteratione malè complexio-
 nis membri vel humoris ibi miſſi. Et iſtam
 experientiam videtur confirmare Auicen-
 næ con-

næ consilium, qui in causa calida iubet fieri emplastrum cum rebus frigidis, ut cum solatro, & pampinis vitium. & credo quod hoc iubet post vniuersalia, vel ubi est mala complexio calida cum paucitate materiæ ad alterandum Lib. 4. cap. 28.

De Vermibus aurium.

DICO quod vermes etiam in aure aliquando generantur: & ego vidi expellere ab aure vnius iuuenis febrē habentis acutam duos aut tres vermes ad formam granorum pini; erant tamen grossiores; & sanatus fuit homo. Lib. 4. cap. 30.

ANNOTATIO DODONÆI.

IN auribus vermes gigni, satis ex iis constat, quæ apud Dioscoridem, Galenum ac Aëtium de Calamintæ facultatibus scripta sunt: sed tunc precipuè quando diuturnis vlceribus laborant: ut in Euporistis Dioscoridis planè ostenditur, his verbis: *Vermes in diuturnis vlceribus generatos interimunt hæc: Oleum amygdalinum. Calamintæ succus, &c.* Idem non minus apertis verbis VII. De Simpl. medi. facult. apud Galenum etiam habetur.

R 3 De

*De vrina incontinentia ab exciso
vesicæ calculo.*

EGO vidi mulierem ferè quinquaginta annorum, quæ vrinam retinere non poterat: imò sicut continuè vrinā ad vesicam per poros vrinarios delegatur, sic etiam per collum eius exterius emittebatur. Et hoc accidit quia vnus indoctus chirurgus abstraxerat illi duos lapides à vesica incidendo in collo vesicæ. in qua incisione incidit laceratum dictum collum vesicæ constringentem: & erant illi lapides ad albedinem accedentes: & quantitas vnus erat sicut ouum columbi; alterius autem sicut ouum carduelis. Lib. 5. cap. 18.

*De Vetula cui post casum canorum capil-
lorum, & dentium, renati sunt
nigri capilli & noui dentes.*

DIGNVM est quod illa quæ in medicina rarò accidit in voluminibus conscribantur. Retulit mihi mulier in aliis milles, quod in quodam monasterio, in loco qui dicitur Monuerus, fuit quædam Priorissa, cui per multum tempus propter senectutem

Et utem defecerunt menstrua, & tempestiui venerunt in vertice cani, & ferè omnes cecidere molares, vberum verò paruum aut nullum apparebat vestigium, & rugæ in facie profundissimæ apparebant. Factum est itaque, vt quicquid de capillis & pilis oriebatur & crescebat, totum nigrum pullulabat, & exhibant dentes & molares, sicut mos est in infantibus fieri; sic etiam oriebantur menstrua, ac, vt in iuenculis, abundanter fluebant. Mammillæ verò velut in virginibus eleuatæ fuerunt, montuosæ: rugæ euauerunt, & facies pulchra intantum, quod illa honesta & religiosa monialis Priorissa verecundabatur; & vixit per multum tempus in religiosa vita. & hoc fuit quasi mysterium rarò contingens. lib. 6. cap. 12.

*De muliere qua post sexagesimum ætatis
annum tres liberos peperit.*

EGO vidi mulierem bonæ habitudinis, quæ post sexagesimum annum habens menstrua concepit, & peperit filium, & continèter habuit duos filios, & erat in sexagesimo septimo anno quando habuit vltimum filium. Erat autem femina carnosa, & musculosa, & fortis. Ibidem.

R 4

De

De Mola ventosa sine inflatione uteri.

EGO tempore pueritiæ meæ, dum ad-
discerem artes liberales Vliſſiponæ, vidi
quòd quædam Iudæa credidit ſe prægnan-
tem, cui fuerunt præparata omnia quæ ſunt
neceſſaria, & dum obſtetrices matricem tra-
ctarent, tanta ventofitas ſine vlllo alio liquo-
re exiuit à matrice, quod fuit mirum: & hoc
per totam ciuitatem Vliſſiponæ & per totū
ſtudium fuit deuulgatum. Lib. 6. cap. 15.

MEDICINALIVM
OBSERVATIONVM

rara exempla, ex Libris Alexandri

Benedicti qui vixit anno

1483.

De Cerebri concuſſione.

QVI ex trabis percuffione
obmutuerat, ſuadentibus vi-
ribus ſanguinem ex manu
detraximus intrepidè, impo-
ſito ex hedera cum roſaceo
emplafiro bregmati, ſine vîno carneque,
contentus ptifana & intrita panis, ſine vlllo
potu

potu (nam aquam nolebat) & quoniam senex viribus valebat, eo victu ad decimum quintum diem, sermone carentem decrepitem, prosperè duximus: sequenti die loqui cœpit, paucisque sequentibus diebus, ex toto ex periculosa cerebri conquassatione præter omnium opinionem perfanatus est.

Huius exempli fidem faciunt Hadrienses ciues, quoniam hic senex inter primarios horum habebatur. De Curandis morbis lib. I. cap. 5.

De Catocho ex vermibus.

CUM Cydone effemus in Cornelia domo, puella quæ octauum nondum compleuerat annum, in febris ardētissima, somno primum, deinde intentis oculis Catocho correpta est. diebus septem nihil hauriendo, præter ius pulli, in quo portulaca decocta fuerat. Iacuit hæc pallida, muta, sine sensu & motu, grauiter respirans. In hac suprema filia desperatione, mater ex melle glandem in aluum subdidit, qua sine sordibus duos & quadraginta vermes in globi modum extulit, & statim ad vitam filia rediit. Ex his ventris animalibus caliginosi va-

R 5 pores

pores cerebri omnes sensus comprehendunt. Lib. 1. cap. 26.

Vulneratis sanguinis profusionem quandoque prodesse.

VIDI MUS vulneratos post sanguinis copiosum profluuium, sine detractio-
nis metu, paucis diebus liberatos. In castris
quendam Chirurgum vidimus, nobilem
iuuenem in humero vulneratum curan-
tem; cui linteolos protinus vulneri admove-
rant amici cōtra sanguinis profluuium; lin-
teolos statim amouisse, nescio quid in vul-
nere perquirentem, dum amicos de profu-
sione larga sanguinis conquerentes frustra-
retur; sanguinem pro agri viribus citra ani-
mæ defectum fluere permisit, haud igna-
rus, quomodo ægrotantem tutum à spasmo
reddidit, quem octauo circiter die per cu-
biculum ambulantem vidimus. Lib. 1.
cap. 47.

ANNOTATIO DODONÆI.

VULNERATA aliqua parte subinde co-
pius ad eam sanguis fertur, & nisi suppri-
matur affatim profluit. Tunc si citius quàm par est
sanguis supprimatur, circa vulnus hærens inflam-
mationem excitat, vulneris curationem remoran-
tem.

tem. Non abs re itaq. sanguis è vulnere aliquouſ-
que fluere permittitur. Sic enim ab inflammatio-
nis periculo pars vulnerata liberatur.

*De ſene nonagenario vulnere frontis
à cæcitate liberato.*

OMNES ſenectute viſu hebetiores ſunt:
aliqui ad octogefimum annum ſine
ſpecillis, vt Laurentio patri meo contigit,
clara oculorum acie vitam duxere. Vi-
dimus ſenem viſu hebetiorem nonage-
narium Hadriæ ſuper frontem vulnera-
tum, cæcitate & vulnere pariter liberatum.
Lib. 2. cap. 1.

ANNOTATIO DODONÆI.

SIC & mulieri quæ quinquaginta annos exceſ-
ſerat, frontis vena ex caſu ab alto vulnerata, ef-
fluente multo ſanguine, libera & expedita facta eſt
elocutio, & linguæ eius impedimentum ſolutum,
quod ab Apoplexi, qua aliquot ante menſibus la-
borauerat, fuerat relictum.

*Vena in naribus ſectio mortis cau-
ſa extitit.*

NOSTRA ætate Venetiis tonſor qui-
dam cum in naribus pilos incommo-
dos for-

dos forpice conscinderet, venulam incautè secuit, tantoque impetu sanguis erupit, vt sistendi modum medici plurimi non adiuuenerint: & ille miserè vitam finiuit. Lib. 4. cap. 4.

De virgine quæ aliquot mensibus à cibo abstinuit.

QUIDAM non appetunt, quia membra non resoluuntur: Sicuti in quadam, ætate nostra, virgine sacerdotali, quæ inediam (pudet referre) pluribus mensibus sustinebat. In miraculum Romæ Patribus venerat, vnde experimentum pluribus custodientibus dedit Columba nomine.

Quidam etiam Venetiis 46. diebus continuis ieiunus fuit, habitudine membrorum frigida, crasso phlegmate intus concocto, meatibusque corporis adstrictis. Lib. xi. cap. xi.

Fætor intersectorum canum pestilentia luem cessasse.

EXEMPLVM vnum nō præmittam ætate nostra memorandum, quod ratione physica confirmatur. Quidam mercator Crentensis nobilis nobis narrauit, cum in Tauri-

Taurica regione negotiaretur, & sæuissima pestis orta esset aëris vitio, quo finis moriendi non erat, in ea summa hominum strage à se medicum visum loci eius incolâ, nam Sarmatæ ea loca tenent, qui canes omnes interemptos passim per vias perque vicos omnes abiici iussit, qui distenti & putridi tetro odore cœlum impleuerunt: quo remedio statim ciuitas sanitati restituta est: & Sarmatas id remedium facitare solitos. putrescentes enim canes aëris naturam mutant, quæ hominibus duntaxat exitialis erat. Ita enim dissimilitudo facit & rerum discordia, nam venenum veneno interdum debellatur, quod etiam Zoar quidam inter posteriores Physicos affirmat. Lib. De Peste cap. 6.

ANNOTATIO DODONÆI.

FŒTOREM ac fœtidâ pestilentis aëris contagionē aduersari nōnulli & alij sentiūt, qui multò vtilius esse rentur, asam fœtidam, castorium, vel aliud fœtens pestilentix tempore naribus frequenter admouere, quàm suauē odorata, vel pilas illas cum moscho & ambra formatas, quas plerique veluti singulares assiduē in manibus gestant. Nam odoratis animales spiritus aiunt allici, patentioresque odoratus organi meatus reddi, atque idcirco
ad re-

ad recipiendum infectum aërem promptiores.
E cōtrā à fœtidis & graueolentibus spiritus repelli.

De ossium abscessu.

IN homine ossa, vt facilè videri potest, circiter 248. connumerantur; ea corrumpi nouum non est. Sed abscessus innasce mirum est, vt nuper vidimus, dum mulierem quandam Gallico morbo interemptam rescaremus: causam morbi perquirendo, ossa sub membranis suis tumentia, & ad medullam vsque suppurata inuenimus; ea duntaxat ratione, quoniam & ipsa nutriuntur, abscessibus ob id afficiuntur. Histor. humani corp. lib. 1. cap. 6.

De Cornu è vulnere nato.

VIDIMVS in Creta dum hæc conderemus, vulnerato genu sagitta, cornu nigrum rupicaprae capitis simillimum prodisse, materiamque quæ in ossis substantiam conuerti debuisset, in corneam naturam aëris afflatu facilè conuersam, continueque gummi modo indurescentem. Lib. 1. cap. 14.

De vir-

*De virgine qua acum assumptam
per vesicam reddidit.*

PVTANT nonnulli virginem ætate nostra Venetiis, quæ crinalem acum quatuor digitorum longitudine, quâ inter dentes dormitura continebat, incauteque per somnum deglutiuit, per urinam post menses decem demisisse maximis cruciatibus.

Lib. 2. cap. 9. De eadem.

Quidam qui inter magnos medicos habitus est, fungi frustum per vesicâ emissum se vidisse prædicabat, sed acus illius exemplum per urinam redditæ plurimos dissectionis ignaros commouet, qui eam per venas Mesenteriacas à stomacho ad iecur per venâ maiorem ad renum angustias, inde ad vesicam penetrasse falsò arbitrantur, ora fibrarum in viuientibus patentiora esse ad acum & frustum fungi suscipiendum putantes. Acus enim acie sua paulatim multoque tempore intestina penetrauit, viam enim sibi facit, quo à natura propellitur, & ad vesicam qua parte carnosâ est, inde per urinam reddita. Lib. 5. cap. 13.

De viro lactante suum puerum.

Maripetrus sacri ordinis equestris tradidit, Syrum quendam cui filius
infans

infans inortua cōiuge supererat, vbera sepius
admouisse, vt famem filij vagientis frustra-
ret, continuatoque suctu lacte manasse pa-
pillam, quo exinde nutritus est magno to-
tius vrbs miraculo. Idem Aristoteles de la-
cte in maribus, verum, tamen, inquit, per
suctum frequentiore vel multum prodif-
se aliquibus traditum est. Lib. 3. cap. 4.

*De virgine que lac habuit in
vberibus.*

VIDIMVS mulierem, quæ etiam cum
virgo esset, quoniam infœcunda erat,
menses substituerant, lacte semper diffuisse.
Ibidem.

ANNOTATIO DODONÆI.

HVC facit Hippocratis sententia, *Si mulier que
neque gravida est neque peperit, lac habet, huius
menstrua defecerunt.* Lib. v. Aphor. xxxix.

*De cruento pure per urinam in
pleuritide reddito.*

IN pleuritico morbo cruentum pus per
Urinæ meatum dare quandoque solet.
Quod Helio Basso Cymbriaci nostri filio
conti-

contigit in maxima morbi desperatione, vel per alium aliquando, ut ipsi vidimus. hoc magis mirum est, quam quod acies scalpelli fracta dum venam imprudens veni-
seca cuidam incaute incideret, meatus diuersos penetrauerit, postque aurem con-
stitit, ubi continuis fere punctiōibus per-
cipiebatur, qua molestia liberari saepe à no-
bis quaesuit. Lib. 3. cap. 9.

*Sagittæ ferrum dorso impactum post bien-
nium per inferna descendit.*

RVSTICVS in quodam seditioso tu-
multu sagittæ circa dorsum impacta
vulneratus fuit: euulsa sagittæ ferrum intus
in thorace relictum est. vulnus, frustra per-
quisito ferro, Medicus perlanauit, quod
post biennium per inferna extulit, id mira-
culi gratia barbata figuræ duum digitorum
latitudinis ostentabat. Secundum enim dia-
phragma prius mucrone penetrauit, ubi
pars carnosior est, deinde secundum inte-
stina delapsum iuxta alium sensim podicem
secur, viamque sibi ad exitum fecit semiexe-
sum, de qua re magna Medicorum concer-
tatio fuit. Ibidem.

S

De

*De strangulatis propter rem quampiam
in asperam arteriam delapsam.*

GVTTVRI epiglottis sub ipsis faucibus quoddam operculum linguæ postremę annexum, accommodauit, ne quid cibi potiusue in alienum delabatur iter, quoniam, si quid inciderit, spirandi meatus intercluduntur. sicut Anacreonti Poëtę accidit, qui vix passę acino necatus est. Sicut & Fabius prætor in lacte pilo hausto strangulatus est. & si ætate nostra Venetiis dum hæc conderemus anno à salute vniuersali 1483. Lucretiæ perquàm familiari nostrę simile contigerit, ea cum nucem ponticam dente frangeret, oborto risu, nux in spiritus meatum protinus respirando deuoluta est, moribunda statim concidit, in eo ancipiti strangulatu, ad interiores pulmonis partes impacta est, tum minus affligi cœpit, vnde nihilominus spiritus grauior, sonantiorque obfesso meatu audiebatur: tum vitæ spẽ habere cœperunt, quoniam contractis quibusdam venulis, vomica in pectore exorta est, quæ tandem persanata, obsessis meatibus reciprocantis animæ raucus sonus etiamnum percipitur. Lib. 3. cap. 18.

Teli

*Teli pars post xxv. annos sternutatione
reiecta.*

QUIDAM Græcus Suirus nomine mihi notissimus Chalcidis in expugnatione tēpore sagitta vulneratus, ductus inter captiuos à Turcis, perfanato quoquo modo vulnere, annis xx. vitam duxit seruilē. Tandem liber Cydonem venit, postque quintum annum, dum aqua per æstatem frigida os collueret, cōcitatis supra modum sternutationis, magno pruritu inter maximos conatus prosilit ē naribus sagittæ frustum digiti medii longitudine, ferrea acie, nec aliam vulneris notam reliquit. Dum id medicis Venetis inter mira naturæ refero, aliquibus non credentibus, aliis inter contentiones, vt fit, viam indagantibus. Ecce ex improviso Suirus Græcus noster, qui fortē tum Venetias venerat, rebus dubiis accitus, imō fide carentibus, sagitta demonstrata, quam miraculi gratia ferebat, testimonium verissimum dedit, qui cum antea per annos x. in urbem nō venisset, pro discutienda veritate casu oblatus non credentibus, fidem attulit. Lib 4. cap. 24.

*Matthia Cornacis Philosophi & Medici
Romanorum Regis, Physici Historia gestatio-
nis in utero foetus mortui per annos plus qua-
tuor: qui tandem opera & consilio Medico-
rum ex utero ita per aluum, Deo adiuvante,
exectus est, & membratim exemptus, ut ma-
ter viua permanens integræ restitueretur
sanitati: atque post biennium denuò
conceperet, ut secundate sta-
tur historia.*

ANNO Domini M. D. XLV. quæ-
dam conciujs Viennensis, nomine
Margaretha, filia Wolfgangi Karlinger-
ciuis Viennensis: vxor verò Georgij Wolc-
zer, hospitis eo tempore ad ædes Rubri-
cancri appellatas Viennæ: postquam antea
etiam enixa esset aliquot liberos, concepit
anno ætatis suæ xxv. omnia denique habuit
signa felicitis imprægnationis. foetum insu-
per temporis progressu sensit, ante festum
D. Bartholomæi eodem anno valentem, &
strenuè sese mouentem, vsque ad festum
D. Lucæ sacrum. Quo sanè illi tempore su-
peruenerunt partus dolores, adeò vehemē-
tes, ut antea experta iam sapius ipsa, iam-
iam

iam se crederet enixuram. Statim igitur aduocari iussit matrem, & vnam ex suis sororibus: acciri etiam obstetricem confestim præcepit. Quæ cum aduenisset, statim reanimaduersa, iussit omnia ad manus esse parturienti necessaria, hæc verba adiiciens, Statim, Deo volente, puellum natum habebimus. & quemadmodum postea euentus comprobauit, vera vates extitit. Interea prægnans in sedem parturientium confedit: & cum instanter admodum à circumstantibus mulieribus admoneretur, vrgeretur etiam ab obstetrice, omnibus nisibus elaborauit ad pariendū: in quibus heu nimium vehementibus conatibus, fragor quidam increpuit satis sonorus: quique non temerè argueret, magnam vim vel foetui vel matri illatam fuisse, vel certè conquassatum infantis caput in partes discessisse. Ab eo fragore, viuacitas foetus deprehendi amplius nullis argumentis potuit. Grauida inde maiorem in modum coepit ægrotare: ac propterea in lectulum suum reducta & reposita est. interim lac accurrens, quod parturientibus vsu venit, vbertim vbera repleuit, adeo vt stillatim etiam è papillis gliscentibus colostra deflueret, spectantibus multis, & iis

honestis ac prudētibus mulieribus, quæ dies noctesq̃. assistentes præstolabantur felicem partum. Dum verò res ita protraheretur, semperque maior difficultas, minor verò spes elucesceret, deliberatum est ab omnibus, quæ tum præstò erant, & itum in eam sententiam, vt plures obstetrices accerferentur in rem præsentem, aliquod fortè salubrius allaturæ consiliū. Sed ex harum etiam aduentu nil miseræ adminiculi accessit: neque quicquam ab his in medium dici potuit, vel consuli salutare, præterquam quòd vna ex iis iudicatum habebat (& fortasse non malè) rem nimis festinatam fuisse, os sacrum nondum satis hiasse. nihil itaque etiam tum effectum datum est. Gestansque vterum mulier tandem per multas septimanas grauissimè decubuit, ventris tumore, duritie, fluxu qui superuenerat, doloribus nihil remittentibus: quæ omnia, continuæ denique corporis graues afflictiones, animi percussiones, ad summam desperationem miseram videbantur compellere: effecerūtque, vt ad tentanda omnia omnium consilia animum aduerteret, ad vsurpandas omnium medelas, doctorum & indoctorum, Christianorum & Iudæorum. Quæ tamen nequic-

nequicquam adhibitæ, auxilij nihil, plurimum mœroris & desperationis (cum res difficilis ad impossibilitatem videretur vergere) attulere. Hisce periculorum & ærumnarum aceruis circumuenta, atroci insuper ventris ac ineuitabili onere summè implicita mulier, per quadriennium, vsque ad annum Domini M. D. XLIX. semiuia perdurauit. Sed quod prætereundum hoc loco non est, propter has enumeratas à nobis difficiles calamitates, miscella insuper afflicta est defluxu cōtinuè putrilaginoso, qui per locum muliebrem perrumpens, totum hoc quadrienne tempus durauit: ita tamen, vt aliquando parcius, aliquando copiosius profluens, dispari ratione mulierem affligeret, cessaret tamen nunquam. Cruciatus igitur hisce ac grauedinibus diu perstantibus, tandem natura (quæ semper indiuiduum conseruare contendit) acore & copia putridi humoris non euicta, sed compulsa (vtpote cui inferna humoris subductio non sufficeret) ad vmbilicum, matricem ipsam, totum denique abdomen, multis alioquin partibus munitum perfodit. Foramen igitur factum est primò, anno Domini M. D. XLVIII. in loco prædicto, ex quo mul-

tum saniosi foetidiq̃ue mucoris profluxit. Successu deinde tēporis, post aliquot menses, adhibitis externis emplastrorum administriculis, apertio coāluit: posteaquam (vt videtur) colluies humorū nociuorum abundē excreta esset, vel aliquantisper pro necessitate euacuationis diminuta. Sed, quod efflictim obseruandum est, paulò post anno Domini M. D. XLIX. mēse Iunio, cum scilicet multa putrida superfluitas omni conatu mox per naturam expellenda, iterum collecta esset, natura denuò eodem consilio & via, proximo in loco, non ita procul à priore apertione distante, per ventrem iterum perrupit, & affatim eduxit necessario euacuandam purulentiam. In hoc foraminulo exhibebatur omnium conspectui & tactui, os quoddam, quod euentus postea (resecta aluo & matrice) comprobauit, infantis fibulam sinistri brachii fuisse. Durauit iterum hæc apertio, eodem statu & effluxu, cum magna feminæ in vtero habentis virium prostratione, ad menses aliquot. Cum autem periculi magnitudo, dolorum foetorisq̃ue intolerantia indies magis ac magis ingrauescerent, viderenturq̃ue omnia ad interitum spectare: ipsaq̃ue miserrima præ crucia-

cruciatibus immēsis, animi crebris deliquiis iamiam crederet sibi exitum imminere, denuò iniit consilium asciscendi medicos: si fortasse ex singulari Dei misericordia felix horula salubris consilii elucesceret: si denique fortè fortunà, Deo ita disponente, in hora contingere, quod non contigisset in annis. Vocati igitur sunt Chirurghi tres: Aulę regię Chirurgus, Sixtus Wirt: Paulus Dirleuuang, vrbis Viennensis ordinarius Chirurgus: & Petrus Winckler. qui cum aduenissent, rem omnem intuiti, atrox periculum præ oculis esse animaduenterunt: simulque moderatè omnes vnanimis responderunt, maius esse negotiũ hoc, quàm vt ipsi quippiam certi in hoc casu statuere vel debeant, vel possint: accersendos esse Medicinę aliquot doctores, quorum consilia meritò accedere debeant: & si quid in re tam ardua faciendum superesset, sibi cõsultum videri, vt id ex eorum matura deliberatione proficiscatur. Acciti igitur sunt doctores duo, Ioannes Enzianer, & Matthias Cornax: alter vix senex, & reuerà miles (vt dicitur) emeritus: hic publicus Medicinę in Viennensi Gymnasio ordinarius professor. Qui cum venissent, aliquoties post cre-

bram inspectionem, ægrè virium explorationem, circumstantiarum diligentem inquisitionem, nihil aliud videbant superesse consilij, quàm vt ad sententiam Hippocr. extremis morbis extrema adhiberentur remedia, quantumuis periculosa. Decretum itaque ab iis est, de aluo aperienda. A chirurgis etiam in eandem itum sententiam. quod cum certò constitutum esset: etiam feminæ, eiusque marito & propinquis, medicorum consultum indicatum est. à quibus omnibus assensum. Stata tandem dies est, decima mensis Nouemb. anni M. D. XLIX. hora duodecima pomeridiana. Christi igitur Domini auspiciis, cum tempus statum aduenisset, rebus ritè auxiliariis denique paratis, & dispositis præsidiiis, si quid forte grauius contingeret, præsentibus Doctoribus nominatis, & chirurgis, sectio cum summa diligentia peracta est. Linea autem sectionis ex mea designatione ducta est, ab apertione ea inchoata (quæ paulò supra vmbilicum à natura, vt diximus, facta erat in latere dextro) recta deorsum per tractum musculi recti, abdomini incumbentis, longitudine plus minus octo vnciarum: hoc est, semipedis antiqui & duorum pollicum.

qua

qua facta incisione, propter necessitatem & intolerabilem foetorem, subito contentum in vtero à chirurgis vndique liberatum est, & exemptus frustillatim foetus masculus emortuus, & semiputridus. Sequutus est hác extractionem foetor incredibilis: aded enim putredo inualuerat, vt bona pars membrorú pueri consumpta appareret: caput verò totum confractum, & ossa cranci dispersa extraherentur: cerebri verò videretur nihil, nimirum quod totum putredine diuturna consumptum esset.

Absoluta hac sectione, ex summa Dei Opt. Max. misericordia feliciter mulier debita ratione, infractis laceris & rugosis vteri cauitatibus, ligata & curata est: illique de rebus necessariis quàm optimè prospectum à medicis & chirurgis. In omni autem ista administratione, misella quæ rescabatur, nullum est passa animi deliquium: sed forti & sedato animo omnia pertulit: aded vt Deus & Natura ipsa in conseruâda hac inopi & ignobili femina contendisse videantur. Successu deinde temporis, cum omnia ex singulari Dei nutu feliciter procederent, si-
ne vlla futura, rugis (detumesciente ventre ob exinanitum vterum) coeuntibus, post-
liminio

liminio venter ab onere putrido liberatus peroptimè coāluit, & femina præter omnem expectationem curata est, & vterus ipse vnà cum abdomine & eius partibus planè consolidatus: quinetiam ita matrice probè restituta, menses bono ordine & modo rediere: vt spem etiam aliquam cōceperimus, membro quantumuis sensibili & spermatifico ita persanato, mulierem denuò concepturam, & fortasse fœtus edituram. Quod tamen postremum, vt valdè ex multis rationibus est ambiguum, ita incertum Diuinæ Omnipotētiae relinquimus determinandū.

Historia secunda: quod eadem femina denuò conceperit, & gestauerit fœtum viuum, perfectum, masculum, ad legitimum pariendi tempus: quòdque ex posthabita sectione, mater vnà cum puello interierit.

POSTEA QVAM supernè à nobis descripta Margaretha ex sanctiss. opificis Dei voluntate conualuisset, conuixisset denique sana marito annum plus minus integrum, satis frugaliter, denuò cōcepit, & gestauit puerum beneualentem, & ritè succrescen-

crescentem vsque ad secundum diem mensis Iunij, Anno Domini M. D. L I. quod erat legitimum tempus pariendi. Ea dies cum manè illuxisset, & bellè se haberent omnia, infans robustus strenuè palpitauit, & elaborauit ad egressum vteri: mater mœsta omnibus neruis ad expellendum foetum incubuit, præsentibus multis mulieribus: sed incassum omnes conatus cessere. quapropter vocatus est Paulus Dirleuuang chirurgus Viennensis, qui antea illam secauerat, vt in medium consuleret. ille verò præ oculis cernens graue discrimen, consuluit me etiam esse vocandum. Adueniens itaque & ego, cùm perlustrassem ventrem enitenti, vidissemque foetū validum: matrem autem omnibus viribus, quæ ad certamen enitendi requirebantur, destitutā; cicatricē præterea veterem quasi per rimam longam hiscere, omninoque impossibile esse vt conatus feminæ tam lacerò vtero, incisis per longum musculis & abdomine, tanti esse possent, qui in vtero contentum quantumuis viribus præstans, & sese adiutans, per os sacrum possent expellere: suasi euestigiò, ventrem ferro, vt prius, refecandum esse. Firmavit meā opinionē & hoc quod rimula
sectio-

sectionis pristinae laxata, pellucens maderat, & per se discessionem parietum cicatricis minitabatur. Hisce perurgentibus rationibus, nos vterq. compulsi, & commemoratione prioris felicitatis euentus animati, sectionem iterum instituendam censuimus, acquiescebat consiliis nostris: alioquin moritura puerpera. Verum enimvero mater eius & reliquae aliquot praesentes feminae assentiri nullo pacto voluerunt. interim ego ordinatis quibusdam praesidiis confortantibus, consolatus afflictam discessi: & paulo post reuersus, acriter institui iterum peragendam caesurae. Sed perperam tum obtinuit matris affectus, quae cum ceteris feminis in ea perseverabat sententia, ut Deo omnia committerentur reiecta periculosa sectione: quae tum etiam satis tempestiuè adhiberi posset, cum extremum anhelitum mater spiraret. Expectatum igitur usque ad horam decimam noctis. eo tempore infelix, cum frustra diu & strenuè luctata esset, viribus omnibus exhaustis, cruciatibus oppressa animam exhalauit. Quod cum factum esset, subito chirurgus praedictus vocatus est, & citissime ventrem aperuit: statimque infantem perfectum, masculum, omnibus
nume-

numeris absolutum exemit. Ibi videre erat
(superueneram enim & ego) certamen ad-
nitentium puello vitam, quæ paulò ante
abierat, reuocare & sufflando omnia ten-
tare spiracula, sed perperam & frustra omnia
fiebant. In promptu causa est eruditis &
anatomix peritis: siquidem in confesso est,
vitam & motum cordis in infante à duabus
arteriis vitalibus matris per umbilicum fœ-
tui, seu per insitionem insertis dependere,
quæ vasa natura fabricauit pro cordis refri-
geratione. Quare cum arteriarum motus in
matre cesset, earundem etiam motum eue-
stigiò in infante cessare necessum est: siqui-
dem fieri minimè potest, vt puer ante præ-
cisionem umbilici, in ipso deniq. vtero in-
uolutus tunicis, spiritû per os attrahat. Præ-
terea, esto quod continuatio umbilici fœtus
à matrice sit libera, ruptis cotyledonibus
partus tempore: tamen nihilominus umbi-
licus secundinæ adhæret, necessariò ab ob-
stetrice præcidendus: vel etiam si à secundi-
na in vtero existente puello umbilicus solu-
tuseffet, tamen respirare per os non posset
infans, panniculis inuolutus: vteri præterea
parietibus inclusus, mucoribus denique &
aquisitatibus circumfusus: quæ certè res sæ-
pe so-

pe solutos infantes, hærentes tamen diutius in angustis faucibus ossis sacri, enecat suffocando.

Cum ex prædictis itaque necessarium sit, vita & motu arteriarum in puerpera cessante, cessare etiam infantis in utero contenti vitam & motum: impossibile est, tam immediatè excindi infantem posse, in eo ictu temporis, quo anima ex matre migrat: quæ si semel euolauerit, certè reuocari humanis prædiis nullo modo potest. Si autem fortè fortunà exemptio infantis contigerit in agone puerperæ, aut in animi deliquiis, præsentibus adhuc spiritibus vitalibus: tum censemus omnino superuiuere infantem posse, quemadmodum sine dubio de Iulio Cæsare contigit.

Historia memorabilis de muliere, quæ annis tredecim in utero gestauit sceletum fœtus mortui, quod tactu cum ab ipsa matre, tum ab omnibus illi præsentibus percipitur, scripta ad Matthiam Cornacem ab Ægidio Hertogio Medico.

CATHARINA quædã, vxor Michaëlis de Menne, viri ruralis & pauperis, annis duodecim utero gerit fœtum mortuum,

tuum, vel potius sceletum foetus emortui, res penitus monstruosa, ac miraculo digna dici potest. Ita tamen se res habet, sic ut ipso tactu unicuique fuerit manifestissima. Mulieris enim ventrem inferiorem propriis manibus attrectavi, non bis terve, sed pluries. idem quoque mecum egere cum viri, tum mulieres illustrissimæ, non sine omnium admiratione maxima: quos omnes honoris gratia præterimus. At vel vnius viri hac in re testimonium oculare sufficere poterit, puta excellentiss. D. Henrici Cornelij Mathisij, qui quondam CAROLO eius nominis Quinto Augusto Medicus fuit domesticus. Hic, inquam, cum stantem & supinè decumbentem dictam mulierem crebrius attrectasset, omniaq. ossa foetus mortui ipso tactu optimè deprehendisset, præ stupore nimio, tum admiratione summa dicebat: Deo & Naturæ nihil impossibile.

Anno igitur Domini M. D. XLIX. eadem Catharina, posteaquam antea enixa esset duos liberos, concepit mense Martio, omnia signa habens felicitis imprægnationis: foetum insuper temporis progressu à quarto mense conceptus sensit valentem, & strenuè se mouentem, vsque ad festum Diuo

T

Andræ

Andree sacrum, eodem anno: quo sanè illi superuenère dolores partus adeò vehementes, vt iamiam crederet se enixuram. Vterus quoque mirum in modum prominebat, vbera que lacte copiosissimo turgebant: idque magis instante iam partu quàm multis diebus antea. At cum ad parturiendum nulla amplius mora expectaretur, accidit vt vetula quædam malefica & præstigiatrix ventrem huic vtero gerenti attigerit, in aures susurrarit, & in faciem sufflarit, aliaque peregerit: quæ quoniam parum ad rem nostram facere existimo, pluribus non persequor: illius tamen meminisse placuit. nam in vetulam mulier culpam omnem reiicere videtur, quod illi res tam infelicitè successerit. Vt autem parturientium dolores cum in ventre inferiore, tum in lumbis sensit, statim acciri obstetricem & mulieres vicinas iubet quæ dies noctesq. aliquot partum præstolabantur; nullum tamen partus breui futuri signum obseruat obstetrix, præter illos dolores qui toto biduo increbescabant. Quare discedit, reuersura, si ita res postularet. Quid multis? dolores nihil interim remittuntur, sed diebus totis quadraginta & diu & noctu illam sæuissimè affligere non desi-

desinunt, vt totum id temporis misella ista in somnis egerit. Ab vtero quippiam interea effluxisse, nunquam adinaduersum fuit. Fœtus vehementissimè semper mouebatur ac calcitrabat, ita vt manifestè illius motus ab adstantibus obseruari posset: toto isto dolorum tempore, sudoribus quoque copiosissimis madebat. Lac præterea è mammillis vberius fluebat: quod quia acius, tum plus iusto biliosum erat, omnes ferè partes vicinæ, quas defluens attigit, exulcerabantur. Quadragesimo demum secundo & quarto dolorum die, fœtus tam validè amplius moueri destitit. Dictu profectò mirum, quod tanto tempore subsistere potuerit incolumis. tandem conatu vehementissimo ita fœtus mouebatur, vt inde transfuersim in vtero reuolutum mater narraret. Dolores ab illo impetu fœtus multò mitiores euasere, & paulò post planè recesserunt. Post verò diebus quatuor vel sex, cruenta quædam ac nigra per aluum deicere cœpit, illis similia (vt illa inquit) excrementis, quæ pueruli iam in lucem editi primum excernere solent, cuiusmodi excrementum egebat diebus singulis ad sex libras. Cumque antea nullus in vtero collisionis ossium sensus

fus voluntarius perciperetur: hic tandem putans misella se ab omnibus arumnis liberam, vnicuique tangenti vterum sese prode- re cœpit: vt etiam illam non lateat ossium fœtus mortui situs, quippe cùm digito mō- straret, hic caput, illic costas: hic humeros, il- lic femora contineri. Quod ego & alij com- plures, me monitore, deprehenderunt. Ca- dauer istud seu sceletum in vtero matris ia- cet transuersum, capite & cruribus intror- sum, dorso verò extrorsum prominente. Sub ilio dextro caput recōditur: quod cum profundius quàm matris spinam dorsi respi- ciat, non sine ratione tactus nostri iudicium refugit. Ibi tamen ossis humeri, caput supe- rius contineri, manifestò constat. Sub ilio sinistro sunt crura & pedes: sed introrsum reflexi, vt attingi minimè possint. Conie- ctura tamen artificiali & anatomica ita esse: iudicare non est difficile: tum ex situ reli- quo corporis, tum quia ibi os femoris aper- tissimè deprehendatur. In medio ventre dorsum euidentissimè cognoscitur, verte- bræque omnes facillimè distinguuntur: co- stæ quoque maiori ex parte, tam superiores quàm inferiores dinumerantur. turgēt ven- ter maternus tumore oblongo, qui in pu- den-

dendum desinit: eleuat totam istam molem sursum, eandemque pro animi arbitrio deprimat, non sine assistentium summa admiratione. ossa verò sic satis induruisse sentiuntur, ita vt validiori compressioni difficulter cedere videantur. Venter maternus interea dum attractatur, nullo dolore angitur: nisi id plus quàm par est, fiat diutius. Valet sic satis illa mulier, omniaque sua munia tam domi quàm in agris vnà cum marito suo optimè peragit: hilarius est, prudens materfamilias, & vtcunque faceta, annum nunc temporis agens quadragesimum quintum. Corpore gracili, nec habitu illaudabili. Menses cum annis quatuor essent detenti, potiunculis nonnullis illos promouentibus vsa, rursus manare cœperunt in hunc vsque diem. At mensibus singulis, cum eorum terminus instat, venter inferior intumescit, illamque dolores inuadunt vehementissimi: haud aliter quàm si nunc nunc esset enixura: nec antea cessant, ni menses omnino eruperint. Quod si mulierem aliquo morbo laborare contingat, iisdem planè doloribus ad integrum morbi terminum corripitur. Aliud præterea notatu dignum refert, quintum nunc esse an-

num ex quo natura quodammodo istius
 sceleti expulsionem tentarit. Vteri enim
 osculum hiasse, & inde aliquot ossicula fuisse
 egressa. qua de causa euestigiò accersitur
 obstetrix. ac cum satis imperita, vel potius
 rei nouitate perculsa, nullum remediū ferre
 se posse indicaret, omni ope humana
 hāc multis modis longè infelicissimam destituens,
 recessit. Ipsa verò interim nihilominus
 intrepido fortiq̃ue animo, ossicula illa vt in
 proprium locum retrocederent, propriis manibus
 allaborauit, sic vt in pristinum redierint.
 Ab isto verò, vt nec antea, huiusmodi quid
 sinistri illi accidit. Mirum denique, quanto
 perè rustica illa flagitet, summisq̃ue precibus
 contendat, vt abdomē ei manu medica
 aperiatur, sceletumq̃ue ab utero eximatur.
 Sic enim seipsam sanitati pristinae restitui
 posse confidit optimè. At quo minus id
 tentatum haecenus sit, adhuc sub iudice lis est.

*Historia altera de gestatione fœtus mortui ab
 Achille P. Gassaro Medico ad D. Matthiam
 Cornacem missa.*

NON absimilis tuæ Viennensis illius Historiæ,
 ante annos plus minus viginti
 sex,

fex, apud nos quoque contigit in comitatu
 Feldkirchiensi: qui immediate Serenissimo
 nostro D. Regi attinet. Nā muliercula quæ-
 dam, cui à mariti familia Pilegerin cogno-
 men erat, quæque in pago Getzig sub arce
 Montis fortis tum habitabat, vere impræ-
 gnata ad decimum vsq. mensem, satis incol-
 umis pro sua conditione sibi visa est. Ac in-
 stante tādē partus tempore, iusti dolores,
 nec non humorū excretiones cōsuetæ, præ-
 sentibus & agnatis & obstetrice, nulla abor-
 sus suspiciōne innata, per aliquot horas illam
 debito exagitarunt modo. Cum autem in-
 cassum diutius laborare videretur, astantes
 vicinæ ad fortius enitendum subinde illam
 adhortatæ sunt: imò pro sua ruditate, tam
 incessanter ægram ad cogendum acceleran-
 dumque partum impulerunt, ac miseram
 mulierculam ad eiusmodi animi deliquia,
 tamque crebras syncopes sua ista importu-
 nitate adegerunt, vt nō solūm fœtus insciis
 illis suffocatus sit, sed & mater etiam cui-
 denter de vita periclitaetur. idque defectu
 medicorum omnium, in tertium, aut for-
 tē plures vsque dies factitatum est: donec
 commiserantibus cunctis, ægra illi soli Na-
 turæ & Diuinæ clementiæ, tanquam omni-

nò desperata, relinqueretur: ac veluti omni
momento moribunda, offulis ac gallinarum
iufculis per interualla refocillata solum fit.
Et sic misera illa per reliquum puerperij spa-
cium vtcunque curata, paulatim dolores re-
mittere, menstruorum tamen fluxum per-
seuerare sensit: & quæ est Omnipotentis in-
effabilis bonitas, nullius medicinæ benefi-
cio post aliquot septimanas, indies magis ac
magis, habere melius cœpit: donec & inu-
liebre profluuium cessarit, & dolores mag-
na ex parte euanuerint quoque: ad cò vt illa
domesticis negotiis iterum qualicunque va-
letudine præcise fateretur: ac decrescente
insuper nonnihil vteri mole, cuncta sibi
prospera ad integrum ferè annum repromi-
serit. Quo tamè non plenè euoluto, tumor
quidam particularum in sinistra inferioris
ventris parte, paulò supra inguina apparère
de nouo cœpit. qui dum quotidie augeri,
& demum etiam dolorem apostemosum
cum cutis liuore superinducere pergeret: ibi
mulier illa de foetu nihil amplius sollicita,
chirurgi auxilium inuocauit primum. Is fuit
magister Nicolaus Clæti, cuius Feldkirchi-
ensis, suæ artis peritissimus: qui sæpissimè
quoq. strenuissimi quondam militis Marci
Pfit-

Psittaci ab Emis castra, tam in Vngariam quàm Italianam, non infeliciter sequutus est. Is, inquam, vigentibus tùm accidentibus, quæ generationem puris cocomitari solent, tum ingenti necessitate, abscessum illum iam ad humani capitis magnitudinem excrecentem, omninò detumefacta aluo, decussatim nouacula, vt in fungorum apertione vsus obtinet, discidit: quo facto, tanta foetidissimæ virulentia copia effluxisse fertur, vt præsentium nullus, ne dum ægrotata mulier, aut ipsemet chirurgus facile sufferre potuerit. Nihilominus tamen vlcus illud sordidissimum, præfatus chirurgus mundificare & abstergere pro more non destitit: quousque intra pauculos dies semiputrida quoque ac corrosa ossicula, vnà cum pure exire cœperunt. Quæ cum is, remittentibus indies tùm dolore tùm fœtore, vndenam in ventrem, concavitatem nimirum exossem, peruenissent, stupidus miraretur: en tandem erumpentibus integris tibiæ ossibus, posterioribusque caluariæ fragmentis, manifestè deprehendit, ea ipsa reliquias esse fœtus illius, quem mulier ea ante annum peperisse debebat. Vnde vehementiore admiratione captus, decoctiones,

T 5 lotu-

loturas, & vnguenta qua potuit solertia, pro
ulceris profundissimi mundificatione exic-
cationeque semper adhibuit, donec illud,
femina nihil ultra conquerente, per sese ad
consolidationem properare animaduertit.
Ibi cicatrificationi, quam vocant, inuigilans,
mulierem eam omnino persanauit. Quæ
posthac plures superstes fuit annos, ac rede-
untibus in ordinem naturalem mensuris
purgationibus, ni fallor, feliciter postea quo-
que viuum adhuc enixa puerum est. Hæc,
Matthia doctissime, non relatione tantum
aliorum recito, sed prænominatam mulier-
culam viuat & valentem, vnà cum parti-
culis ossiculorum priorum illius infantis sui
coram vidi, & allocutus sum. Factaque su-
per prædicto negotio sufficienti inquisitio-
ne, non modò quæ iam ab aliis fide dignis
hominibus perceperam, credere didici; ve-
rùm etiam verissima esse, oculari demon-
stratione asserere possum. Nec dubito quin
tota ea regio, si opus sit, testimonium abun-
dè narrationi huic perhibitura sit.

F I N I S.

AVCTORES QVI IN MEDICINALIVM OBSERVA- TIONVM exemplis, ac in eorundem Scholiis, tum & in Annotationibus Beniucnij citantur.

Aëtius.
Albucaſis.
Alexander Benediſtus.
Alexander Trallianus.
Amatus Luſitanus.
Andreas Veſalius.
Antonius Beniucnius.
Archigenes apud Aëtium.
Auicenna.
Bernardus Gordonius.
Cælius Auſclianus.
Conradus Geſnerus.
Cornelius Ceſus.
Cornelius Gemma.
Dioſcorides.
Galenus.

Guido de Cauliaco.
Guilhelmus Salicetus.
Hieronymus Fracaſtorius.
Hippocrates.
Iacobus Hollerius.
Ioannes Fernellius.
Ioannes Langius.
Leonidas apud Aëtium.
Martinus Akakia.
Matthias Cornax.
Michaël Sauanarolas.
Paulus Agineta.
Paulus Iouius.
Rhaſis.
Suidas.
Valeſcus Tharantaniſ.

HIPPOCRATIS APHORISMI, QVI VEL IN OBSERVATIONVM MEDICINALIVM exemplis, vel in eorundem Scholiis, aut Annotationibus Dodonzi, citantur, vel breuiter enarrantur.

Lib.	2.	42.	Soluere Apoplexiam fortem.	fol. 19. 21
	3.	11.	Si verò hyems.	23
	4.	11.	Quibus tormina.	89
	5.	1.	Convulsio ex helleboro.	192
		3.	Ubi sanguis plurimus.	186
		13.	Quicunque spumofum.	55, 56
		33.	Menstruis deficientibus.	35
		34.	Mulieris sanguinem.	61
		40.	Quibuscunque mulieribus.	26
	6	37.	Ab Angina.	35
		48.	Lienosis.	201
	7	51.	Quibus cerebrum sphacelatum.	5
		60.	Quibus cerebrum aliqua.	2

RERVVM

RERVM ET VERBORVM MEMORABILIVM IN OBSER- VATIONVM MEDICINALIVM EXEMPLIS INDEX.

A BBONINIS musculorum in- flammatiō. 64	Clausus anus. 166, 167, 230
Abcessus mesenterij. 169	Clausum intestinum. 168
Abcessus tonsillarum foras erumpen- tes. 35	Clausura naturalia. 165, 168
Abcessus Theriaca apertus. 214	Capitis vulnus. 3
Acus assumpta per urinam reddita. 156, 271	Capitis os erosum. 153
Acus perforato stomacho exit. 156	Capilli nigri post casum capillorum canorum. 262
Aër frigidus capitis vulneribus no- cer. 4	Catalepsis. 11, 109
Alapa mortuus. 257	Catarrhus suffocans. 22
Alui excrementa intra peritonæum colleda. 82	Catochus. 8, 13, 184, 249
Aneurisma. 310	Catochus absque febris. 11
Angina difficilis. 38, 42, 175	Catochus ex vermibus. 263
Angina incisa. 175	Catochus in fene. 14
Antia remedia non temerè contem- nenda. 121	Catochi exemplum ex Galeno. 15
Ano clauso natus. 166, 167	Carcinomate exagitato mors sequi- ta. 216
Apoplexia fortissima qualis. 18, 19, 21	Carnis frustulum eiectum. 232
ab Aqua inter cutem curata. 256	Caros quid sit. 17, 18
Aqua inter cutem. 145	Caruncula in meatu penis. 94
laborans rusticus liberatur. 146	Cerebri confusio. 1, 4, 264
Aqua inter cutem: vide Hydrops.	Cerebrum punctum læsum. 6, 7
Aquæ potu frigidissimo homo perit. 151	Cerebrum sphacelatum. 5
Arteria incisa. 186, 187	Cochlearia. 76
Ascites. 147	à Cœliaco morbo curatus. 253
Aurium vermes. 261	Cœliacus morbus qualis sit. 254
Aurium vermes quæ curent. ibid.	Coles incisus non potuit sanari. 211
B.	Colocythidis in enemate excessus periculo non vacat. 22
Brachium ab humero diductum. 226	Colum intestinum flatu distentum. 26
C ALCVLO euulso sanata est mu- lier. 102, 224	Columbæ quadam proprietate huma- næ naturæ amica sunt. 120
Calculus spontè excidens. 102, 222	Coma agrypnon. 110
Calculi in vesica XII. 101	Comitialis morbus. 183, 240
Calculus in vesica spontè ruptus. 98	Confectio alcermes nimio usu viscera erodit ac corrumpit. 117
Calculus pulmonis. 52, 161	Convulsio ex utero. 241
vide Lapis.	Convulsiones pueris à lumbricis. 236
Calidiorè humore caput petète puel- la mortua. 243	Cordis arteriæ tuberculū adnatū. 172
Callus in arteria cordi vicinus. 152	callus adnatus. 173
Callus in mesaraicis. 154	Cordis pars patefacta. 179
Callus ventriculi. 154	Cordis palpitatiois causa. 117
Canis rabidus quomodo agnoscatur. 31	Cordis tunica læsa curata. 207
Claudus ex casu liberum gressum re- cepit. 194	Cor pilis refertum. 227
	Cornu è vulnere natum. 270
	Cyaneus lapis interna viscera exulce- rat & putrefacit. 117
	D ENTES novi vetulæ nati. 262
	Destillatio quandoque citò inter- imit. 23
	Diab-

INDEX.

Diabetes.	98	His moxtoe in pthysim tranfr.	29
Dysenteria.	278, 239	Hydrocele.	39
Dysenteria à quartana aliquando liberat.	260	Hydrocæles periculosa sectio.	93
Diuretica fortia calculosis noxia.	100	Hydrophobia à morsu canis.	29
Diureticorum intemptiuus vsus periculosus.	105	Hydrophobia nō diuturnus affectus.	30
E LEPHANTIA	241	Hydrope correptum bonis visceribus præditum esse oportet, si sanus fueri volet.	19
Elephantiasis Græcorum ab Arabum Elephantia differt.	113, 242	Hydrops.	59, 145, 146
Elephantia Arabum quid sit.	113	curatur aquæ potione.	148
cur sic dicatur.	242	Hydrops vteri.	109
Elephantia Arabica causa humor ad alimentum destinatus.	115	Hydrocephalon.	59
ab Elephantiasi liberatus.	138	Hypofarca.	147
Enterocæle.	207	ex Horrore flammæ febris.	204
Epiploocæle.	ibid.	Horrore puer mortuus.	205
Excrementa per pudendum muliebre reddita.	230	curatus.	206
F AMES valida.	195	I ECUR induratum.	133
Febris ex horrore flammæ.	104	Inflatio vteri.	109
ex Febri statâ mors.	228	Ilei dolor.	85, 178, 254
Femoris os erosum.	223	Ileos hamatites qualis Hippocrati Morbus.	79, 80.
Fluxus oratione curatus.	182	Incubus qualis.	28
Fœtor pestilentia quandoque remedium.	268	Inflammatiō circa fauces & oris partes astringentia initio requirit.	38
Fœtus in vtero mortuus membratim exemptus.	276, 291	Infantia.	24, 243
Fœtus mortuus XIII. annis in vtero gestatus.	288	Infantia nocturna.	17
Fœtus mortui in vtero gestati ossa per abscissum apertum expurgata & exempra.	297	Intestino clauso vita finitur.	168
Fons in agro Leodiensi.	36, 94, 97, 99	Intestinatorum dolore mortua.	172
Fortuna nonnulli curantur.	256	Intestinatorum dolores & tormina frigidis curata.	160
Frigidissimum aquæ potu vir perit.	151	Intestino graciliore scisso vita amittitur.	220
ex Frigidissimi vini haustu defectio. ib.		Intestina prolapsa ex umbilico & ex vtero.	115
Frigidi lactis, cui adeptum est butyrum, nocumenta.	152	ab Intestinatorum torminibus viscera erosa.	238, 239
Frontis vena aperta, linguae impedimentum solutum.	267	Intestinatorum tunica tussi scissa.	206
Frontis vulnere senex à cœcitate liberatus.	167	locinoris vlcus.	65
Fulmine attoniti.	159	sphacelus.	66
G ANGRAENA à digito pedis incipiens lethalis.	61, 214	Ischuria.	103
Gelatus.	247	L ACRYMAS sanguineas.	34
Gemini pueri.	258	Lactis frigidi, cui adeptum est butyrum, nocumenta.	153
Geau miraculo sanatum.	140	Lapis ex intestinis eiectus.	154
Gonorrhœa venerea.	94	Lapis tussi exoulsus.	160
Gulæ abscissus.	251	Lapide percussus.	3
H ÆMORRHOIDES.	109	Lapides in tunica hepatis.	132
ex Helleboro convulsio lethalis.		Lapides in vesica fellis.	133, 238
		Lateralis dolor in pthysi.	62
		à Lepra liberatus per incuriam.	157
		Lethæra causa.	17
		Lethargus morbus difficilis.	16
		Lethargici pectore suppurantur.	71.
		à Lieq. vitio curatus.	253
		Lingum	

I N D I X			
Respirandi difficultas.	43, 203	Sudore represso sanatus.	192
SAGITTA carminibus euulsa.	162	Suffocationis periculum.	43
Sagittæ ferrum dorso impactum		Superioratio.	239
post biennium per inferna descen-		T A A S missione sanguinis curata.	185
dir.	273	Teli pars sternutatione post xxv. an-	
Sanguinis è brachio detractio incom-		nos reiecta.	275
modè sit multiribus ab utero asse-		Theriaca abscessus apertus.	214
ctis.	13, 14	Tenuioris intestini morbus.	254
Sanguinis è gingivis profluuium.	33	Tetanus.	270
Sanguinis glutinis modo concrevens		Tineæ quandoque sub pedibus ligan-	
lethalem aut diuturnum morbum		tur.	120
significat.	17	Tympanites.	87, 89, 226
Sanguis vulnere facto non statim re-		Tormina intestinorum frigida cura-	
primendus.	266	ta.	260
Sanguinem lachrymæ.	34	Tonsillarum inflammatio & absces-	
Sanguinis copiosa missio qualia peri-		sus.	252
cula asferat.	186, 188, 196	Tuberculum supra cordis arteriam.	
Sanguinis missione iocinoris vitium			172
curatum.	219	Tussis sanguinis missione curata.	201
Sanguis mulieribus ex pedis vena tu-		Tussis scissa intestinorum tunica.	206
tus detrahitur.	14	V A S I S in pulmone rupturæ cau-	
Sanguinis missione mutus restitutus.		sa.	54
	212, 214	Vlcus iocinoris.	63
Sanguinis missione plenitudo soluta.		Vlcus menti dentis euulsione sana-	
	212	tum.	219
Sanguinis profusio vulneratis prodest.		Vlcera narium.	163
	266	Veneræ gonorrhœa.	94
Sanguis ex poro fluxus.	133, 134	Veneræ lues.	129
Sanguis spumofus.	54	Venæ in naribus sectio mortis causa	
Sanguinis ex vena detracti considera-		exstitit.	267
tio.	11, 13, 14, 17	ex Vento mors subsequuta.	225
Sanguis vitæ thesaurus.	197	Ventriculi vlcus.	56
Sanguinis vomitus.	57	Veratroepoto strangulatus.	189
Sanguinis vomitus ex liene.	58, 60	ex Veratro albo mors.	190
Sanguinis vomitus ex utero.	60, 162	Vermes in auribus.	261
Sanguinis cum urina exitus.	73, 74	Vermes aurium quibus curentur.	261
Scorbutus.	74	Vermes Cucurbitini.	231
Scorpij venenum frigidum.	195	Vermes erucis similes.	230
à Scorpione ictus frigidum sudavit.	ib.	Vermium multitudo eiecta.	229
Scorpius in cerebro natus.	246	Vermis è nare proiectus.	229
Serapium ex Adiantho.	53	Vermis vomitu proiectus.	245
Sopor vigilans.	11	Vermis ex pectore propulsus.	241
profundus.	1, 3	Vermis in vesica.	222
Spasmo Cynico mortuus.	246	Vini frigidissimi haustu defectio con-	
Sphacelus quid sit.	63	sequita.	151
Sphacelus cerebri.	5	Virgo aliquot mensibus à cibo absti-	
Sphacelo correptus puer.	115	nuit.	268
Sphacelus iocinoris. 66 pulmonis.	54	Vir lactauit puerum suum.	271
Spirandi difficultate mortuus.	203	Virgo lac habuit in vberibus.	272
Sternutatione teli pars reiecta.	275	Viscerum interiorum omnium cor-	
Stomachi eleuatio.	177	ruptela.	61
Stomachi vitium sanatum.	208	Vlcera in scorbuto quâdo accedât	80
Strangulatio ex re in asperam arte-		rimbicus prominens.	59, 136
riam clapsa.	274	Vmbilicus prominens in pueris quo-	
Struma ingentis magnitudinis cura-		modo curari debeat.	137
tum.	149	Vmbilicæ	

Linguz impedimentum solum lafa
frontis vena. 267

Asotus temerarius. 102, 103

Lycanthropia quid sit. 28

Lubricantia officula in oesophago ha-
rente nihil proficiunt. 38

Lumbricus latus. 222

Lumbrici lati ac rotundi. 229

Lumbrici puero molesti. 235

2 Lumbricis conuulsiones. 236

Lues venerea. 129

MANIA. 24, 27, 243

Mania cum Melancholia affini-
tatem habet. 26

Mania in hemoptoen conuersa. 25, 245

Matricis ventositas. 109

Maximos casus omnia succedut gra-
uissima. 3

Melancholia cum Mania affinitatem
habet. 26

Melicera pro carbunculo iudicata. 210

Memoria amissa ac recuperata 10, 185

Mensibus non prodeuntibus corpo-
ra feminatum morbosa. 35

Menti vlcus dentis euulsione sana-
tuum. 159

Mesenterij inflammatio & abscessus. 170

Miraculo genu sanatum. 140

liberatus. 142

Mola. 107

Mola ventosa. 264

Morbus comitialis. 240

Morbus gallicus. 122

Mortui corpore aperto quæ reperta.
63, 233

Mortuus fetus vno extrahitur. 166

Mortuus fetus per incisionem exi-
mitur. 167

Mulier vulua carens vixit annis de-
cem. 144

Mulier à malo spiritu oppressa. 139

Mulier post LX. annum ter peperit.
263

Mulieribus ex pedis vena sanguis tu-
tus detrahitur. 14

Mulier ex lapsu vrinâ continere non
potuit. 237

Mutus laesis nervis factus. 1

Mutus sanguinis missione restitutus.
213, 214

NARES exulceratz. 163

Nasurtium hortenfe 76

Naturalia clausa. 168

curantur. 165

Nervis laesis vox perperita. 235

Nervorum cervicalis tensio. 249

Nervorum distentio. 185, 199

Nigri capilli renati post canorum ca-
pillorum casum. 262

OCULO perforato visus restitu-
tus. 219

Oris graueolentia. 57

Oris & faucium inflammatio astrin-
gentia initio requirit. 38

Orthopnea. 45

Orthopnea laborantes cur decum-
bere nequeant. 47

Os suræ refectum. 162

Ostium abscessus. 270

Os capitis erosum. 132

Ossis petrosi fissura. 1, 7

Oesophagi inflammatio ab impactu
piscis ossis 36

Officulo in oesophago impactu quid
faciendum. 38

Ozæna. 164

PEDIS tumor. 112

Pedibus quæ subduntur in magnis
& ardentibus febribus. 120

Peripneumonia popularis. 47

Pestilenti febrî correptus. 193

Petrosi ossis fissura. 1

Phrenitis unde fiat. 17

Phrenitici qui dicantur. 7, 243

Pilulæ Iliacæ Rhafis. 85

Plenitudo nimia sanguinis missione
sanata. 212

Puer horrore mortuus. 205

Pulmonis calculus. 52

sphacelus. 54

Pulmonis inflammatio non semper
citrà dolorem. 51

Pulmonis substantia in pus conuersa.
40

Pus per vrinam redditum. 179, 273

QUARTANA accessio inclinans
te sit die. 200

Quartana accessionis diem mutat. ib.

Quartanam malè curatam sanitas &
mors sequuta. 197

Quartana morbus longus. 199

RAMEX quomodo fiat. 207

à Ramice curatus perit. 217

Ranunculus linguz affectus curatus.
31, 32

Ranunculus cum consillarum inflam-
matione curatus. 32

Remedium non ab inuentoris condi-
tione laudandum aut improban-
dum: sed ex facultatibus de eo iu-
dicandum. 123


Respiratio composita actio. 19


Respi-


RENUM ET VESICARUM.


Vmbilici vitas soluta.	177	Vrina rubens in morbo frigido.	69
Velulus sanguineus.	80	Vrina sanguine permista.	73
Vomitu menses proiecti.	60, 61	Vrinæ stillicidium.	106
Vomitu vermis proiectus.	129	Vrinæ suppressio.	103
Vomitibus sanguinis.	57, 60	retentio.	105, 138
Vinum stillatitium.	2	Vteri inflatio.	264
Vrina ex ano.	137	Vteri morbus inedia curatus.	255
Vrina ex alienis locis profluens.	166, 234	Vteri strangulatione correptæ videntur Catocho occupare.	14
Vrina per foramen reddita.	223	Vulgi aut agyrtarum remedia citra rationem non abicienda.	121
Vrinæ incontinentia ab exciso calculo.	103, 262	Vulnere frontis à cœcitate senex liberatus.	267
Vrinæ incontinentia ex lapsu.	237	Vulnere facto non statim sanguis reprimendus.	266
Vrina intra peritonæum collecta.	31	Vulnus capitis.	3
Vrinæ profluvium.	96		
Vrina rubens ex debilitate renum.	71		


FINIS.











27

